

171
屈翁山詩集


徐信符藏

PL
2705
U235
A5
1
===

西晉書



吾友番禹屈翁山詩名徧天下其沒後單詞斷句流傳
 太平者手秘篋枕如蔡中郎之於仲任也噫翁山詩之
 再不以不朽者信足慕乎翁山少值流離方袍圓相走燕
 秦齊晉諸地所歷殘墟遺壘重關古戍有可繫于中者
 徘徊憑弔長歌當哭識者知其有托而逃有王將軍者
 奇其才搜訪入幕妻以女遂返初服理家室偕隱羅浮
 山中購古今異書倣趙明誠李清照緝書鬪茶事丹黃



粉黛掩映一堂又性愛客四方之鴻生鉅儒莫不聞風而至相與晨夕集聲伎爲樂或酒酣耳熱縱談古今興衰治亂忠孝節烈之事往往吟情勃發千言會赴如泉源出峽極奔駛之狀翁山誠足以豪耶憶自辛丑歲翁山始至禾借竹垞同年訪余南州艸堂論詩說賦語及甲申來死事諸公燭花紅淚與目睫交映時翁山尚混緇服正撰道授堂詩集有題先大父像一篇刻其中後已酉之歲復來吾禾留榻荒齋挾辰忘倦爲言在延緩時弔榆林之七忠尋五原六郡之故蹟里中求名少年爭趨之蓋自此遂別去道余官禁近長兒祚增

字道薄

遊羊城翁山貽之詩曰君爲名父子詞藻又徐家一吐珊瑚筆江郎不見花文章云憶在鴛湖曲君才十四齡一朝齊老鳳九日掩香溼其于余父子間詞意良厚顧與余倡和者絕少則以先因出處殊塗後復南北背馳而余更以疎懶不樂伍附尾畷名之輩故余雖有詩贈別而不及促其酬答也余二人交垂四十年彼我之懷自爲各得少陵情熱青蓮意冷古人固如是翁山詩集果傳余亦何必爲汪倫郭受哉齒及小子足矣我家從孫掄三兄弟好文于古今麗典新聲皆能溯源窮流茲選刻翁山詩如千首屬余弁其簡端余展卷再三覺曩

時談笑起居翰墨酬倡音容如昨恍惚遇之而翁山已
不可節矣觀是編也殆如逃空虛者聞人營咳若不禁
其忽然自得而又爽然如失也嗚呼是可慨也夫鴛湖
同學弟徐嘉炎題

屈翁山詩集

卷第一

五言古詩

詠懷

過大梁作

清明展墓作

冲虛觀

送鐵橋道人

古詩爲葉金吾壽

送王子從軍

送王子從軍

送王子從軍

送王子從軍



University of Washington Libraries

偶從風洞眺望始安山水賦呈秦使君

吳內子王華姜

贈徐處士

讀史贈陳獻孟並送其行

蓮花峯篇贈黃山閔賓連

江氏雙烈篇

蜀岡懷古

贈顏君

詠古

贈邳州季生

夜上灘江作

古意

詠懷

出塞作

贈遠

贈山陰祁七

送朱十

和陳元孝登吹臺作

別王二丈予安

梅市別祁四丈季超

還故山作

將歸省母留別諸友人

和友人度昭關之作

送鐵井子

贈別查德尹

送五弟還里

答李緩山

爲陳母姜太夫人壽

采藥西寧承張大令使君命其姪孫豫表陪探

燕子巖大峒龍井諸勝

過涿州作

贈朱士稚

與諸公別于西陵

壽母

遊羅浮作

遊黃龍洞

宿寶積寺

進帆石門懷古作

送陳中洲

送程君還歙

鎮海樓

送家舍人

送妹

出永平作

登軒轅臺作

贈友人

寓山園弔祁忠敏公

酌貪泉作和人

咏古

贈友

登羅浮絕頂奉同蔣王二大夫作

松上蘭

送張超然返虞山

行藥城東作

卷第二

七言古詩

送韓石畊

上千尺巖百尺峽至溫神洞宿

華頂放歌同王伯佐

王允塞招飲竹林精舍醉賦

長春石室

辛亥中秋夕作

壽汪虞部

陳文種花歌

東湖篇贈高明府

壽霍丈

寄贈高博羅

廣陵篇贈別吳鹿園

題吳太守江山清嘯樓

過黃俞部藏書樓作

觀雲公所繪聽松圖爲葉平仲作

送客上廬山

題欽子五芝圖

爲王璞菴題騎白鹿圖

東湖走筆寄詹明府

答姜十三送遊天台之作

淶水曲

將歸東粵省母留別王二丈疊祁四丈駿佳

有所思

會稽春暮酬南海陳五給諫懷予塞上之作兼

寄西樵道士薛二

春日懷白華園

贈張損之

寄薛二

酥醪村作

遣客王學士廬山篇見贈之作

聽琴歌

玉女峰觀洗頭盆作

題王山史獨宦亭

丙午夏日將同李天生之雁門道過蒲城飲米

侍御園亭卽事有賦

古丈夫洞草堂歌

雁門送客

送孫丈歸黃山

登秦鞏山寄酬廬山無可大師

送方瞳子

送吳少叅返歷陽

惠州王太守入羅浮尋梅花村不得用子瞻松

風亭下梅花詩原韻有作予爲和之

廣陵老僧聞一以画扇見貽詩以答之

合江樓讌集次蘇長公韻

草堂歌贈藍公漪

南海神祠古木綿花歌

伶俐江口遇風作

短歌贈別陳子

讀丈人師武夷遺草因懷武夷虎肅洞諸勝

送李十還晉康山中

羅浮放歌

木棉花歌

張二丈面馬送予出塞詩以酬之

西峯訪范復菴不值留贈

西峯下窺水簾洞作

洗象行

雷陽郡齋醉中走筆呈吳使君

高州大水作

奈何帝歌

放歌行爲潘子壽

題周梨莊戴笠圖

讀李耕客龔天石新詞作

女兒葛歌

送洪氏兄弟讀書黃山白龍潭

石公種松歌

九日過李十一二耆山房賦贈歌

西樵歌

藥地禪師于青原得一瀑布名曰小三疊泉請

予題長句

浮丘修禊作

客山陰贈二椰子

羅浮採梅歌爲臧喟亭作

望夫石

那旦道中作

烏江弔項王

送朱上舍

卷第三

五言律詩

海上

從軒轅宅入迷居洞

宿金沙洞

自英德至含洸道中作

舟上連州

過清遠諸灘

望五老峰

開先寺樓作

攝山秋夕作

送客

靈谷探梅

吉祥寺古梅

紫峰閣梅

昌平道中

雲州秋望

邯鄲道中

邊詞

硤石道中

歷千尺峽百尺峽諸嶮至嶽頂

青牛臺訪彭荆山

初春代州作

廣昌

邊夜

將從雁代返嶺南留別程周量

九日集陳大夫署中

答王六惠葛巾

懷同岑

答人惠藥

題戴務旃水田圖

冬日英州山中

吳江贈顧茂倫

舟入閫門

望天平

靈巖春日與李侍御灌溪遊覽作

過翁子山房賦別

橫塘寄徐昭法

入雲門作

三水縣訪朱丈

亂帆

李六烈女

魯連臺

呈周櫟園

送王汾仲還新安訪石埭姚明府

姑蘇秋夕與余丈廣霞坐京兆杜子寓樓

春湖曲

范蠡宅作

自白下至攜李與諸子約遊山陰

子陵祠下夜坐

釣臺

耶溪夜遊

郴江口

浮湘

漢口

湖中有懷

出湖作

次阮江作

自排山經熊羆嶺至祁陽作

自零陵至興安道中

零陵道中曉行

全州道中

靈川道中眺望建陵諸峰

自五屯所至永安州舟中作

宿高田

陽朔道中

風洞寺晚眺

歲暮客建陵作

鄭子画白鷗送予賦以答之

悔不

蘭陔卽事

送陳明敬遊吳因訪秀州諸子

次觀珠塘同郭子作

陽春道中

石城旅店

宿陳生凌寒軒作

開先寺古梅

松林

鏡中白海棠

春感

梅花

北遊初歸奉家慈還居沙亭作

闕鄉道中呈杜子

太華作

送田丈自代返秦將登華嶽

代州夏日馮方伯招飲故大司馬白谷孫公園

亭卽席賦

目錄
答王阮亭

贈別顏修來

答杜子

九日

平刑

保定重別陳少叅

送吳子歸河中

寄何子

別阮亭

春山草堂感懷

雨過坐三峽橋望石人峰流水

人日秦淮上值孟王生辰賦贈

江東別朱生

舟至焦山

郊縣道中

空翠

柳花

軍中

馬陵

冬夜宴趙將軍宅

席上賦得梅花爲陳正子壽

別錫鬯

邊思

題龔柴丈園

白紵曲

胥口逢梅里諸子

從洞庭還東瞿止

錢塘觀潮

寄桐岑子

登香爐峰

鶴舒臺

秣陵

木末亭拜方正學先生像

惡少

天壽山

銀錢山

信都

紫荊關

同陳子遊五臺作

代州馮氏園亭賦呈主人楊馮甥舅

留別陳正子

豫讓橋

贈別楚客

高奴客舍作

送陳氏兄弟還清苑

送陳五貞門訪藥禪師

度騎田作

樂昌水漲

天岳

五老峯背觀三疊泉

過夷門

通州望海

題許劍亭

戲贈朱十

夜憩江樓

昭江夜行作

入新興江路

黃泥灣道中

東安舟中

贈陸舍人

懷沈武功

弔淮陰侯

經韓侯釣臺

送何子往桂林

過徐州作

黃河舟中作

謁文丞相祠

頂湖山

謁謝舉羽墓

次義容江口作

連州舟中

代景大夫歲暮客建陵作

春日洪州西山作

過彭蠡

弔陳宮

出楊子江

容州咏綠珠遺事

貧居作

江上早行

已巳臘盡作

送李南中英三同李方伯之任湖廣

奉題惠陽王郡侯署中憶雪樓

觀黃巖瀑布

洞庭曲

登娥避峯作

題吳湖州亭皋集

花朝社集西禪寺

讀吳野人東澗集

詠古

空山

寶勒

居庸

龍虎臺

宣府作

寒食

吳門逢京兆杜子賦贈

登潼關懷遠樓

桃林坪

答天生

再送天生携家自代返秦

答錫鬯

唐晉王祠墓

真定道中

留別錢舍人

送魯人劉六茹入華山兼寄彭范二道者

河套

壬子春日弄雜軒作

羅生以角弓贈行

黃陵懷望

送徐道冲

別王于一往雁宕

中宿峽

從大小鸕鷀諸灘上彬州題蓮子精舍

八尺洪

夜上橫州作

題張二丈山房

見月有懷

蕭然

春艸

送人往歸州

卷第四

五言律詩

河頭舟中

自五籃徑熱水山八十里至大牙宿

高涼遇歐陽先輩賦贈

化州道中寄時子

次沙澗

合道山房作

懷二配

西樵作

寄汪扶晨黃山作

冒雪同郭臯旭入鄧尉山中探梅

同諸子探梅玄墓

望太湖山色作

漁洋探梅歸至東西橫塘作

漢口訪徽上人蘭若

溪亭懷亡友韓石畊

答藍公漪

題太倉張氏學山園

具區山中作

別高氏兄弟

舟泊宿遷作

尸上人將出渝關贈之

春人曲

舟入陳村有作

黃鳥

移家返沙亭有作

初秋春山作

送明逸人

戍婦怨

秋蟬

初冬鹽步江上作

江臯

過鍾氏園

舟次康州作

王借岡阻淺

秋日閒居之作

送真公還星巖精舍

客邸

舟夜

庭前

舟暮

贈黎大

送嚴藕漁宮允還梁溪

宿檳榔塘

入秋鄉江作

自藍塘至秋鄉江口作

秋聲

昨夕

過黎氏山館作

代泛亭坐月次白真人韻

三峽澗

梧宮

田尾村居

舟入灘山贈內

湘中作

代景大夫舟自五屯所至永安州之作

珠江秋夜

明月寺作

繇雲母峰上大小石樓

懷寄湖南尹叟

與客題冷泉亭

登任公子釣臺作

若耶溪新築作

寄蕭山張杉

懷迦陵

葶蘿

初三夜月

題靈山寺

靈山寺聽泉

立夏前二日留春

題徐太史楓江漁父圖

寄同岑禪師

秋夕與琴客作

贈新州區丈

一春

布水村

夜宿沙洲有作

汪扶晨得余所寄詩外賦詩志喜予感其知己之深亦賦二章答之

目錄
月黃

立秋後五日作

夕陽

不眠

沙口

黃落

非狂

泉至

聽入十有五羅翁琴

愁

九日送程生

依依

送汪楷士還歙爲其尊人七十壽

辛未上巳讌集王蒲衣深廬分得春字

惠陽娛江亭作

癸酉秋懷

暮春村行

春懷

端州道中

贈張十二

高廉雷三郡旅中寄懷道香樓內子

汪學博攜飲羅湖

雷陽作

題張氏石鱗山房

重至白門宿余鴻客山堂作

贈程葛川

初春散儒堂作

蔡璣先鉉升攜過東園看菊作

雪中送人入太湖作

雪

銅馬門

塞上曲

寄祝子堅丈

淮陰侯

諸葛

懷嘉興周青士繆天白

書長

宿永安墟作

不眠

觀神江諸水作

度大小蝌蛇嶺作

蟬

京江舟中望金焦二山作

寧陵道中贈梵公

重賦梅花爲陳伯子壽

和杜二雪中入潼谷作

步出虎山橋作

夜坐蔡五玉得齋作

初夏集蔡氏園池作

秦淮觀水漲作

題怒吳樓

蔡五攜尊過江東門寓軒

七夕婁門舟中有懷

湖口守風作

夜坐有懷二姑

扶胥江口晚望

琴臺

攜李作

登陶宴嶺作

夷齊廟作

舟入羅旁之水將訪西寧張明府有作
聞藍子談武夷折筍隱屏之勝有作

哭侍妾梁氏文姑

題真公坐石小影

丁卯初春作

桃溪

題關中程氏臨流圖

喜周南美同諸子枉顧沙亭

含愁

舟宿黃檗漏作

于忠肅墓

渡江

荆門

送別祺公先生

臨淮道中

佳人

送天生

別倪生

五人墓作

禹廟

南嶽頂觀日

贈別查韜荒

有憶

讀陳勝傳

秋郊燕集作

贈郭舉旭

初秋小集鄭儋州齋

雨夜作

次魚洞

欽州

少小

白髮

贈茅天石

綠樹

大都宮詞

別吳統持

西苑

漂母祠

太白祠

知己

送曾止山

古廟

望爛柯山

佛手柑

木樨

玉簪花

菱

送焦君還三原

送人出關

題華不亭

劍池作

宋玉

白首

揚州

莫愁曲

上端州作

烏攬

割帶

喜鮑子韶來粵

贈黃叅軍

秋日書懷

聞雁

奉酬張超然處士

張桐君餉我杭州官扇賦此答之

攀枝花

送錢子目天

荼蘼花

秋海棠

望海

鄭方二君以生鷓鴣數雙見貽賦詩答之

江行

芭蕉

九月初十夕

不寐

題慈雲閣

落花

送陶子北征

白雲泉

舟入橫槎水作

汪仲子持令兄栗亭及諸君書自歙至廣州相

問於其歸也爲詩二章送之兼寄諸君

自胥江上峽至韶陽作

江臯作

卷第五

七言律詩

塞上逢李武曾

望雲州

題雞鳴驛

春日代州郊外作

送顧寧人

紫荆關道中送客

諸公餞予玉河亭子賦別

杜曲謁杜子美先生祠

越中寄廬山無可大師

讀史

將度梅關賦贈南雄朱參軍

與柳子談淮陰侯事賦別李子

送人上華嶽

昭江春望代景子

代景子將歸寄內之作

送曹郡丞

浮湘作

和王不菴幽居之作

吳門春日作

秣陵感懷

舊京感懷

送甘健齋返豫章

度梅嶺贈閩人

九日與客登潮泉山觀潮泉作

黃龍洞尋南漢天華宮故址

留別南雄某別駕

壽東莞周丈

疊落舟中春望作

九日舟經清遠峽登高有作

自瀆陽至穗城江行有作

六月十五夕就樹軒玩月

過梁餘仲池亭賦贈

讀荆軻傳作

雨後代泛亭望湖

明妃廟

歸宗寺

燕臺秋日別繆天自之雁門

早發大同作

章臺

荆南歸興

歸至江東東方丈爾止

逢日者周生賦

壽前刺史彭君

和劉六如登華

和人巫峽中望十二峰之作

和李生與客上廬山之作

冊經金利作

斑竹

江上新晴有作

靈山寺作

歸舟賦贈柴子

雨後

送人自楚之蜀

綠牡丹

蓮葉

東臯別業舊址

答張桐君見題三閩書院之作

贈鄭山人入匡廬

石灘舟中眺望

瀝湖舟泛

珠江春泛作

悼馬

平湖逢馬培原給諫時給諫被沙門服

菊

芭蕉

菜

重至都虛觀作

舟經晉康奉訪州使君有作

忠養堂書懷

奉和澹翁六叔父開春病起之作

獨酌

洪州喜遇京口宋君

季秋之五日承諸族父過賞菊梅分賦

閨怨

對水仙花題畫中水仙花兼紫芝怪石

花朝前二日小集澹翁園林觀落紅有作限塘
字

望羅浮

永安紫金山眺望有作

奉和嚴藕漁宮允蒙恩予假南還述懷之作次

元韻

舟入新興江將訪柴子有作

送潘次畊太史

贈施少府

壽李番禺

小除夕讌集張紫閣觀察署中同用杜少陵秋

興第五首韻

峽裏

無題

紅梅

自蒲澗入濂泉寺作

送姜克儉歸山陰

贈黃叟逸閒

汪子栗亭右湘吳子綺園屬山僧師古畫黃山

冊子寄予爲六十壽詩以酬之

目録
答黃扶孟

喜謝修五歸自高涼

過馬佐領克起粵秀山房賦贈

過林子本茅艸堂奉答見贈之作

集梁季子齋分賦得魚字

杜鵬花

花朝讌集湯氏園亭作

立狄後一日崔氏樓雨望

梅

乍得

鍾山

沙河悵望

金山恭謁天下大師墓

平臺

宣府道中

宣府弔古

大同作

塞上感懷

岔道

舜廟

重過易水

華山作

望嶽

長沙秋望

壽尹丈

過某將軍北山艸堂賦贈

晴川閣作

黃鶴樓

漢口

送人度梅嶺

東孔君

吳閩卧病有作

逢商丘宋使君賦贈

采石題太白祠

次燕子磯

贈水師某總戎

七星巖

永安州道中作

黃鶴樓

天門山

蠟磯謁靈澤夫人廟

白嶽

姑孰道中遇施虹玉返新安

寧都魏叔子季子隱金精山詩以寄之

上十八灘

度梅關作

過某明府金紫山莊作

過華林作

七夕咏璇璣圖

南海神祠作

寄魏處士

初至漢陽賦贈王別駕

贈南雄采總戎

徐君自江左來廣賦贈

得郭清霞書言欲歸老羅浮詩以速之

廣州弔古

懷仙曲

壬戌清明作

焚香作

壽水部太翁

望晉恭王園

南鎮

墨胎

范蠡

豫讓

信陵君

虞鄉

番政

魯仲連

伍子胥

燕昭王

趙武靈王

荆軻

藺相如

宋武帝

呂不韋

李廣

和人岳王墓

登岱

魯宮

漢關

和人北固山下作

南海廟作

木末亭

兩粵督府祝嘏詞

鴛鴦蓮

贈墨西

贈香東

送人入巫峽

重至何仙姑壇作

湘江曲

寄懷毛翰林大可

太湖懷范大夫

自中宿上韶陽道中有作

卷第六

附五言排律

五言絕句

古意

桃葉渡

湖上

雷塘

書馬

秋夕別岑公

贈雪公

日出曲

孟津口

舟中

過十八灘

定情曲

江湖曲

秋水

歡如曲

柳枝詞

青樓曲

春水

夢衣行

有懷

秋夕

黃山寒夜作

鶯脰湖作

一冬

目録
題攝山亭子

瓜州問渡口號

白露

欲雨

酌酒

生日覽鏡口占

梅花村作

苦風號子

出京江口

題青溪姚氏所畫梅花冊子

觀瀑

對梅

紈扇詞

覽鏡

耶溪

舊葉

入蘆苞水

送客

梅關道中

對花作

寒食

吹笛

暮天

從石濤禪師乞花插瓶

十五

春日曲

夜蘭

寄黃山道者

蕉林作

灞橋

贈長安田十五

白鵝潭

觀海

白華園作

秋日挈舟茉莉沙追送孔叅軍卽景口占以贈
其行

弼唐村卽景

持蔬軒作

菜圃雜咏

隔牆桃花

訊汪子

舟行

西樵與客賒酤口占

嶺南旅懷

春怨

題南園綠草飛蝴蝶圖

浙河夜發

梧桐

破苔

落花

題畫

廣州花朝

浣沙女廟

傷春

雙燕窩

媚歌

示閨人

古意

梅花下作

潭上作

怨歌

新竹

題朱太史小長蘆圖

畫竹

瀑花

讀史

寒食北望燕京作

湘中

詠張麗英

紅豆曲

楊柳枝詞

若耶

鏡湖曲

酌酒與徐撫辰

鐵橋

種蕉

秋夕作

題王二丈手蓉閣

蝶

林下

目錄
卷第七

七言絕句

花田

西樵山中作

招梁器圃

羅浮對酒謔

羅浮道中作

禹陽

灘上吟

瀧中

秋夕黃陵作

送何子

零陵

江上望南嶽

武昌江上作

廬山道中

采蓮號子

石人峰下作

石門有懷

山中寄周青士

雨過三峽橋上作

華山頂諸水

華陰二蓮歌

寄王山史

樂遊原上尋終南隱者不遇

客雁門作

黑圪塔

柳

別傅應州

山陰作

雲州贈俞右吉

東趙子實

送客

從塞上偕內子南還賦贈

與華姜宿紅梅驛

同李子自揚州至秦州作

景陽宮

湖中懷沈武功

洞庭錄別

贈施生

目錄
虎丘中秋夕

夜宿觀山作

劇棊

初秋有憶

喜陳獻孟屢過草堂口占贈之

有憶

蜀岡懷古

寄程仲菴

梅旅度曲以秋宵聞歌爲韻

垓下

江深關眺望

題李咸若哺園

青溪觀虞美人作

題寒山子圖

席上吟贈林茂之八十翁

贈張子歸西泠

文與也爲予寫西洞庭圖賦此以贈

雁門七夕卽事

豹突泉

雲中詞

懷沈武功

白華園送客口號

復歸沙亭東從兄秦士

壬戌人日作

玉河曲

送諸駿男之蜀

春日雨花臺眺望有感

河陰戲贈老將

入蜀行

湖上柬宋子

留別弄雛軒
弄雛軒有贈
逢查逸遠

繼樓

從弟某折並蒂石榴花簪予冠側請作詩

廣州荔支詞

送張南士返越州因感舊遊有作

贈厲子還西泠

七夕

哭稚女鴈

豐湖

有贈

望菱塘海濱諸村

落花

新眉

種竹

西園

翠羽

哭華姜

秋日自廣至滄江行有作

江行

暮春山行

燕

緋桃

新竹

一春

今歲

春盡

春遲

卷第八

七言絕句

秋日廬山作寄繆天白

自大小王公嶺經楓林橋一路丹楓古木與梅
桂相亂坡院高低石路坦潔絕可愛

君山夜泊

陳宮辭

秣陵春望有作

金陵送藍子

題吳季六所画黃山松

寄新安汪扶晨

寄答新安黃黃生

浮家住金陵作

湖上

題望京樓

自萬安上十八灘號子

某明府納姬金陵索贈

宿乳源道中

夜入飛雲頂

自秧家至黃窰道中所見

寄無可禪師

題畫蘭冊

秋日對花作

芍藥

虞美人艸

柳

鷓鴣

天涯

題江丈小影

題葉氏山房

姑蘇楊柳枝詞

送客

春望

沙亭漫興

自題易葉軒

春日仙寒艸堂作

增城道中作

浮瓊海

夫溪曲

詠羅浮

青旗江口所見

University of Washington Libraries, U.S.A.

見初月有懷

題畫竹卷

杜鵑

題王給諫烏絲紅袖圖

東向

斷腸

送麥子之松江

席上贈葉仙

梁烈婦

黃烈女

送林木文還嘉興

長思

南粵閩辭

弄雛軒作

示女明涿

春山

知道

焚香曲

越臺新柳

題沈君小影

舞草

黃花

乞顧生寫真

題英上墨竹

將上惠陽舟中望羅浮卽事奉呈王太守

題高生畫

戲示墨西

口占送姬人之母

送朱竹垞

送人入京

苦雨作

屢得友朋書札感賦

長兒明洪十八歲生日口占示之

題朱君望雲圖

題劉君蘆洲濯足圖

新柳

送聲遠往杭州

西蜀費錫璜數枉書來自稱私淑弟子賦以答
之

九月望後梅已數花先黃菊而發喜賦

目錄
題画

送王觀察之官蜀中

一林

附詞

屈翁山詩集卷第一

鴛水徐肇元掄三選

周源長荆思

徐起元瀛奇

校正

五言古詩

詠懷

亭亭南澗雲變化如遊龍朝冠扶桑日暮含闔闔風光
彩何熒熒降我蕊珠宮感子相羽翼飄飄至崆峒獲覩
軒轅帝心華開鴻濛萬象無遞形來朝寶鏡中雙成爲
舞女子晉爲謠童遊戲太虛庭誰能知所終

少年學神仙披髮羅浮戲麻姑愛玉顏爲作芙蓉髻簪

以明月珠拂以紅羅幌吹笛東南峰紫鸞來嘒嘒歡娛
會幾時人世苦流離君爲空中雲我爲機上絲將絲繫
浮雲纏綿安可期悠悠望蓬山終古長相思

過大梁作

浮雲無歸心黃河無安流神魚騰紫霧蒼鷹擊高秋類
此雄豪士滔滔事遠遊遠遊欲何之驅馬登商丘朝與
侯嬴飲暮爲朱亥留悲風起梁園白草鳴颼颼揮鞭控
鳴鏑龍騎如星流超山逐群獸穿雲落兩鶩歸來宴吹
臺酣舞雙吳鉤驚沙翳白日垂涕向神州徒懷匹夫諒
未報百王讐紅顏漸欲變歲月空悠悠

清明展墓作

妖姿痛不留華年惜中天墓草根已陳松枝鬢蘿葛繡
妝所憐女魂魄何嬌小葉石弗能追相隨入先兆沈陰
日杳冥泉下無時曉憂毒能傷人吾將殉窆窀

冲虛觀

平生好嶠嶽所至棲丹丘太華雖言好未若歸羅浮冲
虛有雲構葛公所綢繆暗虎守洞穴碧雞松際遊石乳
滴人寒花氣隨風留仙璫奏池底月明聲可求髮晞籠
葱林手弄芙蓉鷗日月還零虹元氣鬱不流研精在玄
奧吾且以銷憂

送鐵橋道人

十二慕信陵十三師抱朴十五精騎射功名志沙漠袖
中發強矢紛如飛雨雹章句恥不爲孫吳時間學蹉跎
遂暮年喪亂成蕭索洗心向林泉所望惟鸞鶴瀑水與
蘿花飄飄夢中落

古詩爲葉金吾壽

英雄日已老顏色難長好昔爲張子房今作商山皓吾
將終蘿浮服食惟朱草何以被四肢蝴蝶大如箕小翅
爲下裳大翅爲上衣何以作棲宿十圍籠葱竹一節爲
一房兩節爲一屋何以爲儔侶麻姑與玉女作使五色

禽紛紛煉珠黍何以充羽觴玄碧酒如漿飲之一呼吸
水露皆生香有友金吾子在豐湖洙吾令兩瀑布流
出桃花蕊桃蕊是丹砂君餐兼露華復有蝙蝠好雙棲
芭蕉花千年白如雪紅者如朝霞贈子白復紅佩之衣
帶中能令男女媚相愛長相同白以佩吾子紅以佩昭
容君姬字昭容黃帝昔成仙其術惟房中素女爲之師浮丘

爲之宮真人在玄牝出入如虛空日月一相摩光彩成
青童吾慕魯女生翩翩騎白龍仙成止太華毛女千人
從君今有窈窕左右爭芙蓉我亦容成子大道在其躬
相將且駐年紫髓而方瞳時來建勳伐乃追太保公

太保

公諱夢熊
君之祖也

送王子從軍

太白天將軍夜來穿月出光芒一何長直使陰精失吁
嗟兵象見變亂將無日憐君虎豹姿自此難安佚子房
青雲士高尚素無匹一朝去從軍鞍馬如風疾經營羅
甸兵左右哀牢帥天心早能知王命多論述英雄方續
紛囊括須高密王侯寧有種廝養亦膠漆仲夏諸江湄
送君情洋溢離支堆玉盤花露甘如蜜半醉卽揚鞭乳
羊啖未畢慷慨辭故人故人多卓逸羊裘釣澤中亦有
男子一

偶從風洞眺望始安山水賦呈秦使君

自我班師還永日遊山水城隅得風洞愛玩心難已攢
石多巉巖方圓亂相峙峰高易傾側崖落勢不止絕壁
窺天窗光從潭底起盤旋上松門狼藉踏花蕊蘿林外
冥鬱石乳中奇詭玉牀既膏滑丹竈無泥滓驚瀨不因
風水石自相使飛溜吐復吞空響震心耳坐久機慮忘
一息歸無始終日介馬馳佳憩乃得此無人共勝賞竊
憶秦夫子解組初投閒老易重爲理用亢得無悔知足
自多社褻泝任所適淵默人難指留侯豈仙人導引誠
有以蟬脫帝王中功名同故屣

哭內子王華姜

嗚呼我昊天降禍一何酷我豈兒女仁所惜親斃獨我
生苦伶仃以婦爲骨肉况是窈窕姿恩情日以篤三載
客將軍歡樂亦云足朝進紫駝羹暮聽秦箏曲卿家歌
舞多富貴非所欲攜手還丘園殷勤耕且讀老姑自汝
來歡喜加僮粥笑與鄰姥言新人頗似玉定省幾晨昏
孝聲聞戚屬凶變在須臾人理一何促哀叫天不聞有
身寧可贖

呵母年七旬哭汝聲摧裂當食不能餐喉間日哽咽念
爾萬里身艱難歷胡越暑雨及祁寒馳驅不暫輟關中
積高府風氣多慘冽我性不能寒疎理畏風雪鷓鴣向
日飛桂華以冬發自返南州來中懷少鬱結汝亦樂土
風所愁獨炎熱海氛多毒淫腹痛成天折倉皇醫未來
瞥已電光滅

炎州雖煙瘴珍果足娛子子慕離支漿能令顏色美可
憐未及餐倉卒歸蒿里自作翡翠釵自剪蒲桃綺簪服
幾何時棄捐篋笥裏汝生旣柔脆汝病復不已水土不
相宜卑濕損年紀家貧藥餌少天枉非天理痛哭五中
崩我罪伊何矣

皇天何不仁不念鞠子哀不念我君姑白髮方摧頽魂

魄今越散逢祭時一來我魂在姑前朝見姑淚漣我魂
在夫側暮聞夫歎息稚女未成人殯宮日匍匐我欲乳
遺孤鬼伯相催逼兒寒姑與衣兒饑姑與食勞苦今惟
姑姑將無氣力誰割我孝慈皇天不與直

汝魂母飛揚萬里隨悲風汝父爲國殤精爽在榆中汝
兄亦殉死黃口爲鬼雄游魂尚未變白骨可相從汝生
不識父死後見形容桓桓大將軍苦戰黑山戎左手挽
人頭右手持秦弓鬚髯怒尼磔流血被體紅黃雲野莽
蕩陰氣橫蒼穹前有無定河後有赫連宮父子驚相持
慟哭何時終

汝魂復何之汝母在朝那生時命奇薄夫死矢靡他孤
女藐始孩提抱出干戈伶俜未忘人被髮奔風沙汝小
既偏孤汝大又無家自汝失天只骨肉成土苴泉下今
相遭煩冤訴無涯長城土慘裂黑水冰噉噉嚴風縱橫
起吹汝魂無多朝隨轉蓬飛暮逐驚沙過邊地雖故鄉
陰寒誰奈何母子魂來歸歸我羅浮阿

爾死作歸人我生何聊賴恍惚成狂癡魂夢思交會與
子合婚來別離常在外相見會幾何一旦成茫昧兩載
共行役豈無飢渴害詩書相與娛爲道忘顛沛形管我
能操雅琴卿亦解自古黔婁妻偕老多年歲如何卿樂

貧獨不保少艾

淒淒燈火光照我空房
寒旨酒誰與飲彈棋誰與歡
徬徨淚橫迸不寐
茹哀歎衾幃不忍展
翰墨不能看學詩
雖未成才思已波瀾
風雅日絃歌書寫滿
齊紈薜華不終朝
玉魄難爲團
徒裁同本芝
徒種同心蘭
上天惡賢淑
使我成孤鸞
夢想何時衰
悵推心肝

采采茶蘼花花露紅
以滋爲妾作面色
光豔使情怡之
南市石黛之北市
燕支芳香用未畢
蕙草忽先萎
幽鏡生紅埃
羅幃交網絲
笑貌若流光一絕
不可追
莓苔餘履跡
鬢鬕行遲遲
我有第五妹
與姜日娛嬉
梳姜墮馬

髻服姜月華衣
四妹嫁遠方
尚未覩容姿
今晨兩慟絕
閨閣將誰師

西北多佳人
平生性所慕
馳俠至秦中
荷卿愛詞賦
朝共恒華遊
暮指瀟湘路
並馬榆關行
同車梅嶺渡
粧罷弄圖書
酒酣射雉兔
歡娛及閒暇
燕婉憂遲暮
我情日以柔
汝姿日以媠
竭力媚閨房
不爲荒淫故
寧知忌憂花
一旦摧朝露
積想成狂疾
尋子向丘墓

相如還成都
衣裘盡貰酒
自刺美人賦
消渴恐不壽
臉際芙蓉花
誰知在速朽
幽歡惜永絕
盛顏難復取
筆牀銷翡翠
雜佩捐瓊玖
服玩盡棺中
箱簾無所有
同穴尚

無期我留爲慈母殉爾一鳴琴暫作黃泉友

我不忘大德爾毋思小怨自爾入家門飲食須相勸始
度臺關時我情彌婉變我鄉日已近汝鄉日已遠好言
相安慰不久還沙苑當奉白頭姑共隱華山巖居貧愁
懣多婢僕時驕蹇恭敬豈無違所恃卿良善纖手所循
環女圖目不卷新頌伯鸞妻德音聊自遣篋中餘繡袷
顏色紅無損自今不敢視一任浮埃滿

贈徐處士

虎生而文炳鳳馘已五色天性本自然豈以文章飾美
才忌輕出所志非官職諸葛騁龍光游步以自適亂世

無全臣欲仕非其國四方正雲擾大漢多蠹賊撫弦復
擗矢不射非無力荀彧王佐風從曹至今惜霜降草乃
成雪深梅始識與君松柏姿無苦歲寒逼何以結久要
艱難事潛德

讀史贈陳獻孟並送其行

秦季焚詩書先聖道以喪諸儒負禮器倉卒歸陳王匹
夫徒發憤曾不識興亡隱忍成功名何如張子房子房
非儒者爲氣何堅剛其終如魯連其始如荆卿平生予
所希君亦慕其狂終古兩盜雄蘭池與博狼少年雖輕
發氣實吞始皇君于太公書曾否得其綱先公有丘略

今祖麗南先生
著丘略百卷

揣摩宜不遑將飛且伏翼將鳴先引吭
何必魁岸人始能應帝王從容以步遊遊于淮海旁英
雄無神師其學不光明苟能依老成以禮爲之方我亦
侷儻人垂老猶摧藏漢初兩孺子不得與偕行強忍亦
已久中夜起徬徨君今血氣盛甘苦未多嘗思爲日本
刀須鍊梅花鋼屈伸能自如入石乃無傷行矣復遲遲
咫尺仰相望

蓮花峰篇贈黃山閔賓連

我昔入秦關手攀太華峰千峰爲蓮瓣三峰爲蓮蓬三
峰祇一石一石三芙蓉紛紛蓮花鬢化作千萬松白帝

與明星宮在千葉中高高五千仞仙掌檠當空自謂天
下奇羣嶽不能從何意一黃山蓮花亦次宗一莖上轟
天千瓣開濛濛從莖上至蕊吹墮愁天風盤迴穿巖竇
忽見軒轅宮峰凡三十六此峰太華同夫君幾登陟身
染蓮衣紅自作黃山經神與山精通文章亦巨靈開闢
將何窮

江氏雙烈篇

鳳凰不孤生雖鳩無再匹姑婦苦相依歲寒同一室良
人在泉下幽幽視曠日曠日久無光光自妾心出江家
多女宗禮義爲琴瑟五婦垂管彤復茲叔與侄教子各

成名文章持篤實湘也更多才賢豪與膠漆劍氣如白
雲玉光溫以粟以母柏舟篇相示淚洋溢阿嫂亦陶嬰
黃鵠歌未畢安得聖人生列在變風一

蜀岡懷古

步出城西門盤迴見丘垤隋家舊宮殿林際尚明滅
國以荒淫雷塘乃無穴吁嗟美人魂風吹作蝴蝶玉顏
雖黃埃遺香托花葉英雄在白楊悲嘯亦嗚咽血爲螢
火飛雨中光熠熠地道通峨眉千里陂陀接幽幽一井
泉中有古日月謂大虛無見玉勾洞府藏冰雪舉觴相
與傾慷慨中懷熱茫茫失路中痛飲誠賢哲

贈顏君

復聖之子孫太宗在曲阜峨峨司勳郎光與我知交久

曩者遊西秦聲詩相可否黃河石華魚華陰槐麴酒風

俗愛宗周酣歌亦擊缶洋洋風雅篇正變無不有夫子

昔刪詩先師顏子稱嘗左右三百所絃歌琴書滿窗牖

龜山與猶蘭二操亦在手子孫被流風德性嘗敦厚世

爲魯大夫文獻十而九宗器多珪璋孔氏稱甥舅光祿

延善五言人誦秋胡婦遺響在黃門之一賦如瓊玖司

勳正始聲比興無其偶賦詩存諷諫美刺絕不苟君也

爲哲兒墳篋如一口陋巷有神靈文章作淵藪分支去

溫陵禮樂遙遵守閩海接泗沂先學相師授公本濟世
才輝映桃陵後爲政歷朔南聲教先孝友含吐黃鐘音
中和以自壽復聖乃春生一陽爲物母以配復初爻龍
潛未見首元氣在素王司徒論語摘輔象云仲尼爲素王顏子爲司徒能多
取公也益舍弘光大庶無負

詠古

日月鏡萬方精華在君子一虛而一盈以我爲終始庖
羲至純厚畫卦順斯理神明所旁通日月乃文字平生
好學易精微性所喜未得大過無瞠然已老矣

黃帝與重華在昔皆遠遊翩翩挾妃女翱翔窮九州黃

山有丹臺梧野有珠丘故都終不歸宮闕隨雲流帝生
實神靈仙道未嘗求無爲合坤乾禪受如春秋

神堯愛二女盡以歸重華長者爲女君容顏如朝霞少
者爲夫人亦若扶桑花衫衣被南風琴歌何紛葩朝同
蓬萊宮暮去瀟湘涯帝旣崩蒼梧妾亦捐長沙神光兩
不離月以日爲家

管蔡殷遺臣忘親以殉國武庚志中興忠孝皆可則天
命已去殷報讐終勿恤如何微與箕弗往爲羽翼淒酸
麥秀歌迷民淚沾臆故都遂丘墟徬徨亦何極

秦繆伐西戎開地千餘里天王賀金鼓攘扈甚光美用

請得繇余遂以霸西鄙不忍舍良臣收之同穴死身沒
猶愛才泉下須輔理哀哀黃鳥詩豈足知君子殺身殉
令名兼以報知己

之推昔從龍割肌啖其口文君既升雲泥處功不有此
身得全歸繇上借慈母隱者焉用文躬耕日胼手環山
作湯沐報德恩良厚介由高入雲佇望以永久

湘纍澤畔吟亦似秦庭哭同懷宗國心夙夜憂傾覆白
古楚賢才二君最貞淑忠愛格上天大仇終報復三戶
卽三閭亡秦在公族義帝雖不終諸侯盡臣僕漢興離
騷顯楚聲被絲竹高帝歌大風夫人和鴻鵠皆是離騷

餘哀樂同敦篤

相如晚柱時勇氣一何激一璧雖輕微如以國與敵澠
池相高會盤飴使秦擊頸血得濺王聞言盡悚惕威信
虎狼秦御史書功績知死則必勇智士以爲的

騏驥盛壯時一目馳千里臣精今消亡衰老詎可使自
殺送荆卿激之爲丹死燕中節挾多無能救太子狗屠
與漸離不請非知己擊筑和歌時相泣徒爲爾平生游
諸侯所結賢豪士曷不待須臾倉黃挾豎子慷慨爲羽
聲壯士髮盡指悲風何蕭蕭吹淚成寒水

維昔二周君皆以誅秦亡大義帥諸侯王朝亦有綱惜

哉無良將九鼎歸咸陽是時秦亦滅嫡裔止莊襄政也
實姦生呂代嬴氏興二世不旋踵趙高撼其吭前秦祖
輩廉後秦祖文信無德易顛覆虎狼總推刃詩書亦何
罪儒生同一燼痛絕驪山坑多言說堯舜

陳涉奮布衣遂成土崩勢偏袒一大呼秦已無二世匹
夫舉大名湯武若符契扶蘇雖當立詐稱亦非計將誅
無道秦師行宜大誓成敗在上天西向乘鋒銳毋示天
下私自王以微細爲秦多益敵六國蒙嘉惠入關令諸
侯功德可爲帝

倉海君何人家能畜力士金椎誤仲時秦王魄已覩報

讐雖未成天下兵以起功爲陳項先豪傑聞皆喜賊在
下邳中無人言孺子從容得步游任俠驚閭里老人教
疆忍命之下取履豈有王者師而爲血氣使

不忍殺浦公使之得天下英雄有至情難忘妾與馬
我實繇天知命乃無假慷慨泣數行實爲紅顏者王霸
如浮雲功名羞苟且倉皇垓下歌直可繼騷雅斯是國
殤篇三軍和者寡悲風起帳中殺氣橫原野河漢慘無
光痛飲過三竿自刎報父兄江東淚同灑善敗能從容
功亦在區夏

淮陰不悖漢忠信天下知可惜智絕人乃爲兒女欺當

帝至楚時淮陰能識幾相攜鍾離昧逃于東海湄棄王
如敝屣神龍不受羈遠追范大夫近爲畱侯師豈非明
哲者超然有道姿

漢帝亦多情酒酣思猛士悽悲大風歌辭與招魂以韓
彭皆已亡慷慨不可止泣下爲淮陰非是悲游子刻薄
鍾室誅終古帝王恥忍以英雄人以與兒女子

漢高諸功臣項伯誰能似次則昌國君能全王父子大
封諸侯王亦及一雍齒如何忘滎陽紀信代之死君王
恩誦高豈以詐降恥滎陽與平城得脫以女子倉皇乘
黃屋誰楚一何鄙

季布多戰功數能窘漢王摧剛以爲柔得脫因濮陽朱
家不相負名聲聞四方滕公非任俠爲漢求忠良從容
爲上言私怨以之忘廷叱樊將軍十萬罷橫行辭氣何
剛直殿上皆驚惶天下慮搖動生民尚瘼創嫚書禽獸
言安足爭短長孝惠至高后兵革久不興實以季布力
海內得寧康

馬援處田牧有羊數千頭一朝散昆弟簡君聊遨遊光
武非人敵委身傾陰謀爲君取隗囂聚米成山丘移師
滅先零轉戰平交州男兒有汗血自當死戈矛馬革包
馨香雲臺垂勳猷悲哉武溪深三軍泣筮篲水崩船不

上淒涼臥壺頭用兵貴萬全塗有所不繇據鞍徒顧盼
一挫失通侯

乾坤造草昧狗盜方爭雄干將不善割勢與鉛刀同少
小習兵書慷慨氣如虹沈算貴先機羞爲汗馬功龍騰
階尺木鵬運須長風冉冉歲云徂衰鬢如飛蓬王業尚
無始天心鮮有終淒淒梁父吟感歎將何窮

贈邳州季生

中原何洶洶英雄日暮時香餌引泉魚重幣購壯士嗟
君勇絕倫昆吾猶未試入猷而出鈐中道傷捐棄僥倖
成功名王侯久喪恥盜妬膾人肝仲尼不敢視悲哉聖

人才甲兵成虛器游魚脫深淵飛鴻展天際貧賤聊娛
懷敦我箕山志

夜上灘江作

水落灘更高我船苦難上舟子聲淒酸榜歌不能唱天
寒白霧深川路迷蒼莽山月忽西東愁人苦相向霜氣
一冬乾水聲半夜長衣食分熊羆無金士難養久戍盡
薰黑絕地無鹽醬所歷州縣多牛酒有誰餉微聞河中
語軍窮生怨望

古意

妾有大秦珠嘗含明月姿明月虧有時妾珠光不移朝

懸妝鏡臺暮繫紅羅衣君心不可照持此委沙泥願得
青鸞鳥銜將贈宓妃

夷光有寶鏡沉在若耶溪朝霞沐其彩明月揚其輝春
秋迭代謝菱花終不萎安得佳麗人持將照娥眉

落花辭故枝飄零逐溪水道逢浣紗人拾花置懷裏與
君同春榮相憐貴終始但願東風吹長隨機中綺

淒淒歲云暮蟋蟀鳴堂隅場苗不可食誰當維白駒伊
昔采桑女窈窕秦羅敷銀鈎挂柔條綠蕤映羅襦託心
自有所但笑使君愚

詠懷

驚風鼓松柏棲鳥羣翻飛開門望行人浮雲暮不歸種
桃愛其葩種柳愛其枝雖無歲寒用風昔同裳衣魚目
亂火齊蟬蝓蝕清暉遂令金石交千里相乖違拔劍擊
盤石石碎劍亦虧感激將何言淚下空漣而

蘭叢盛積棘鳳穴鄰鴟鴞利害日相摩金石爲之焦仲
尼探虎口跖也方矜驕仁義爲盜積天下誰宗堯驅車
以放志言觀東海潮波濤飛雪山河漢垂天橋蛟龍隱
文章尾閭水潛消寧無百尺絲吞餌惟游鱗白雲來何
遲俯仰託長謠

山人酌流霞浮杯菖蒲溪笑我不肯飲容顏無光輝桃

花恃春陽松柏有霜威白雲多變化詎隨鴻鵠飛請謝
陰長生何戀紫房爲吾心似秋月皎潔誰能知

芳風起池塘花逐鴛鴦飛明月何娟娟爲君揚蛾眉請
彈石上琴更酌黃金卮蓬萊水已竭麻姑髻成絲芙蓉
自有英何慕松楸爲松楸凌霜雪虛名將安歸

陰陽迭遷謝人世悲蟬螿命我雲螭駕逝將登不周飢
餐茗華玉寒披九鳳裘井水無大魚新林無長楸紛紛
彼婦口乃爲君子羞鮑焦已槁死強羸吞諸侯傷哉仁
義衰奸雄皆竊鈎仲尼無斧柯龜山空夷猶

初日麗垂楊朱樓臨大路纖纖彼女手當戶裁紈素雍
雍雁南遊遺音落滄洲美人恥歌舞篋笥疊衣裳衣裘
有時著孟冬清霜落皎皎薜華姿歲寒逾綽約道勝忘
紛華心遊貴恬漠

鴻鵠何蒼茫背負青天飛白波捲蒼海聲如鬼神馳予
時彈雅琴成連嗟不歸回風翻木葉斜日懸江磯淒淒
水仙吟中曲斷朱絲四望悄無人天吳方躩踞神物有
變化至人能推移拔山豈無力梟雄吾不爲慷慨髮衝
冠傷哉失路悲

出塞作

邊秋多風沙狐兔長悲鳴慷慨思奢牧因遊雁門營飢

食太行薇渴飲桑乾水問我亦何爲壯士不顧生生騎
一駿馬權奇如龍媒追風數千里直上單于臺東望朝
鮮江北望白龍堆凌颺發長嘯遊兵射我來左手接飛
鏑右手揮金鞭馳歸錦州城汗下如流泉念此血氣勇
母乃非聖賢忍恥古所尚留侯亦連遼長松寒逾勁南
金鍛彌堅啓篋讀秘書聊謝諸少年

贈遠

美人如花飛玉佩水綃衣長風吹欲墮攬帶前相持問
子遊何處笑含碧雲妾言我華陽來將從勾曲棲麻姑
久相待去去與我辭語卿且莫辭我有芙蓉池鴛鴦戲
碧葉翡翠巢金枝願將天上月長照雙蛾眉

贈山陰祁七

涼風吹竹篠攜手澄湖濱言持芙蓉花插爾華陽巾我
亦浣紗人明粧照日新何當上蘇臺一笑傾吳君明月
豈長滿朱華不再春徒懷陽阿曲寂寞度芳辰

送朱十

昨冬沍寒時方舟同入越君望赤城霞我弄耶溪月月
出香鑪峰光搖東海雪美人吹紫簫一曲梅花發梅花
猶滿林君唱懷歸吟未遊雲門寺遽別天姥岑可憐雙
白雀相送吳江溥冉冉芳春晚桃李皆成陰貧女無刀

尺誰裁鴛鴦衾素絲亦易染孤鳳難爲音願言秉貞潔
黽勉同我心

和陳元孝登吹臺作

夙聞太阿劍霜鏗蓮花發楚王一麾之三軍盡流血夫
君事遠遊家貧一剡緩千里登吹臺慷慨思報仇夷門
無監者誰爲公子謀我昔弔梁園所見惟林丘洪河崩
底柱蔓草連神州驚鳥縱橫飛離獸鳴相求平臺賓客
盡四顧淚交流憐爾多難人徘徊當暮秋長歌蓬池上
擊筑睢水頭

別王二丈予安

美人在霄漢灼灼如丹雲手持鳳凰子母乃魏元君我
昔登太山天門嘯不還瀑布爲長帶浮雲爲高冠遊仙
豈不樂悲此市朝開聖賢恥獨善所貴匡時艱太阿苟
不割蛟龍將波瀾篋中有陰符吾生焉得閒平沙利馬
足驚鷹宜鷹翰遙遙萬里心慷慨入長安

梅市別祁四丈季超

沈沈海月生嘒嘒寒螿鳴遊子在天涯觸物生憂情賴
有二三友金玉同堅貞龜鼉互變化神龍喪其形豈不
思奮翼上天無雷霆昔我別慈親王事勞孤征風雪歷
四載謀深竟難成黃蘗與春薺甘苦不分明至道尚可

信寂寞元生平

還故山作

誰謂客行樂歲寒無衣裳羈縻在咫棘悠悠思故鄉步
出稽山門乘春聊徜徉丹霞抱秀峯珍木交迴塘水鳥
相和鳴窈窕皆鴛鴦人生道不存何以持文章苟與太
虛冥仁義皆糝糠南金一出鑛遂爲貪者殃長歎辭世
人飄緜歸羅陽

將歸省母留別諸友人

海上三珠樹孤鸞鳴啾啾養子羽翼成翻飛向九州九
州一何曠回顧生頽夏尋仙蓬壺中謁帝崑崙丘繁霜

隕百草瑯玕無晨羞慈鳥能反哺鳳兮命不猶歸與守
故巢戢翼爲良謀

良謀一何有持道足娛親母爲天上月子如江中雲雲
月相終始流光誰與倫翩翩兩海燕挾雛遊青春銜我
蕙蘭花悲音何感人

感人惟楊柳飛花皎如雪如雪豈不芳所憂本根絕昔
我與親辭五嶽將尋師乃覲姑射人贈我青蓮枝青蓮
合爲丹能生明月姿豈敢自怡悅萬里其持歸

持歸明月姿皎潔無纖瑕朝舍東海日暮膏赤城霞重
襲盤龍錦毋使蒙風沙以奉白髮人一照生桃花如彼

西王母長居太清家

太清何寥廓浮雲去不息
呦呦野鹿鳴甘草不自食
如何舍友朋奮然思矯翼
四海皆兄弟親兮難再得
循彼南陔間相思何終極

極望惟吳越吳越多山川
玄豹藏深霧應龍蟠巨淵
神物必有偶磁石金相連
離別雖須臾恩愛終不愆
遙遙骨肉情去如箭離弦

離弦去萬里烟波何渺茫
朝與鳧雁羣暮隨明月光
仰視虛宇中衆星燦成行
而我獨何辜乃爲參與商人命
在呼吸後會其無忘

後會庶不移參商有見時
紅日生滄溟萬物蒙其輝
矧我體道人金石寧或虧
颯颯霜下草熒熒園中葵
敦彼後凋質歲寒以爲期

和友人度昭關之作

端居苦離索思君蕪湖間
忽聞昭關詠感激淚潄潄
爰文夫不得志飢寒行中原
斷髮投爐中爲君鑄龍泉
器成不見御雌雄各沉淵
登高望四野亭障何連連
驚風折旗幟落日迷山川
誰知遠遊子嗚咽不能言
維昔吳子胥吹箎誠足憐
一怒覆強楚父讐不戴天
解牛宜薄刃驅馬貴長鞭
苟能勤耘耔何必求膏田
亮懷鷹隼羽時

至自飛騫勉爾慷慨人遙遙托贈篇

送鐵井子

葵生知向陽梅吐必南枝嗟爾遠遊子擇主將安之玄
水結大漠白日傾崦嵫懷寶不自衒所恃璠璣姿維昔
越溪女紅顏揚光輝采采五色絲織成歌舞衣朝詠梧
宮秋暮爲香溼嬉佳人重意氣一舉沼吳歸

贈別查德尹

君之父與兄與予相友善父也歲寒姿柯條蒙雪霰松
柏天所私青青長不變大冬愁凝陰微陽難與戰潛神
在九淵龍蠖誰能見我亦歎冬花苦寒相婉變春日未

載陽甘同萎草賤相別未幾時溘焉朝露先豈謂觀夫
君先人儼顏面髣髴黃鐘聲有光目流電肥瘠亦不殊
天形妙相踐長短爭秋毫翳少亦連卷識者盡驚喜性
亦同狂狷文章若孔鸞珠毛相貫串黃者如金錢白者
如綃練自鑄偉麗辭六藝作釵鈿吟言自迴環不嫁惜
嬋媛盛飭將有行未能舍環瑱太素在中央締繡四爲
緣易爰尚白賁詩風後繪絢先公所教勤夙夜惟經傳
明將于國雍寫書自供繕貽我外家語摩研當無倦

送五弟還里

子行歸故鄉劬勞將父母雖無金滿籬有友貽瓊玖吳

越多秀民襄陽足著舊稱詩相歡娛爲情若醇酒謂我
兄弟賢無忝三閭後攬執芙蓉袂纏綿大道口

答李緩山

昔在建陵時與君嘗不寐于將徒出匣宰割難自試紛
紛駑駘者千里先騏驥君擊唾壺缺酒酣益涕泗神勇
笑荆軻乃爲燕丹使不與漸離行七首無成事沉沉夜
漏長棋局消神智英雄亦反覆一子勿倒置亞夫苦持
重諸軍患兒戲烏合取勝稀皇皇徒逐利壯心一日暴
十日寒頻至拂衣馮陽湖君歸如脫屣賦詩向白蘋垂
釣持芳餌雲夢吞吐時洞庭爲酒器遨遊至五羊尋我

屠沽肆相見卽言易剝極見天意乾坤一碩果萬物所
從始貴以土德厚栽培無老穉相望及春陽雲雨同行
施

爲陳母姜太夫人壽

夫人年七十有子才且賢迢遞八千里顧我東臯田愛
親及我親仁孝情相宜左持一白鷺右持一豚肩僮僕
奉樽酒酒乃惠山泉爲母千金壽申以南山篇感激仲
子賜光生深井間忠養方有愧敢當不匱言惟君能錫
類施及恩纏綿我欲壽而母無物致拳拳惟有一片石
可以明貞堅令子珪璋質攻之期不偏友道在追琢所

以娛高年夫人百齡時我當來幽燕跪將吾母命並上
肉芝鮮今且養鵷雛待之啣綠箋

采藥西寧承張大令使君命其姪孫豫表陪探

燕子巖大峒龍井諸勝

瀧東與瀧西巖嶂蔽天起瀧西林木深窈冥數百里城
與白雲爭所得尺有咫猿鳥欺吏人峰巒歷歷事開闢
未百載夷椎尚多鄙使君造草昧雷雨自茲始仁聲務
洋溢文教期光被我來聽鳴琴泠泠非山水先王風未
絕咏歌日盈耳相賞在無言唱歎亦有以郊坰富丘壑
先導命猶于楓葉作香飯筭籃代玉趾衣裳濕嵐翠杖

履沾泥滓石窟俯身入洞天穿地底絕壁攀莓苔幽叢
掇花蕊奇葩愛無名大藥疑不死猴薑既蔓引鳳笏復
披靡蘭青翡翠同竹大籠葱似松栝互支柱磨礮或騰
倚鬱雞驚出林白鵬翳其尾山鵲解媚人孔雀可驅使
飛隼畏足踐盤石若棋累方圓競相疊大小皆竦峙鬼
神所盪踏風雨或遷徙陟高躋錦石特立并剏泚玉表
何峩峩翠屏復几几漢臣昔封植功可銅標擬蒲桃累
宮錦五采絢嶽巍瀧西風望秩山宗實在此羅旁九九
曲勢至咽喉止洶湧千萬嶂所賴一柱砥使君天下才
今乃在蠻徠亦如陸大夫區區至交趾峻極持崧高英

靈作南紀注以洪河流波濤沃瘡瘠恩膏隨沓潮以及
我桑梓湯沐不在多錦石亦可喜肯錫一陂陀當盡樹
蘭芷來爲瀧西氓殷勤負耒耜

登羅浮絕頂奉同蔣王二大夫作

蔣少參莘田
王給練黃湄

霓霓太古雲至今未開關山氣日洶湧隨風灑精液觸
石生洪波微茫在咫尺登山若浮海舟航卽輕策浮山
復浮去與羅萬里隔僅餘玉女峰娟娟在肘腋蓬萊無
根蒂在股長爲客鐵橋苦拘繫峰峰合體魄一氣膠漆
之洞天在肝膈雷風吐喻時氤氳相損益峩峩在虛無
盪踏難留迹如何太華山乃爲巨靈擘便道通句曲大

天有阡陌玉筍一南竅日月暗相射朱明本火府草木
多純赤朱竹含葳蕤紅翠美毛翮南禺亦丹穴鳳族以
千百口銜芙蓉蓮花紛紛墮瑤席珠尾若揚麾往來拂巾
寫麻姑何秀峙散髮至腰脊上下飛峰間不肯相扶掖
筋力盡青冥漸與空天迫微軀若鴻毛順風思一擲衫
袖卽廢車不用浮丘伯神明自鼓舞鸞鶴惟所擇便攜
二大夫八極恣揮斥神仙雖恟悅此中有窟宅真道苦
無言與天日相索聰明乃塵垢陶鑄有微責雖復遊無
窮亦自悲人役神仙有離合依依且朝夕鰲首或浮沉
廣大日以積彌縫費造化隨波恐流易分水一泉源自

天通地脉瀑布縱橫飛與海相潮汐天雞一呷喔扶桑
日半白海日長三丈玄黃始一隙光明未麗天外體已
赫赫搖蕩二石樓燒空如琥珀生長腸谷傍鬱儀日親
炙中夜已寅賓導引成肥碩咸池灼欲焦滄涼吾自適
一下矐真臺人間愁踈踏百慮生黃埃世務嬰繁劇三
山居水下船交苦風逆齋去童男女三千良可惜羅浮
卽方丈甘心自古昔南嶽一佐命仙卿此註籍大夫代
天工於此宜區畫雖無封禪書名山望潤澤

松上蘭

在全州赤
蘭舖中

蘭生乃無土托根高松端爲君作蘿藦青青同歲寒馨

香在天半無因充玉盤嗟爾寒芳人盼望空長歎紫莖
何嫋嫋綠葉何反反但見白雲覆安知清露溥嗟彼生
沉湘枝枝臨江于行人得采擷持以成幽歡一朝蕙草
晚棄捐同齊純雖蒙置箱篋詎異塗泥間

送張超然返虞山

去年春上已送子珠江南願子寄我舟上無檣與帆今
年小寒食送子珠江北願子萬里身上有雙飛翼三歲
別妻孥夢中見顏色吳下一春人鴛鴦苦無力嬌女未
扶牀呱呱在錦臆游札有遺風伯鸞所朝夕昔家梧宮
傍今移拂水側言公昔浣衣有石方且直夫在石東耕

婦在石西織節節皆爲雙自紵充衣食裁成一明月皎

潔終何極

言公謂子游也子游有浣衣石在虞山下

行藥城東作

仲春已清和逍遙可行藥炎州多靈草勾萌先咀嚼采
蘭者誰子邂逅當林薄無營似白華無欲同朱萼綠葉
與紫莖平生所磨錯微雨土膏滋本根遠相索其旁石
菖蒲尺寸瓊瑤削紫茸何歲蕤九節含風弱安期所服
餌玉顏以灼灼秦帝於我求蓬萊奮雲躡千歲與君期
神仙多戲謔僑下流齋齋少君與斟酌

安期君常與李少君采菖蒲酌

涿州城東

過涿州作

樹木何颯颯黃雲千里愁日月爭馳驅民生誰獲休置
酒華陽館五馬烹肥牛太子捧金卮美人彈箜篌數石
不得醉悲歌恨仇讐歌舞歡未終將軍刎其頭驚風起
燕臺滹沱咽不流男兒得死所其重如山丘白刃若春
風功名非所求

贈朱士稚

神虬樂泥蟠鴻鵠安紫荆飛騰亦何難所貴忘吾形子
房久破產一身如浮萍英雄不失路何以成功名高歌
送君酒詞采鬱縱橫神仙爾何愚猶未齊死生明月在

滄海光華虛復盈母懷千歲憂酣放聊沉冥天地一塵垢吾心獨太清

與諸公別于西陵

浮雲何瀾瀾導吾將何之徘徊西陵路與子牽江蘿江離久不芳佳人無衣裳烹魚貴神曲酌醴宜鸞觴鸞觴君不御別恨吳天長參辰日錯行龍虎不相望我無四澣羅何以獲鸞鴛楚歌爲羽聲壯心空低昂君子握神氣小人重文章去去且揮手久要願不忘

壽母

我生遭喪亂周游悲道窮髮膚雖至昵相依不克終子

春難全歸豫讓靡成功仰辜昊天德俯愧白華躬茲辰介春禮瓶鬯無光容捧土塞津盟吹瑄回條風微志苟不移庶可慰尸饗

朱陵有藥市我父爲韓康東王教服食仙去路渺茫遠瞻松檟上近察几筵傍神靈何倏忽令母早年媼白雀思令威黃鶴悲陶嬰悠悠聖善心與我曼天長母子相流連如月在滄浪滄浪水清澈所以娛娥光

母寒裁複裨兒寒持熨斗隆冬天雨霜清苦徒相守偕隱似綿山躬耕無谷口今朝逢令辰何以介眉壽鑿冰取嘉魚采蘭爲肥牡堂堂子處子被褐懷瓊玖不義如

浮雲豈足娛諸舅

青松冒霜雪歲寒希陽春仰絕高天覆俯憑坤厚仁婉
變懷袖間藹如狐白溫尸鳩未均養所嗟俱貧幸長息
刺繡文次息倚市門終歲何劬劬錢刀無一存龍綃匪
冬衣燕麥匪朝餐徒持孺子顏嬉笑相承懽

歲疑三珠樹上有孤鳳皇凝神慕姑射堯舜如枇杷大
子歌離騷中子進椒漿小子射白鹿爲備陳高堂勤勞
文伯母勗以追珪璋日抱金烏飛月懷靈兔翔精華相
呼噲爲命與天長

西王有青鳥奉使何溫茶朝登麻姑臺戴勝相隨從中

婦獻緇襦小婦調絲桐阿母樂欣欣飲酒顏鮮紅三花
結護草千葉開芙蓉念我托神仙不昏如青童幽幽匏
瓜星獨處銀河東

羅浮五色鳥絳翎是君王生男爲鴻鵠生女爲鴛鴦嗟
余有兩妹口噤難銜將風雨日漂搖嘗憂巢穴傷侯光
方賃春令暉日縫裳窮苦不遭時令母愴中腸壻貧若
珠玉女淑宜糟糠庶幾抱潛德來共拜嘉慶

神龍何光彩乘道而浮游非陰復非陽歸我太清居暮
如蓬海月爲母掌中珠朝如扶桑霞爲母身上襦天下
乃塵垢真人色不渝雖無人爵榮其樂如華胥願親且

安坐清琴聽徐徐

遊羅浮作

隆嵒兩靈嶽佐命于祝融蓬萊浮海來與之合鴻濛曜
真祕陰室朱明開陽宮夜半海日飛搖蕩石樓紅石樓
夾天起雲氣流如水日出見仙人玲瓏水簾裏迎我四
百峯蝴蝶大不已裊裊鏡橋垂欲度愁風吹白雲爲羽
翼一舉將何爲蘇耽尚有母萊子亦有妻潛龍寧勿用
雷雨將乘時麻姑有酒田聊自耕紫烟搗藥命紅翠流
杯持寒泉歡娛可因物變化寧在天

遊黃龍洞

洞口花繁迴微磴在溪水交瀑絡峯腰積翠明潭底倒
影麻姑臺一望成霞綺白石合金沙紫蒲吐瓊蕊羣峯
稍開豁露雲泱漭起坐愛盤石廣卧欣芳艸靡天華尋
遺宮蒙龍餘葛藟歌響散天飛舞塵逐雲委興廢祇終
朝割據一何鄙英雄寧無成不奪兒女子混沌留吾年
蟬蛻帝王裏洋洋風颯颯天路從茲始

宿寶積寺

行緣一瀑布高上層峯端蘭若冠青壁松林鬱巒岼光
霞舒丹氣暄風淒微寒錫杖有神溜噓吸漱潺浚衣裳
何飛飛隨風上檀藥洗藥尚未畢長嘯凌天門孤生悼

已宴妙志矢無諼沮溺雖隱約松喬共盤桓日暮聞鐘聲聊與飛鳥還

進帆石門懷古作

洋洋牂牁水萬里番禺通百川灌其西三江潄而東分源自夜郎合流趨鬱銅勢東高要嶮聲奔昌樂瀧春膏漑雄田夏漲挾舊風滔滔安所歸溟渤朝祝融崩波吭一門噴激爭其衝竦石盡壁立沓潮聲相吞我舟朝溯洞暮猶雙闕中飛峽有驚瀑穿林多橫峯耽茲山水勝挂帆時來從樓船想楊僕策畧懷唐蒙奇道乃自泄偏霸知將終裸國亦稱王矧爾臣佗雄中華當拓境揚越

光成功前軍尋隘破後騎石門攻蝨爾一州主漢爲天下宗

送陳中洲

白髮穠光儀年華亦已暮如彼蘭蕙芳離披向霜露子才逸卿雲復有鸞龍度慷慨泣明珠光輝誰不顧吳越多知音而今重詞賦聞子父兄名新知盡成故行矣路方長時時望丘墓莫卽學蘇耽仙成上烟霧

送程君還歙

容成與浮丘毋乃非神仙御女教軒皇徒爲後世傳君今返黃山一手携嫵媚莫上丹臺峯長跪天姥前素女

安可師大道貴自然鳳皇不下地鴛鴦不上天甘瓜相
鈎帶生子期連綿况君美天爵將爲用世賢文章有奇
氣金石能相宣

鎮海樓

渺瀰視融汪噓喻蕩火房房中一都會番禺爲紀綱二
山雖卷石亦爲南嶽宗層樓何穹然作冠玉山岡五重
若棋累勢與雲低昂屹屹出崇堞盤基何堂皇絕地無
根株莖臺四相望虛無若唇氣舍吐朝霞中日月互穿
穴玲瓏貫榘桑飛椽裊千尺懸棟森成行隨風或遠近
嶽立仍中央神明所憑依奠我勾蠻疆樓南何所見祥

荆浮青蒼萬里作南瀆崩奔從夜郎三江滙驚濤海珠
扼其亢浮沉一地肺險若三門當潮汐苦相杳秋鹹水
益漲魚蟹負陰火與蚌爭胎光水怪紛往來一一交精
爽番祖逐鰲吐儵忽非乘風帆穿吞舟魚自口出中腸
自謂黑山中安知非溟洋塊貨所委輸輻輳交三城小
者牛頭船大者獨木檣我艦空飛雲莫敢與頽頽紛紛
白黑牆視之猶鳧踏樓北何所見白雲連北邙蜿蜒自
衡嶽孕精峒嘍峯丹臺蠹鶴舒石室開龍驤菖蒲翳溪
路篋勞陰苑墻諱諱流花水鬱鬱扶荔鄉地肥宜蓄牧
駟騄與羶羊鳴籟歸紫駝吹角來黃塵水艸勝朔漠甘

美無鹽霜馬食多禾苗漙乳成酒漿人頭嶺已平溝壑
無餘香白狐旣悲嘯黃狐復跳梁人膏作青燐白晝迷
陰陽松柏何蕭蕭魂魄吹無方樓東何所見扶胥祠谷
王海口控虎門諸蠻多梯航紅毛知荷蘭黑齒惟越裳
戰退鬼樓船白丹幸無傷人魚旣醉飽洪波爲不揚斷
虹一相假巖然踰零丁陰墟廟貌尊黃木犧牲芳百川
爭東朝水帝紛來享樓西何所見靈洲砥湯湯潮來石
門關鬱水噴魚梁食泉日潰決滔天誰隄防仕宦寡廉
潔歸滄爲之殃一飲喪吾寶腥臊德以彰不祥茲盜泉
沛然南海放生民骨髓盡爲患何時終樓上何所見南

戍垂精芒五星東井環越門蒙餘光趙佗以偏霸與漢
爭雌雄客星出牽牛十變亦奮興人流紛依歸苟安免
夷創月食牛女間劉晟以隕亡熒惑入南斗建德喪其
邦南斗越司命自昔多灾祥上天苦懸象占驗誰能明
所希老人星常見吾閨庭壽光盛秋分俾我尊母康再
拜向南極配月如長庚長庚何依依爲予當丙丁樓下
何所見南武餘離宮偏強乃朝漢朔望茲廻翔老夫反
天性一州安足強椎髻祇自外竊據誠何功苔生呼鑿
道艸沒瘞劍場木棉拂綺蔬參差連赭桐枝枝女珊瑚
葉葉山鳳皇糞香越王鳥銜穗仙人髯笠笠茂林下蹲

倚當丹牀是爲羅浮麓朱明此潛通仙靈所窟宅我來
每徜徉不揖安期生卽拍浮丘公招手登茲樓攬執雲
衣褱御風復何待飄飄明將行

送家舍人

白雲何蓬蓬朝別岱山中豈不念本根仙人在崆峒似
君久流離萬里思從龍天心未厭禍顛沛將焉窮厲夜
得寶劍安知雌與雄雄能制諸將雌亦至三公贈君及
壯年往取留侯功

送妹

青陽屬令辰來雁鳴離離朝雲媚桃李乳燕棲房櫳窈

窈彼君子佩玉乘青驄朝爲孤鴛鴦暮作雙飛龍子懷
在高逸偕隱宜梁鴻絺綌勝鮫消荆簪玳瑁同箱簾無
寶玩圖史盈其中芳顏匪膏沐令德維溫恭先人箕頰
流卮勉追素風

出永平作

洪河無停流驚枝無栖翰志士生亂離七尺敢懷安青
萍不刈黍明月寧沉淵斷袂別親友成敗俱不還誅秦
報天下一死如泰山寶馬與美人烏足酬燕丹驅車出
廬龍迢遞度渝關二水交滌漆千峯連賀蘭征蓬自迴
轉去雁羣飛翻悲歌弔飛將聲振長城間猛虎爲我嘯

玄猿爲我歎奚兒動成羣箜篌對月彈彌令遠遊子側
聽心哀酸

登軒轅臺作

邊風起薊門黃雲高嗟峨予登軒轅臺四坐發悲歌哀
哉帝王都城闕如丹霞朝陽開露掌閭闔搖金波碣石
懸天柱桑乾接銀河真人茲建極億載詎云多誰令羽
林兒一旦倒長戈遙遙關塞路朝暮驅羣駝羣駝安所
負美人如桃花淒淒當落日莽莽揚風沙龍髯攀莫及
玉女舞婆娑天庭方宴樂寧知予咨嗟

贈友人

英雄耻割據拂衣遊江湖我爲沈水香君爲博山鑪紫
烟揚光彩丹成凌仙都仙都雖宴樂蒼生嗟未蘇紅旗
如雲霓錦帶曳芙蓉利劍在掌中出入風雷驅蕭曹刀
筆吏項羽乃匹夫苟能拯水火何辭七尺軀王侯如敝
屣山林堪長娛

煌煌我上天照此豺虎驕我無戈與矛何能入山樵石
溪流濺濺蘋萍隨風飄游魚畏鵜鴟神龍樂波潮仙童
顏姣好迎我雙瓊簫東遊扶桑闕西渡絳河橋至道非
無形如月懸中宵攬之盈玉手欲贈彼嬌嬈人生如電
影千載不崇朝念彼牛山涕乘化且逍遙

寓山園弔祁忠敏公

園林午澄霽左右芙蓉披浮舟弄清曠遂至鏡湖滄陽
崖雲方散陰峰露未晞再拜清冷淵淚下沾裳衣吁嗟
懷沙人守道無委蛇築宮水中渼蘭橈鶯粟榻金蠻開
彩翠玉漏滴葳蕤方懷安石賞遠與彭咸期皇輿已敗
績髮膚何以爲浩歌赴長瀾溯洄從九巖容與凌明霞
觸石體不隳怒潮爲安流靡濡魚鱗衣我祖維靈均冠
劍鬱陸離夫君交手去重華以同歸玄烟橫極浦衝風
激寒澌投篇涕洟瀾日暮感舟師

酌寒泉作和人

朝飲食泉水暮逐食泉流廉夫不可爲仁義皆竊鈞天
方授盜跖吾介徒罹夏合浦多明珠朔漠多貂裘仲尼
思執鞭况我斗筭儔

咏古

漢皇有神器光明長盛實白氣鬱成雲狀若龍蛇出太
白精所凝一揮天下一自斬白帝子血光嘗如漆本以
詐力雄湯武非其匹猛士無韓彭四方豈寧謐威加海
內歸霸圖有得失慷慨泣數行悲歌風瑟瑟時無周且
才誰與陳無逸

諸葛王佐才乃慕樂將軍燕昭本姬姓豫州亦懿親齊

破將尊周霸業爲桓文爲燕振積弱周命亦維新天王
威一奮六國仍爲臣燕號爲宗國西向制強秦孔明爲
劉氏與樂同一身帝蜀豈本懷漢業徒三分悲哉孝獻
沒一日能無君元年紀章武掩淚當秋旻


贈友

我本接輿流披髮歌鳳衰時無魯仲尼狂簡將何歸六
經久滌芥諸子多淫辭嗟予非先覺斯道將陵遲狂瀾
思砥柱疾風宜勁枝嘉子方少齡顏閔能爲期直如麻
中蓬皎若霜上曦烹魚爲漑箭射虎爲張機堂堂並爲
仁棄我莫如遺

古詩爲王將軍壽

將軍學淵府日與諸儒遊縱橫飛文雅藻思紛雲浮大
帳開朝臺道德爲戈矛清辭若飛兔超山越海陬伊予
乃鴛駘龍驥不可求首夏氣清和衣袷臨河洲酒欄干
金壽主賓交獻酬十丈攀枝花朶大如觥觥注酒鬚鬢
中百壺爭川流玉女笑如電紅口不能收壺矢一再行
雅歌相綢繆願君似山丹顏渥無春秋歲歲珊瑚林持
以爲觴壽

屈翁山詩集卷第一



University of Washington Libraries, U.S.A

屈翁山詩集卷第二

鴛水徐肇元掄三選

周源長荆思
徐起元瀛奇
校正

七言古詩

送韓石畊

我聞黃山有湯泉軒轅浴之飛紫煙瓊樓珠闕萬峰連
瀑布爲梁度羣仙白雲瀾漫如滄海丹臺石笋忽不在
天風吹開金芙蓉中有日月紛光彩送君歸去餐日華
桃花片片是丹砂三日容顏如玉女却來同我登青霞
上千尺嶮百尺峽至溫神洞宿

十八盤盡見西峰遊人匍匐上芙蓉攀援鍊纆數千尺
身似飛猿時一擲陰陰天井上穿天裊裊石梯懸度石
神爽先飛玉女峰嘯歌暫憩羽人宅月中明滅白雲流
風外砰磅瀑泉激咫尺翻愁帝座逼吐納聰明慎今夕

華頂放歌同王伯佐

太華峻極惟南峰脚踏萬朶青芙蓉東西二峰尚匍匐
白帝上宮不敢卽天柱搖搖風欲傾元氣茫茫日無色
我行飛樓若驚鴻君騎搦嶺如游龍君過玉女飲三漿
我向將軍攀五松狂瀟翩翩凌絕頂目營四海神光騁
水簾高捲入珠樓蓮葉深披探玉井黃河浩浩瀉瀉愁心

明月蒼蒼逐孤景塵垢猶堪鑄帝王清虛何足留箕穎
形勢依然天府雄龍爭虎鬪誰途窮千里金城收一掌
萬年甘露待重瞳

王允塞招飲竹林精舍醉賦

黃神峪口開精舍蕭蕭樹石流泉瀉主人觴我竹林前
與客七人成七賢曠達誰能拘禮數英雄不屑居神仙
嬌歌急管且流連蛾眉相妒不相憐蹙者欲斬平原妓
蔡經難受麻姑鞭醉來飛馬直上天蹴踏華峰十丈蓮
人間萬事如塵煙我乃酒狂合自然請君無爲醒者傳

長春石室

有序

愁君失路一身孤夜深環珮歸宜數莫向黃泉空望夫

壽汪虞部

南陽老人漢郎官七十面如紅玉盤家近浮丘丈人館
御女早得軒皇丹二十羅浮大蝴蝶紛紛出齋食花葉
山人言是小鳳皇五色之鳥爲臣妾有似君家諸小郎
三歲四歲初扶牀琳瑯盡是天廟器神仙之雛不可當
君今垂老多歡樂左賢會應生肉角著書已富內外篇
采藥還期南北嶽從來大道貴傳人長生有術予將學

陳丈種花歌

丈人無事惟種花花開紅白如明霞朝從花市得金錯

暮向花田吸月華花中一樹綠萼梅下有水仙數叢開

水仙乃是秣凌得綠萼元從羅浮來願作羅浮大蝴蝶

與君朝朝食花葉願作羅浮五色禽與君暮暮宿花林

秣凌花如山亦復花如海清涼海棠大十圍吉祥古梅

自六代不及君家此園春千葩萬蕊飛成茵閒來只抱

丈人甕隱去誰知漁父津自結一亭小種蘭花四繞冬

有芙蓉亦有桃絕喜嶺南霜雪少花落爭來釀酒人花

開早至收香鳥往時朱叔賢種花禺陽邊殷勤葬落花

處處成花阡與花共生死好花成神仙君今落花棄不

可日日掃來盡與我

朱叔名學熙清遠人丁亥秋以庶
嘗殉節嘗以古窰器葬落花于南

禹黎太僕送球
爲作花畔表

東湖篇贈高明府

柳絲柳絲長復長雖長難繫紫鴛鴦鴛鴦飛逐落花去
使我攀絲空斷腸使君欲執鴛鴦鳥來向東湖臨浩渺
更憐魚尾紅筵筵不惜竹竿長嫋嫋佳人忽自羅浮來
中有梁陳多麗才雲霞被服三銖剪蝴蝶文章五色裁
風流攜得諸妓樂娥郎一曲傳邊朔十番大小更誇人
諸童新就吳儂學使君淵雅最知音邀下樓船更鼓琴
章句離騷殊未已絃歌三百一何深公餘祗欲尋高士
荷葉荷花映人吏著書却笑葛稚川虛無但道神仙事

壽霍丈

天上有壽星飲酒輒一石人間有酒龍爲壽亦過百君
今六十興翩翩夢想廬山醉石邊講學十年稱祭酒隱
居巖嶽得飛仙山禽吐錦當晴日海氣成樓在曉天杖
策逍遙無不可酣來更拂落花眠

寄贈高博羅

使君昔宰羅浮西訟堂水接羅陽溪使君今宰羅浮東
浮碇高岡在縣中羅山爲主浮爲客羅與浮分峰四百
使君豈亦一仙山長與羅浮合精魄爲政風流近若何
著書應比葛洪多仙方不屑言黃白王道惟知保太和

我別羅浮亦已久從君欲出飛狐口不似浮山有所依
長與朱明爲戶牖當年著得羅浮經欲待功成勒翠屏
使君詞賦應多載留照山中御簡亭

廣陵篇贈別吳鹿園

江北煙花是廣陵江南山水惟京口蕃釐觀左一逢君
欲典衣裘取清酒飛橋十五首紅橋夾岸蘼蕪漸及腰
才子偏來明月夜美人不見落花朝蕪城一賦君能續
更有冶春三十曲千載知音是紫薇竹西歌吹傷繁促
哀怨猶多楚性情荒淫未變吳風俗山中雖有玉勾天
日月長舍第五泉兒女但能催白髮英雄那得再青年

題吳太守江山清嘯樓

在真州

江南山色渡江飛飛向君樓舍夕霏空翠不隨流水去
鴻濛忽化白雲歸吳興太守真州客日夕捲簾蕩精魄
舞影時翻天女花歌聲欲裂雷公石浮玉雙峰駕筆高
芙蓉一朵一離騷六朝春色爲膏沐萬里天風且羽毛

過黃俞邵藏書樓作

我生南海愁偏僻經史之外寡書冊扁舟遙至金陵城
欲向名家求載籍黃君父子世藏書一室嘗開萬卷餘
欲使文章歸性命豈將詞賦送居諸六經我道非糟粕
天地精神於此托一畫能令日月開古聖神明必有作

君家易疏幾青箱借我無嫌歲月長卦外始能知太極
圖中亦可得羲皇君今繼述從何始應徵未與先朝史
文獻無稽是此時春秋有志惟君子秦淮水長連青溪
三月河房柳向西欲邀雪客同揮管吾學諸編更整齊
我且灑磨方氏墨殷勤花下爲君攜

觀雲公所繪聽松圖爲葉平仲作

黃山之松天下無雲公寫入洞庭圖松聲捲起瀑泉水
散作天風落五湖洞庭東西二峰好玉柱金庭樓綺皓
當年縹緲莫釐間我亦行攜石公姥葉子幽居偃蓋陰
身如菟絲纏松林與公齋前已楚楚華陽樓外還森森
拂地參差多塵尾無生日說如流水聲飛天外不因風
千里蕭騷猶在耳雲公最善繪寒聲聲自空生亦有情
嘲嘈忽似蘇門嘯諧會琴音滿太清

送客上廬山

廬山之奇在瀑布飛流千道穿雲樹峰峰皆有呂梁洪
漁父濯纓予濯足送君直上芙蓉屏俯視天河若建瓴
狂來莫點神龍眼恐挾風雷下四溟

題欽子五芝圖

二十四種黃金芝我昔羅浮皆采之此芝一莖五枝秀
君今圖此將何爲君能服食自不老丹砂不若紫芝好

園綺當年餐紫芝容顏得爲君王保

爲王璞菴題騎白鹿圖

白馬小兒竊天祿青牛老人去函谷君今白鹿行翩翩
豈爲茅山高臥足乾坤此日尚鴻濛王霸雌雄一笑中
他時憶我羅浮頂可有風雲起伏龍

東湖走筆寄詹明府

東湖水似鏡湖水一片荷花不見天更有荔支千萬樹
離離朱實含霞鮮孔雀銜過水簾去有時落在美人邊
彭湖瀆紛灑冰雪羅浮縹緲飛雲烟主人乃是名吏部
風流日日蕩湖船朝從蘭若求支道暮向檀槽覓小憐

畢卓已多甕頭酒山公還有竹林賢竹林之下誰名飲
興來我亦清狂甚醉臥當壚紅粉旁落花無數沾衾枕
長嘯一聲遠寄君君在浮丘聞不聞漆園傲吏爲蝴蝶
勾漏仙人擁白雲

答姜十三送遊天台之作

昔我隨遠公幽居廬山南香鑪峰下水濯遍十三潭松
蘿花開覆盤石臥視秋雲天外白秋雲舒卷本無心忽
向天台弄素琴逢君散帶耶溪上贈我幽蘭積雪吟我
有雙白雀欲放沃洲山朝啄蒼梧之珠塵暮隨明月東
海還期君來聽九臯唳天籟清寥非世間

淥水曲

二月鏡湖春桃花開玉津無數紫鴛鴦飛繞浣紗人浣
紗殊未返搖曳春雲晚月出白蘋洲烟生垂柳岸垂柳
依依在月中可憐嘶斷玉花驄輕風忽引羅衣去一曲
菱歌聽未終

將歸東粵省母留別王二丈壺祁四丈駿佳

磨劍未屠龍彎弓未射虎折鬱英雄恣念我有慈母白
雲東去復西飛萬里羅浮今又歸白雲散盡露秋月照
見高堂鬢如雪鬢如雪兮我心憂孤鸞朝飢鳴啾啾惟
爾仙人居射的可有玄梨應我求錢塘之水入澗流蒲

帆明朝去悠悠回首山陰最相憶骨青髓綠園綺儔只
將一片盤龍鏡長挂君家十二樓

有所思

我有花宮在羅浮水簾千尺懸滄洲仙人教我吹玉笛
一曲未終鳳來遊鳳兮皎若蛾眉雪口啣芙蓉向丹穴
因之萬里蓬萊飛回首故都心斷絕心斷絕兮不能持
故都禾黍已離離折盡扶桑拂日枝重華何處就陳辭
曾將玉珮投湘浦欲采珠塵向九疑九疑聯綿在何處
斑竹陰森山鬼語明月中宵出洞庭照見皇英之二女
瑤瑟聲聲怨別離霓旌颯颯吹風雨白龍魚服幾多時

玉殿淒涼仗數移將相幾人留島嶼君王何日出蠻尸
可憐五色飛龍馬無繇扈從到瑤池落花寂寂愁獨處
浮雲渺渺長相思

會稽春暮酬南海陳五給諫懷予塞上之作兼

寄西樵道士薛二

我家扶桑下日日見東君遺我紫瓊花風吹落白雲白
雲決滂起南海蓬萊宮闕須臾改往日三千玉女羣祗
今惟有麻姑在與君攜手入羅浮瑤琴一曲難消憂綺
季終當扶漢室張良未得報韓仇君家相國奮長劍曾
捧軒轅出金殿嗚嗚吹角爲龍聲大呼玄女來助戰蚩

尤未滅妖氛多可憐碧血歸天河君棲蘆中凡幾日悲
風吹斷鶴鴒歌神虬久蟄無人識黃鵠高飛奈我何高
飛忽向天山月月照天山皎如雪丁零爭獻葡萄杯蘇
武共持青海節鴻雁南從大庾回口啣尺素落龍堆開
緘未讀淚沾臆城上吹笳淒且哀處處牛羊銜白草紛
紛雨雪下輪臺問君塞上胡不來當時勅賜有龍媒投
筆曾無班子志吹篴寧讓伍胥才新詩字字瑯玕重何
時草就西樵洞西樵道士劍俠流應共悲歌擊銀甕春
風三月梨花飛我遊禹穴方思歸黃鶯關關啼碧柳萬
里鄉心連翠微誰憐寂寞耶溪上淚灑西施金縷衣

春日懷白華園

櫻桃花發吳溪香客裏看春黯自傷可憐海燕差池羽
挾子翻飛過画梁我家遠在番禺縣此日春人事遊宴
翡翠城邊柳正垂琵琶洲畔鶯初囀舊栽梅樹玉堂邊
我母折梅大士前松風隔水吹朝梵山月含霜照衣禪
一別鄉園經四載浮雲舒卷瀾滄海五色明珠不肯投
千金七首依然在紛紛天下逐雌雄安期在去說重瞳
仙人本爲蒼生出大道難令濁世容楚客空知笑哀鳳
葉公不解好真龍徘徊歧路將何適采采芳蘭三歎息
弱弟雖承菽水歡鮮民未盡耕漁職鴻雁飛飛向塞天

誰憐落羽屢驚茲戈人應念銜書苦萬里飄零非偶然

贈張損之

秦淮之水連青谿君家芙蕖出水齊性好丹青作花卉
含毫多在蓮葉西張顛白日老閒事中散青霞鬱奇意
画出芙蕖天下無葉葉花花香撲鼻舊院風流往日多
沙嫩清簫傳壽歌齊梁麗曲爲君唱求画芙蕖日夕過
長板橋邊明月滿脫家十娘開別館棗花簾子捲晴雲
邀画芙蕖香更薰千錢一幅傳都市一時好手誰如君
只今王謝俱冷落青樓歌舞不復作桃葉渡頭空夕陽
東華園裏無紅蕖君家寂寞在溪湄南朝逸老無人知

頽楊二姓紅顏盡那有犀簪供画師君且據梧復隱几
繁華銷歇無多悲

寄薛二

君戴芙蓉冠幾日羅浮返芝房白玉童應笑學仙晚我
在天台讀道書春風三月悵離居盈盈一片流花水欲
共琴高駕鯉魚

東西二樵山有如日與月相望不相知夢魂常恍惚四
百餘峰高復低難將七十二峰齊飛橋恨不長千丈朝

向東樵暮向西

東樵四百三十二
峰西樵七十二峰

酥醪村作

梅花村北酥醪村家家爭釀梅花魂梅花與酒一時熟
香吹羅浮當朝瞰山人嗜酒日沉酒醉來跌破蒼苔痕
大嚼梅花貪醒酒消渴之藤窮株根麻姑酒田亦不遠
往來墟側常鯨吞麻姑要詩作酒價一篇動揮千萬言
撫掌大笑李太白眼花落井空昏昏酒星墮地不歸去
化爲酒泉長崩奔文章亦與酒泉似波濤洶湧傾龍門
白頭潦倒每一石輒鈴果羸淳于髡呼吸水露作玄碧
驂駕巖車凌崑崙

追答王學士廬山篇見贈之作

我昔廬山尋瀑布香爐峰上披烟霧白雲無事早知還

欲共淵明奮高步淵明醉石橫溪邊九疊屏風三疊泉
飲酒正憐重九日聞鐘忽悟遠公禪吾心皎皎如秋月
照映寒潭無可說何妨變化若浮雲自有光輝含積雪
沙門束教非高士吾今况尚爲人子養母宜耕十畝田
求人欲著三朝史簡君舊贈廬山篇廬山回首淚潺湲
遺民此日成通隱嘯傲王侯亦偶然

聽琴歌

匡廬瀑布三千尺飛入琴中如霹靂蘇門仙者聽無聲
一任崩雲并裂石嶧陽桐樹爾何求不遇簫韶返故丘
明月從來不妄照孤雲何事亦群遊

西峯訪范復菴不值留贈

橫天一壁驚無路頻騎夾嶺空中度棧邊萬壑沉青冥
橋下千峯出烟霧我從玉井得真源明星玉女招不顧
直向西峯攀所思樓壓蓮花花倒垂三閭披髮同山鬼
四皓療饑有紫芝咫尺白雲尋不見先朝者舊君堪戀
無悲帝座隔層城自有天門通一箭

西峯下窺水簾洞作

玉井潛流爲瀑布諸峯噴薄如烟雨天風吹斷水晶簾
似見投壺諸玉媵河漢縱橫難爲梁欲度不度愁參商
石髓金精不我與銀臺玉室徒相望山鬼幽篁悲晝晦

美人其雨怨朝陽行歌散髮且徜徉

洗象行

玉河六月河水長朝廷舊典賜洗象昆明不見舊樓船
太液何來新甲仗傾都觀者皆歡娛宣武門外鋪羅罽
公子踏花紅叱撥佳人障日錦屠蘇須臾前導執金吾
二十四象天街趨龍旂送出千門柳羽騎迎過萬歲湖
花牙潤潔體雄詭橫行鬱若近山徙自是瑤光星降精
惟有神龍力可比夜郎蠻奴馴習者手握銀鈎左右下
騎入洪波走巨魚突出平沙驚萬馬水花瀕洞濺浮雲
兩邊金鼓鳴虎賁似逢光武昆陽戰如彼吳王水犀軍

萬人喧呼動城闕一片紅塵汚冰雪爭道驂駟擁御橋
兩行燈火侵宮月白頭中使偶相逢三朝腰玉賜穿宮
謂余此象養天廐當年捧與將軍同曉披瓊瑤朝皇極
秋駕鑿輿出喜峯去歲雲南師收績象兮曾與沮渠敵
周王八駿去何之夏后兩龍歸未得可憐蠟嶸虎豹姿
雖飽膏粱淚沾臆

雷陽郡齋醉中走筆呈吳使君

使君風流世所宗飲酒不醉眞酒龍一麾出守頻海郡
三年坐嘯擊雷峯有一酒狂人不容聞君新醅荔支濃
沉香艤船大如斗中有扇沙嫩鹿茸香狸之脯沙魚翅

玉盤行出和春蕊使我采頤不能已番禺千里來相從
仲秋月照郡齋夕轟飲吏人俱辟易鯨魚自合乾百川
鼯鼠猶能盡一石玉山忽倒紅羅襪談禪交吐夜光珠
嬌歌婉轉東西和花且溫柔左右扶英雄達生無不可
一代糟丘今屬我古來賢聖盡浮雲豈必一豪同螺贏
昔人酒中誰陸沉阮公一醉直至今酣放動經六十日
千載惟公知此心

高州大水作

天決鑑江灌高涼一夕水高三丈強西南二門白晝閉
城中城外愁汪洋大雨滂沱不得止颶風吹倒牛與羊

千家號哭萬家走婦子盡同魚在留白波捲去南巴城
烟火不知何處有蛟龍拔木山欲摧潭中驚出雌雄雷
狂夫欲渡不得渡中流浪打披髮回二村已遭自牛陷
挺劍我欲爲澹臺斬盡水怪無凶災

奈何帝歌

陳后主將亡國鍾山羣鳥翔鳴曰奈何帝奈何帝
何帝

奈何帝奈何帝風流亡國亦足豪美人相抱井中墜可
惜井中水不深美人不死傷我心淚痕化作胭脂痕千
秋漠漠苔花侵苔花侵美人墓在青溪陰不死胭脂死

青溪可憐不作井中泥國亡不恨恨惟此山河不易一
女子

放歌行爲潘子壽

丈夫五十髮未白痛飲狂歌真可惜神仙富貴兩蹉跎
徒作諸侯一賓客尉陀城南十月時梅花開早菊花遲
與君往往談王霸笑殺當壚嬌女兒我在山中無素業
清高亦與屠沽接道成不肯居神仙氣使翻然作遊俠
英雄自古一浮雲求道應從鸞雀羣有金且買東方妾
有酒且醉信陵君縱心寫意無不可聲色之中知是我
天生我輩自長生不似二豪爲蝶羸

題周梨莊戴笠圖

梨莊本是青雲器四十于今猶未仕前朝文獻在君家
著作欲繼先公志秣陵藏書誰最多讀圖樓中高嗟峨
拈拾能箋五代史時談遺事如懸河董狐有志我未逮
三百年中誰紀載漢史應須屬紫陽元人豈解尊昭代
青溪水閣開相期筆削相將乘此時王猛猶能存正朔
許衡那得配先師栖霞之山好林樾更爲同人開理窟
片言亦可成春秋一畫自能知日月閒來戴笠將何之
遺谷逍遙若有思接輿髡首且相對徜徉于道亦良宜

讀李耕客龔天石新詞作

東風吹愁滿天地越客羈栖不得意携家遠自南海來
十日飄飄無所寄秦淮一曲且僑居升斗之水愁枯魚
故人咫尺在幕府慰我饑渴三致書公子多才年復少
樂府能兼南宋調風流初見藕莊詞與君宮體皆娟妙
我方箋易臨河樓夢寐日與羲皇遊新詞見贈不違答
精微空向畫前求南楚好辭宗屈子學詩昔自離騷始
含風吐雅數千篇美刺頗得春秋旨艱難持向清涼臺
一不視白魚來聖賢自古皆寂寞文章于我誠塵埃
聞君新校春秋疏欲爲唐人傳啖助多金鏤得授經圖
功在尼山流美譽交廣春秋我亦成南方異物多經營
陸賈山川未作紀嵇含艸木徒知名長跪幾時能請教
知君博物有深樂花中錦繡足文鷄果下金錢饒小豹
收香書帶與相思賦咏惟君綵筆宜我愧江淹才欲盡
那能倡和及芳時

女兒葛歌

女兒十三髮覆額精工善作女兒葛花針挑出葛絲絲
織成蟬翅弱霏霏一端祇得三四銖出入筆管輕且微
十年一匹不滿機製爲夫婿乘涼衣日炙葛絲皺風吹
葛絲舊兒郎惜葛絲莫當風日走寧無綺與羅是儂手
所就

送洪氏兄弟讀書黃山白龍潭

松松倒懸數千尺身似藤蘿纏怪石有時怒隨雷雨飛
三十六峯腹盡坼洪生兄弟性愛松讀書各據一芙蓉
黃山本是白雲海松樹大小皆神龍羅浮七星松名作道
士邀予每道神仙事絲來變化本無情性盡自然天命
至汝師汪子在天都曾見軒轅得道無莫浴湯泉生羽
翼且將石笋作擣菹言兵寔自軒轅始八卦神機連甲
子峯峯布列是陣圖白雲出沒爲旗幟陰符不用更鈎
深象數之中總可尋讀易自應知戰法裁詩且復遣愁
心

石公種松歌

石公好寫黃山松松與石合如膠漆松爲石笋拂天來
石作松柯橫水出溼西新得一山寺移松遠自黃山至
猗猗一個似人長荷鋤種植如師意師本全州清

湘山湘水別多年全州古松三百里直接桂林不見天
湘水北流與瀟合重華此地曾流連零陵之松更奇絕
師今可憶蛟龍顛我如女蘿無斷絕處處與松相纏綿
九疑松子日盈手欲種未有白雲田乞師爲寫瀟湘川
我松置在二妃前我居離南憶湘北重瞳孤墳竹嬾娟
湘中之人喜師在何不歸掃蒼梧烟

九日過李十一二者山房賦贈

白晝婆娑古樹下華堂無事招儒雅蘇門高士過彈琴
天寶將軍來画馬此日重陽黃菊開寂寥餘我登高臺
被髮狂遊人削跡持觴高論爾憐才江山戰後秋無色
天地窮陰消不得周王兵士化沙蟲漢代衣冠委荆棘
君家殉國有難兄散盡黃金事不成存令空抱長弘血
鴻雁猶吞伍尚聲我在山中無素業一遇屠沽歡笑接
道成不屑居神仙氣使翻然作遊俠爲君題詩花夢樓
羽聲慷慨誰不愁

西樵歌

西樵山何聳峙峩嶷之孫羅浮之子霞城乳竇碧玲瓏
千尺珠簾挂秋水仙閣遙開白石邊人家盡在桃花裏
我尋羽客到錦巖盤旋磴道上松杉月明一嘯驚鸞雀
飛入青冥瀑布南

藥地禪師于青原得一瀑布名曰小三疊泉請

予題長句

聞道青原新瀑布奔飛絕似匡廬山匡廬瀑布推三疊
一半移來烟霧間大士無心偶開闢挂出晴川數千尺
說法無心玉塵揮日夜雷聲喧石壁康王谷裏水簾長
玉鏡潭前白練光昔予散髮卧其下灑面水花涼復涼

黃漫更比石門好香山亦有銀河倒天風吹斷落彭湖
散作金波千萬道平生最愛是飛泉處處飛泉弄紫烟
天台雁宕都奇絕未若青原更可憐

浮丘修禊作

朱明門戶是浮丘浮丘丈人昔此遊采藥相携浮丘叔
時從洞裏入羅浮挹袖堂前花幾處春光一望消愁緒
雲霞十里蜃樓臺錦繡三城龍子女今晨上巳是佳晨
與客傾壺坐艸茵偏霸不須爲武帝清狂且復作仙人

客山陰贈二祁子

君家樓閣鑑湖邊楊柳千條春色妍疎牖朝開射的雪
空簾暮捲香爐烟閒擁牙籤披萬卷少謝風流詩更善
可憐初日吐芙蓉更有澄江飛白練我從羅浮萬里來
逢君文采一徘徊天上雪花那有蒂雲中玉鏡不安臺
相留暫向祇園住正是中丞殉節處碧水含秋似泪羅
黃金布地同玄度櫻桃開遍西闌干揮塵鳴琴興未殘
半山每答猿公嘯千仞將聯鳳鳥翰鳳鳥高飛何所止
金陵宮闕五雲起一鳴素水降真人再鳴留侯遇松子

羅浮探梅歌爲臧喟亭作

羅浮梅花天下聞千樹萬樹如白雲開時花似玉杯大
枝枝受命羅浮君么鳳一食三百朶綠萼檀香留與我

君來先到梅花村重夢美人君不可四百峯間開更開
花從舊蒂作新胎今歲雪多添一瓣去年霜少盡重臺
玄墓西溪花百里可惜天寒香似水炎天氣暖長氤氳
生熟水沉作鬚蔬不到羅浮爭得知梅花自此長相思
化爲蝴蝶軍輪大歲歲來攀太古枝

望夫石

二禺之峯七十二中有石人立蒼翠望夫化作石嵯峨
留取貞心在天地石公石姥洞庭西合體休垂雙玉啼
安得郎歸亦化石白雲深處長相携無情化石石難好
有情化石石難老郎歸會見石能言招手天邊待相抱

玉女峰觀洗頭盆作

東峰傍削一高臺玉女嘗乘白馬來玉盆潛通黃河水
鬢髮沐罷光徘徊我來日月蕩精魄飛蓬自愧無膏澤
黃凌昔戀湘君祠太華今憐玉女宅聖賢發憤詩三百
風雅洋洋多好色公子應知憔悴人三閭非是荒淫色

題王山史獨窅亭

仙人騏驎是胎禽千歲丹砂入頂深聞爾浮丘能相窅
孤飛忽至華山陰華山三峰削青天白帝金精育大賢
黃河萬里入胸臆文章一瀉如雲烟我本羅浮五色鳥
化爲仙人出炎嶠狂歌不逐衰鳳遊高舉時蒙斥鴃誚

卷二
三
聞君好宦宦亭居九臯清嘆爲君娛攜持杯杓來相就
驂駕烟霞遂共驅直向華山巔宦兮起舞何翩翩
衣裳皎若玉井蓮何殊玉女臨樽前

丙午夏日將同李天生之雁門道過蒲城飲水

侍御園亭卽事有賦

蒲城六月火雲高行人飛轆尋東臯大夫射雉有遺處
臺榭陰陰風雨聚金粟堆南問二陵堯山谷口迷千樹
主人聽馬早歸來敕賜芙蓉對客開前席少年籌漢罷
上林高士望京迴驚鴻流雪慰摧頽醉揮漫水入金杯
同心藕使水盤滿並蒂花教玉管催織女多情銀漢度

匏瓜無匹心相妬矢志聊爲聲色荒求仁不被神仙誤
歌長燭短夜無多明朝秦晉阻黃河雁門深入胡天雪
回首西方憶綺羅

古丈夫洞草堂歌

并序

歲丙午之春予遊西嶽於北斗峰得三洞一
曰古丈夫洞一曰毛女洞心甚喜之將結草
堂於其間以爲華山自青柯坪北至三峰其
壁之穿而爲坎者可容趾二分爲領者容指
二分用指之力嘗多於趾歷千尺曠百尺峽
老君犁溝仙人砭蒼龍嶺諸處雖絕嶮峭然

皆遊人必經之路而此二洞在嶽西絕壁間
可望而不可卽遊人必不肯枉道以問焉吾
結草堂於其間是天之所私以與我也且是
洞又曾爲古丈夫毛女所棲夫古丈夫秦之
賢者以始皇滅二周之故遜入西嶽而毛女
玉姜爲秦宮人亦以秦無道負琴而入西嶽
與古丈夫服松葉飲泉以老吾之所遭庶幾
古丈夫之時而吾妻秦女也亦慕高隱今結
草堂於二洞與吾妻踐古丈夫毛女之迹則
斯二洞也前有古丈夫毛女後有吾夫若婦

天之生斯二洞爲不虛使志西嶽者采之其
爲可傳何如也且吾昔者爲西嶽詩百韻秦
人李天生見而悅焉持以爲蹇修吾故得吾
妻夫昔以西嶽得妻今以妻還之西嶽西嶽
之大有遺于予安可忘哉於是予更字曰華
夫而吾妻曰華姜草堂旣成華夫種古丈夫
之松柏華姜彈毛女之琴人望之咸以爲仙
華夫笑曰否否乃爲草堂之歌曰

丈夫非仙人毛女亦高士相攜向白雲欲學采薇子天
生兩洞如鴛鴦西臨太華東首陽女蘿飛花蔽洞口雙

樓人在洞中央草堂之中何所望有美一人持玉漿巨
靈掌上石樓長水簾捲起見明粧草堂之中何所服石
髓金精滿巖谷古松千歲吐奇光夜如荷花晝牛日

雁門送客

君在雁門北我在雁門南雁門八月紛霜雪何事征夫
繫玉驂桑乾水遶長城遠句注山舍秋色晚塞女吹殘
簾策聲舉杯勸爾江南返江南春色在君家早將妻子
別龍沙樓臺更向秦淮曲日對天桃幾樹花

送孫丈歸黃山

君何不向黃山歸君家有松大十圍松外一天雲氣濕

松間百道瀑泉飛我思三十六翠屏復愛松兮長青青
安得隨君入杳冥君爲鬼絲我茯苓相與松兮至于嶽
去年東嶽兼西嶽來往真如天際雲今日黃山遊不得
三十六峰空待君君歸好向湯泉浴會見骨青而髓綠
容成教以駐年方服食虛無坐紫牀道成相與隨軒皇

登秦望山寄謝廬山無可大師

秋風忽起飄井桐白鳳西飛紫鳳東何處思君更淒斷
流泉潺湲秦望峰秦望高兮烟靄重我持明月照鴻濛
雲間夏后金書在松下秦皇玉輦空遙望廬山倚南斗
三石梁邊君隱久陰符寶劍與何人玉塵青蓮應在手

幾宵乘月彈瑤琴寄我瀟湘帝子
唵梅花亂落雲門寺
經歲相思未嗣音
此日登高眺東兼
日出天台佳氣在
黃屋將浮碣石來
紫芝尚向南山采
采紫芝兮使心愁
功名讓與屠沽流
仙人肌體如冰雪
姑射山中自可留

送方瞳子

家本羅浮上仙人
目往還就中勾漏令
倡爾芙蓉顏
芙蓉顏兮誰不悅
朝如丹霞暮如雪
弄玉來教紫鳳簫
靈娥照呂瑤臺
月月出瑤臺
奈樂何
忽乘天馬超天河
遊每共東方朔
功業聊爲馬伏波
千金買得魚腸劍
七寶裝成獅子花
天下侯王猶草澤
江東子弟已干戈
問

君望氣意如何
五色龍文嵩
雖多我作班彪王
命論羣
雄不敢思
并吞赤眉必有長安敗
王莽終遭宣室焚
自古帝王盡天授
雲臺諸將羅星宿
子房本是赤松流
漢家乃繼唐堯後
春日張筵戲馬臺
干枝芍藥送春來
燕姬競作蓮花旋
羌笛齊吹阿鞞迴
慘淡風雲歸沛上
蒼茫淮潒入金杯
看君醉後揮鞭去
颯颯龍沙萬里開

送吳少叅返歷陽

天作天門夾大江
君邊蒼翠濕秋牕
西梁煙接東梁雨
看殺芙蓉第一雙
蘭橈曾繫君楊柳
鶯向春人催飲酒
沿月頻過采石磯
乘潮直出鮎魚口
江北煙花是歷陽

君歸爲樂正多方謝公陶寫憑金管太白風流在玉觴
養壽豈須紫芝草忘情自令朱顏好文章已可得長生
况有醉鄉縱懷抱

惠州王太守入羅浮尋梅花村不得用子瞻松

風亭下梅花詩原韻有作予爲和之

水簾洞口梅花村梅花不見餘冰魂美人已隨明月沒
依稀縞衣來黃昏翠羽啾嘈怨幽谷白雲黯淡愁荒園
使君苦尋千萬樹一冬衝雪忘寒溫急需更植徧巖壑
依之吐納扶桑暎盡教玉女挿雲髻復爲老人遮松門
千秋梅花作湯沐四百君當聞此言一羅一浮再開闢

花時招我傾清尊

廣陵老僧聞一以畫扇見貽詩以答之

聞一善琴

老僧能琴復能畫八十四齡何瀟灑扇頭貽我瀟湘景
髣髴聞有飛泉瀉乞師卽來一鼓琴移將萬壑寒松林
霜鐘一醒青蓮耳流水長清太白心

合江樓讌集次蘇長公韻

王使君出寶坻家釀飲客

洋洋乎水何美哉合似羅浮不復開天下朋友之膠漆
安得盡似雙江來登臨風日正清美長嘯休驚鷗鷺起
使君醇醪自寶坻傾作金波逐江水一杯明月一杯新
明月笑我非仙人仙人未有不飲者更須沉湎羅浮春

草書歌贈藍公漪

公漪愛我草書好，画成卽遣作。今草角扇屏，風總不辭。
龍蛇飛動爲君掃，古來草聖稱張芝。神變無方吾所師，
點畫精微盡天縱。豈惟勁骨兼豐肌，二王筆精復墨妙。
思極天人無不肖，率意超曠我亦工。研精體勢未知要，
漢人遺法久無傳。用筆從來貴極圓，懷素頗得草三昧。
夏雲隨風任盤旋，米芾神鋒每大峻。太黃遠射力愁盡，
張旭顛草雖自然。亦傷雄壯終非晉，我今學草常苦遲。
未能變化猶矜持，裙滑無多羊氏練。水清安得伯英池，
伯喈作書必純素。欲購千端無毫兔，仲將如漆墨盈箱。

左伯光妍紙無數爲君亂，作一筆書心手窈冥隨。所如
蛟龍拏攫恣天矯，驟雨飄風教有餘。穠纖折衷更精熟，
每日淋漓須百幅。君之散隸亦入神，以之相易須神速。
君有尊人草篆精，凡夫趙氏同飛名。故君法書具清識，
感激知已深。余情筆力會當友，造化安得閉門日。多暇
右軍筋骨益精心，與君八分早相亞。

南海神祠古木綿花歌

十丈珊瑚是木綿，花開紅比朝霞鮮。天南樹樹皆烽火，
不及攀枝花可憐。南海祠前十餘樹，祝融旌節花中駐。
燭龍啣出似金盤，火鳳巢來成絳羽。收香一一立花鬚。

吐綬紛紛飲花乳參天古幹爭盤拏花時無葉何紛葩
白綴枝枝蝴蝶繖繖紅燒朶朶芙蓉砂受命炎州麗無匹
太陽烈氣成嘉實扶桑久已推爲薪獨有此花擎日出
高高交映波羅東雨露曾分扶荔宮扶持赤帝南溟上
吐納丹心大火中二月花開三月葉半天飛落人爭接
東風亂剪猩紅絨見女拾來柔可摺正及春時百谷王
神靈不使馬蹄蹀還憐飛絮白如霜織爲縑布作衣裳
銀釵叩罷雙銅鼓歲歲看花水殿旁

伶俐江口過風作

北風吹舟衝石壁我篙競下如拒敵夾所溟濛沙亂飛

中流洶湧石相擊舟破定知觸鬼神檣折有聲如霹靂
風狂豈可滿帆張長年不戒使我傷忠信寧憂白頭浪
笑談曾渡蓮花洋不須彎弓射潮水且復橫槩賦詩章

短歌贈別陳子

丘園著書久寂寞茫茫周蝶誰先覺虹霓爲帶佩華星
欲舍愁心遊五嶽五嶽迢迢路不通何如高臥謝鴻濛
仙人祇在玉壺裏無爲之化在重瞳伯樂無煩治天馬
藐姑不待御飛龍

讀杖人師武夷遺草因懷武夷虎嘯洞諸勝

我昔遊五嶽身騎二茅龍驚風忽然起東海日月吹落

金銀宮愁將白髮三千丈歸去朱明四百峰朱明洞裏
多仙客餌我雲母顏光澤時偕玉女侍軒轅不共安期
千項藉聞鐘又復證無生足踏空王頂上行冲霄一劍
如秋水徹夜雙簫響太清飲光尊者頻招手飄然遂至
鳳凰城尊者玉毫何宛轉手把芙蓉微笑展可憐樓上
相見時玲瓏秋月珠簾捲江南亂後草離離回首青山
愧我師未將電足酬支遁空對冰絃憶子期當時語我
武夷好九曲清溪流浩浩接笄峰前多紫雲飛猿嶺上
饒芝艸幾度安禪在翠微天花繞座鳥窠飛茅戶只今
委苔蘚嗟予振策何時歸空讀遺書開玉篋太山頽矣
傷何及姑射仙人不降生茫茫天下皆臣妾蘇門一嘯
如鸞音散入天風不可尋憑將寄語武夷客會取高山
流水心

送李十還晉康山中

尚平五嶽遊初返四十爲農殊未晚安得田園湖海傍
朝朝暮暮雕胡飯晉康山水天下稀君家洞口泉爭飛
文章自可娛慈母富貴絲來在布衣君行爲結松間屋
相待明秋住翠微

羅浮放歌

羅浮山上梅花村花開大者如玉盤我昔化爲一蝴蝶

五采綃衣花作餐忽遇仙人萼綠華相攜共訪葛洪家
鳳凰樓倚扶桑樹琥珀杯流東海霞我心皎皎如秋月
光映寒潭無可說臨風時弄一絃琴猿鳥啾啾悲楓林
巢絲不爲蒼生起坐使神州俱陸沉

木棉花歌

廣州城邊木棉花花開十丈如丹霞燭龍銜日來滄海
天女持燈出絳紗樹樹雙棲孔雀暖枝枝交映扶桑斜
仙種珍奇世希見受命天南絕霜霰漢帝曾栽扶荔宮
越王爲造珊瑚殿月下紅侵舞女衣風前香繞留仙宴
回首春深怨杜鵑榮華寂寞淚潛然殘英化作天山雪

飄落胡人玉笛邊

張二丈書馬送予出塞詩以酬之

我棲羅浮四百峰十年學道師老龍忽覩扶桑上紅日
真人飛出蕊珠宮邇來劍得白猿術登臺嘗舞雙芙蓉
清泉白石心已厭慷慨欲遊關塞中憐君少小事遊俠
智勇深沉慕荆聶悲來每叩玉壺歌酒酣頰向南山獵
平生画出真驕驍將尋天子崑崙丘萬里風沙開縞素
千羣汗血騁王侯今朝聞我天山去停杯不覺淚如雨
可憐陌上握別時桃花亂落黃鸝語黃鸝睨眈不堪聽
離家去國怨孤征白草連天過鹿磧黃雲蔽日向龍庭

不是摩騰取貝葉將同介子持長纓歎君五十無知己
黃金散盡慚妻子不能仗劍遠相從猿肱燕頤徒爲爾
空將秃筆掃龍媒送我直上單于臺神駿已居曹霸上
鷹騰肯讓衛青才紛紛世上皆凡馬如此騏驎空冀野
爲君攜出玉門關戎王應奉千金價秋夜懸軍瀚海西
哀笳吹月馬頻嘶此時思爾茅堂裏賦就饒歌待客歸

那旦道中作

孟秋九日寒無比東西南北颶風起陽春道上不可行
吹我僕夫僵欲死有車旣陷泥淖中有馬亦倒溝渠裏
雨挾驚沙撲面飛征人濕透苦無衣黑雲一片橫天盡
紅葉千重見日希登高四望無烟火白石蒼苔滑殺我
但得天晴到夕陽自有人家當道左

烏江弔項王

力拔山兮天下雄氣蓋世兮乃無終王以天下兮三讓
不然漢高無大風一讓兮不殺沛公鴻門不追至軍中
始驅除兮終拱手禪授之德真重瞳再讓兮不都關中
天府捐棄咸陽宮故鄉彭城不忍舍鴻溝爲界來相攻
三讓兮不渡江東江東吳越地未空八千子弟倘復起
夫差句踐霸可同江濤怒兮水倒立大野吹兮多落楓
時不利兮騅一蹶天之亡我命當窮死生與虞同一命

蛾眉血兮澱衣紅王多情兮不負季視季亦與虞兮同
還定三秦忽失約季負王兮季非忠不殺義帝季亦殺
三軍縞素欺愚蒙英雄豈必皆好信勢便逐利如轉蓬
三傑不言復讐事董公遮道計殊工吳芮不殺王不服
弑君之賊乃有躬義帝無後漢不立漢之寡恩誠不聰
英雄成敗兩不義誰言天授非人功吁嗟誰言天授非
人功

送朱上舍

汝兄嶠南來可憐故人不得相周旋臺門咫尺邈千里
相知何苦相天淵汝今又歸桐鄉去臨分那得無纏綿

嘉禾我友十餘輩汝兄第一膠漆堅營谷已往墓木拱
武功廣漢皆黃泉平生知己在梅里白頭存者多速遭
汝行爲訊繆天自二李伯仲應歸田徐家復有磨鏡者
季也亦誠生芻賢鴛湖一別動廿載人生倏忽真浮烟
富貴非時自知隱文章無命誰求傳戀君一步一握手
賦詩金石聊相宣汝才崢嶸亦奇關開元大曆羞比肩
參差似兄騰笑集墳箎同開風氣先逃唐歸宋計亦得
韓蘇肯讓揮先鞭大雅只今久淪替吾衰難起黃初前
老豈爭名向輕薄自來可殺惟青蓮苦心經術作書蠹
吾經縱橫情所便春秋已知非筆削大易亦謂無方圓

十翼思返仲尼舊三傳欲將公穀捐詩歌末藝任工拙
漢儒章句方拘攣壯心慷慨尚復爾時時自苦明膏煎
葛公中華倦游步龍光欲騁聊高眠故人倘詢英霸器
爲語奇雅猶芳年

兄謂
竹垞

屈翁山詩集卷第二

屈翁山詩集卷第三

鴛水徐肇元掄三選

周源長荆思

校正

徐起元瀛奇

五言律詩

海上

海上青山好東西聳二樵三秋觀海日半夜逐江潮宮
闕金銀在仙人素手招何當共徐市一去十洲遙

從軒轅宅入迷居洞

曉起蕊珠峰行行花影重林鳥飛落月山鬼嘯寒鐘野
飯芝泉冽秋衣竹翠濃昨宵逢道士疑是七星松

洞有古松

七株號
七星松

宿金沙洞

谷口雨霏霏樵蘇向晚稀
寒花秋盡發孤雀夜深歸
松定聞泉細峰高見月微
幽懷如有待竟夕倚巖扉

自英德至含洸道中作

一縣盡奇峰參差削玉蓉
人烟舍亂石瀑影出寒松
空翠飛猶濕餘花落尚穠
亂同樵女渡洸口暮聞鐘

舟上連州

路入漣江遠愁聞是鷓鴣
草深迷兩岫雲漲似重湖
古木撐崖墜鷺流挾石趨
拂舟蘿帶亂攀折自嬉娛

時時川路盡峽轉復天開
舟掠飛崖過帆穿落木來
鳥聲多在水人跡半生苔
不寐因明月宵深自溯洄

亂流爭一壑風傍水門多
石勢隨雲落灘聲雜雨過
只須秋月好終奈暮猿何
不寐同漁父洲邊弄菱荷

過清遠諸灘

沿泝頻無路灘門雨不開
誰從千仞壁飛下一舟來
天逐青峰轉人隨白鳥迴
數聲漁父笛忽起望夫臺

望五老峰

飛翠如煙雨秋來山色濃
夕陽一返照明滅金芙蓉
獨嘯此亭月將尋何處鐘
石門精舍近蚤晚巢雲窠

卷三
開先寺樓作

向夕樓中臥天風忽起西不知吹瀑水飄落幾重谿
小雲爭入林深雪已迷無人愛幽獨來共聽猿啼

攝山秋夕作

秋林無靜樹葉落鳥頻驚一夜疑風雨不知山月生
松門開積翠潭水入空明漸覺天雞曉披衣念遠征

送客

莫上高臺望無窮是楚雲舊遊稀白髮獨往易斜曛
木落諸峰見山空一葉聞祇應盤石上閒坐對秋分

靈谷探梅

見說鍾山麓當年萬樹斜誰將遼海雪來折漢陵花
冷月舍邊笛陰風散暮鴉數枝當輦路不忍吐瑤華

吉祥寺古梅

白雲開半樹香已遍晴春明月會無夜空山豈有人
風驚飛瀑斷雪洒落花勻坐久石牀暖氤氳一氣新

紫峰閣梅

絕壑春難早鴻濛養有餘光生無月處香在未花初入
石僧同定橫溪客自疎年年紫峰閣爲爾一踟躕

昌平道甲

落日昌平道愁從關塞歸九門吹畫角萬戶擣寒衣
伏

草黃狐嘯銜蘆白雁飛朝宗橋下水鳴咽出金微

雲州秋望

白草黃羊外空聞簾築哀遙尋蘇武廟不上李陵臺風
助群鷹擊雲隨萬馬來開河無數柳一夜落龍堆
八月大同秋霜花滿客裘身隨宛馬壯手以角弓柔水
脉駝能識邊聲雁亦愁紛紛風柳落吹入望鄉樓

邯鄲道中

歎息叢臺下英雄日寂寥戰場無白日曠野一秋鵬草
沒廉頗宅雲迷豫讓橋悲歌誰與和歸思晚蕭蕭

邊詞

落日在龍城羗兒向柳營彎弓窺漢月吹笛作秦聲天
似穹廬覆風從班馬生當年霍驃騎一劍此橫行

硤石道中

天險雒陽西臨關萬嶺低冰堅人馬滑雲黯驛樓迷竦
石頻當谷飛梁忽接溪幾家陶穴佳煙火暮淒淒

歷千尺峽百尺峽諸嶮至嶽頂

臨崖垂半足飛上嶽蓮端玉井窺天小蒲池弄月寒白
雲吞萬象瀑水瀉千盤左右石樓敞吾將寄羽翰

青牛臺訪彭荆山

誰鑿芙蓉翠飛樓架此峰千山圍落雁一脉度蒼龍日

射黃河雪天搖白帝鐘王孫遊不返此地種長松

初春代州作

二峪冰猶壯三關草欲熏積陰開白日春色散黃雲帳
小箏人合沙平獵馬分武皇諸樂府遺響在羅裙

廣昌

此地蜚狐塞神京一線通長城帶天末古戍接雲中馬
踏三秋雪鷹吟萬里風河流聲太苦應爲客途窮

邊夜

萬古明妃月光含漢苑愁吹來龍塞影散作雁門秋白
露沾衣濕天河接淚流南飛鴻雁盡何處寄離憂

將從雁代返嶺南留別程周量

漢壘懸高柳胡門控太行三年愁出塞萬里夢還鄉馬
陷渾河雪裘沾白草霜無才營菽水蕭索一行裝
羅浮雙嶽峙一半是蓬萊風雨時離合波潮若往迴寧
無蝴蝶洞不及鳳凰臺文獻曲江後須君接武來

九日集陳大夫署中

落葉將蟬去浮雲逐雁來可憐出塞客不上望鄉臺賈
屋懸歌席滹沱瀉酒杯佳晨同戲馬聊倚宋公才

答王六惠葛巾

叔夜能含垢科頭已有年飛蓬悲髮亂墮馬愧妝妍

時有

歌人
前
勞子裁雲葛爲巾象嶽蓮醉來休倒著珍重竹林

懷同岑

空翠洞庭陰松風吹滿林白雲不可見日與數峰深聞
在毛公洞時時拂素琴秋來摘朱橘霜露濕衣襟

答人惠藥

蝴蝶作莊周徜徉世上遊有身惟殉道無地可埋憂月
出先微雨梅開後素秋承君念寒疾藥石重相投

題戴務旃水田圖

與君沮溺心農事懷江陰昨夢水田鷺飛過青竹林朝

來作圖画春色東臯深安得耦耕去還爲桑者吟

冬日英州山中

山山黃葉盡殘雪響楓林天入羣峰小泉歸一壑深高
松寒立影明月正棲心冉冉歲華暮誰來問玉琴

吳江贈顧茂倫

月出采香洲吳娘唱棹樓垂虹楊柳暗鶯脰白蘋秋故
國蒼茫別美人遲暮愁夫君若萱草一見卽忘憂

舟入閩門

曲折木蘭橈穿城四百橋錦帆風未散茂苑雨初消煙
火含春樹人家逐暮潮相思明月夜歌管爲誰驕

望天平

天平青不斷雪盡數峰分表裏背奇石朝昏在白雲樓
臺橫水出鐘磬隔花聞采藥吾將往相隨麋鹿羣

靈巖春日與李侍御灌溪遊覽作

春光如有意先到館娃宮石響佳人屣花銜使者驄湖
吞三郡白水落半山紅七十二峰裏梅花望不窮

過翁子山房賦別

乍見如芝草臨分戀玉杯情同莫釐月送出姑蘇臺白
雀自茲去梅花誰爲開一峰歌一曲早寄相思來

橫塘寄徐昭法

雨過橫塘水人家濕暮煙湖山深竹裏雞犬落花邊昔
至楊梅熟今來蓮葉圓相思胥口月之子在漁船

入雲門作

平生山水興最在浣紗洲更入雲門去無窮是素秋風
含清磬度水帶落花流自乳泉邊坐清冷足久留

三水縣訪朱丈

地控三江口城開白塔村縣治舊爲白塔村市橋春雨滑漁艇
暮潮喧肆水清浮縣崑都山名翠映門停橈訪知己相見

戀琴尊

亂帆

亂帆爭落日十幅總雲輕勢定知風小飛低與水平紛
紛無近遠片片在空明中有楚漁父滄浪歌幾聲

李六烈女

有序

六處女者皆李氏番禺菱塘都弘福鄉人癸
巳晉王帥師至新會菱塘諸鄉治戰船應之
晉王敗績敵攻弘福六女登樓皆縊

雙燕歸何處樓臺久不春雲疑飛髻女月是弄珠人玉
佩捐湘浦羅衣絕塞塵琵琶彈馬上嗟彼去和親

魯連臺

一笑無秦帝飄然向澗東誰能排大難不屑計奇功古

戍三秋雁高臺萬木風從來天下士只在布衣中

呈周櫟園

平生五嶽遊今上謝公樓樓裏多山水空濛雲氣流

先生

有樓藏圖
西甚富故鄉在南海夫子有羅浮置我丹青上芙蓉

四百秋

羅浮有四
百餘峰

送王汾仲還新安因訪石埭姚明府

白雲歸白嶽道過陵陽峰爲我期仙令何時駕白龍愁
隨一片月掛在九華松早晚思攜手冶城春酒濃

姑蘇秋夕與余丈廣霞坐京兆杜子寓樓

嗟爾姑蘇客蕭然舍暮愁相思二華月獨立五湖秋吳

俗輕高節秦風急好侑今宵共樽酒感激典貂裘

春湖曲

士女春遊早梅花折滿船飛來玄墓雪香散太湖天漁
父歌明月夷光出紫煙鴛鴦誰似汝長在浣紗邊

范蠡宅作

羨爾浮西子扁舟湖海間芙蓉三萬樹種滿洞庭山石
上留香屨煙中有翠鬟狂吟水仙曲驚起一雙鷗

自日下至樵李與諸子約遊山陰

最恨秦淮柳長條復短條秋風吹落葉一夜別南朝范
蠡湖邊客相將蕩画橈言尋大禹穴直渡浙江潮

子陵祠下夜坐

萬里秋雲盡天空只客星光含明月冷影入絳河冥雙
瀑爲長帶千峰是翠屏臨風一舒嘯冉冉下仙靈

釣臺

富春山萬疊雪映釣臺青予若桐江月長隨漢客星寒
猿吟石壁白鷺落沙汀漁父頻招手迴舟入杳冥

耶溪夜遊

楊柳覆長堤芙蓉開欲齊美人化明月飛出浣紗溪吹
笛鴛鴦起迴舟珠斗低白雲遙送客直至鏡湖西

柳江口

驚濤出江口一片雪山飛舟與雷霆鬪人爲魚鱉歸偷
生慚有劍卒歲歎無衣歷盡人間險吾今解息機

浮湘

五年遊五嶽三度下三湘今夕衡陽宿依然風露涼鐘
愁迴雁落歌愛采菱長木葉蕭蕭下如何客異鄉
亂投漁火宿浦口暮烟迷催客虫聲亂依人鳥影齊林
穿黃月細花壓碧天低疎磬知何處茅茨隔一溪
兩日隨蘭棹青青紫蓋峰五峰江倒映水底盡芙蓉蒼
翠楚天好微茫湖口重洲邊采香草湘女暮相從
水口皆湘浦花陰有嶽門帆低紅樹骨舟小白波吞戍

鼓傳雙峽漁燈繞一村溪清多瀨石月照更潺湲

青恐峰巒盡紅愁木葉多魚梁爭截水浣女亂穿荷雨
氣含黃日霞光激素波虛無瑤瑟響悵望是湘娥
石淺水流難舟人苦叫灘水螢當畫亂山鳥及秋寒故
園烽煙隔他鄉歲月殘閨中寄霜葉點點淚痕丹

漢口

漢口清秋夜雲霞寒亦稀新潮隨月滿落葉帶螢飛白
首難孤往青山欲早歸憑誰報慈母遊子有寒衣

湖中有懷

江從湖口濶浩淼浸長沙天外青惟水空中白是花亂

鴻驚巖市疎柳落漁家寂寂推蓬坐相思爲月華
月出水天分微茫不見雲蘆花千萬里如雪落紛紛似
我愁心亂風吹不到君更憐洞庭雁棲宿暮無群

出湖作

澧注湘川左湖開漚口西天從南楚盡嶽至洞庭低波
捲青山去雲含白雁嘶二妃時出入風雨冷淒淒

次沅江作

西從僑口入一水最濼迴自過沅江縣微茫湖欲來不
知青草湖名西外可有碧天開月落帆須宿津人且莫

催

自排山經熊罴嶺至祁陽作

百里藤蘿路陰森萬木中山寒多宿雨葉盡少悲風嶺
嶠千盤入湖湘一線通楚南香草地處處見蘭叢

自零陵至興安道中

蒼松三百里不盡復楓林一路白雲暗千峰紅葉深山
空自多響水落亦成吟薄暮停車坐蕭蕭餘片心

零陵道中曉行

試上蒲洲望峰峰列翠屏瀟從湘口合陵是九疑零柳
映長橋綠松浮遠峴青暮投何處宿燈火起官亭

全州道中

五日松林引三朝谷口迷孤村陰雨外古道白雲西風
定分泉響山深少鳥啼故鄉不可望千里草萋萋

靈川道中眺望建陵諸峰

橫斜千萬筍不似一峰峰蒼潤含秋雨巉巖出古松孤
根爭自立落勢不相從百里烟雲外灑江繞幾重

自五屯所至永安州舟中作

冬木寒逾秀蒼蒼雪霽時風開多柳葉水麗少松枝水
積春前氣山添雨後姿新晴人就暖解帶步遲遲

宿高田

夜久林風息溪聲靜欲無流螢知客冷宿鳥似人孤拂

石難爲臥鳴琴亦自娛高樓憐有女此夕聽啼鳥

陽朔道中

半天青是石石出輒成峰一路平田上參差間古松人
聲喧野水鳥影下寒鐘逕口迎車馬歡然有老農

風洞寺晚眺

水冷多秋雨山寒少暮霞餘霜猶在葉初雪未成花寺
與飛崖落城隨疊嶂斜寂寥無物慮相伴有林鴉

歲暮客建陵作

一壁橫天盡千峰壓水斜飛樓在喬木倒影滿平沙葉
落偏驚客鶯啼正憶家紛紛簾幙外風雪自成花

卷三
鄭子畫白鷗送予賦以答之

之子贈將歸丹青世所希以予爲海客故寫白鷗飛毛
羽亦知惜稻梁安可依滄洲自今別相憶寄芳菲

悔不

悔不從卿死歡娛向夜臺空閨形影在白日夢魂來夕
鳥驚風葉秋虫泣露苔人間今已矣何處是蓬萊

蘭陔卽事

當軒皆古木遶屋是寒塘石笋穿雲亂花鬚拂水長雖
然多菡萏尚未足鴛鴦小妓挈舟至風吹珠翠香

楊柳秋含蕊芙蓉暮斂花林聲全似雨海氣半成霞鳥

宿煙村寂人歸石路斜月明思一醉隨意向漁家

送陳明敬遊吳因訪秀州諸子

之子三吳去爲予過秀州故人盡高臥空谷可相求梅
里山多雪鴛鴦水易秋幾宵魂夢好隨爾木蘭舟

故人如有馬新住珊瑚洲西望江連海東觀羅與浮家
貧少生計人靜多春愁知己日零落相思空秀州

次觀珠塘同郭子作

榕陰行不盡夾路鷓鴣啼樹樹包青嶂山山出一溪虎
過風葉亂蟬立露枝低于役雖云苦林泉得共攜

陽春道中

羣松圍石笋一水蔽巖扉蒼翠含秋色陰森散夕霏采
菱人未罷食稻蟹初肥百里雲峰路愁中望欲微
孤舟行不得最恨鷓鴣聲峽暗三秋雨林開一日晴相
思生白髮獨往憶青城不有神仙術那消婉孌情

石城旅店

繇來鳥鵲好絕勝鳳凰飛野艸偏多艷含花露不晞與
姑炊黍黍爲客袒春衣皎皎茅茨月良人樵采歸

宿陳生凌寒軒作

今夕茆堂宿不知秋雨寒故人同枕簟清夢滿欄杆葉
落驚山鳥林香識夜蘭愛君詩句好吟到曉鐘殘

開先寺古梅

飄然雲霧窟疑是六朝僧雀髮垂千尺苔衣覆幾層枯
枝全化石冷燄忽銷冰慚愧春華發教人見古藤

松林

松林二三里掩映帶平沙煙火不知處茅茨時一家野
衣無數葉山鬢絕多花樵路隨春草盤盤上嶺斜

瓶中白海棠

枝間開不久却與膽瓶宜豈有海棠好而兼白雪姿豔
含膏露薄香出粉光暹異種非西蜀花翁定未知

春感

開門無一可日與世情疎老欲慵耕視貧猶貴賣書喚
猿三慟後山鬼九歌餘情盡因衰疾枯桐恨不如
亦知天噉泣不是雨淫淫豈有三春色都成一片陰衝
寒花有力催曙鳥無心安得陽和滿年光儘意尋

梅花

梅花吾好友白首益相親歲晏無多日山空祇兩人光
生蘿幌夜香泛藥醪春絕勝天邊雪瓊瑤總作塵
花少因多葉宜寒亦向陽年衰無暖日命薄只秋霜靜
得香歸處愁憐影滿床無人共幽寂留取數枝長

北遊初歸奉家慈還居沙亭作

五嶽遊難徧歸來復閉關祇因戀慈母不忍住深山艸
長多麋鹿江清有白鵬物情皆慕侶吾亦倦知還

閔鄉道中呈杜子

中條高積雪太華遠橫雲初日光相亂芙蓉望不分冰
開河艇過風起嶽鐘聞明日蒼龍嶺攀躋定與君

太華作

昨夜聞長笛依稀鸞鳳音三峰吹落月一半駐空林人
道水簾裏玉姜毛女時弄琴神仙不可接悵望白雲深

送田丈自代返秦將登華嶽

春陰連朔漠白日慘無多喜別樓煩道愁聽勅勅歌東

峰襟玉女西瀑瀉黃河最憶神靈嶽期君掃薜蘿

代州夏日馮方伯招飲故大司馬白谷孫公園

亭卽席賦

何以炎洲翠而辭大庾梅因君有瓊樹故拂羽儀來峨
口朝霞起圭峰暮雨開殷勤賦公讌持以答金罍
昔同浣溪女弄機太湖亭南北穿蓮葉東西入洞庭何
期句注塞亦有采香涇無數芙蓉發山光映水青

答王阮亭

朝攀楓樹吟暮拂洞庭琴楚客元多怨淮王最賞音先
臣有芳草移植羅浮陰採擷沾行露慙將荅所欽

贈別顏修來

我憶炎洲好乘秋返故鄉鷓鴣長向日桂樹不驚霜別
酒愁燕市征車苦太行青雲君已達應自惜圭璋

答杜子

萬里高堂月光從漲海來衣裘軍幕冷筇管戍樓哀高
舉思黃鵠矯歌厭落梅音書頻報爾秋別自登臺

九日

西風吹白雁天半落秋聲感此無衣客登高賦不成并
門橫大漠涑水繞長城惜別那能醉樽中酒自清

平刑

塞垣寒太早裘馬凜秋分山雪爭初日河水亂白雲一
關天上度雙角月中聞故國南歸好無因逐雁群

保定重別陳少叅

三年求菽水流落向人看膂力風塵盡衣裘雨雪寒非
若重騷賦之子枉游盤揮手此爲別依然行路難

送吳子歸河中

昔年上太華遙望薰風臺一片蒼梧恨茫茫天外來君
今蒲坂去門對首陽關並向夷齊墓松間掃綠苔

寄何子

病裏知秋早涼風生鬢絲夢隨林葉落心與海雲遲明

月不長滿青山空有期斜陽在南浦每憶送君時

別阮亭

今代青雲客漁陽麗句多芙蓉開曉日鳩鵲漾金波擁
傳揚州去迴鞭上苑過玉鈞斜畔月水調奈君何

昔年尋白社君贈廬山謠以我棲禪寂相思不見招今
來望宮闕又欲返東樵喜爾容臺上殷勤玉珮要

春山草堂感懷

地因濱海濕人以著書貧况復多風雨彌令歎苦辛半
生遊俠誤一代逸民真菽水勞妻子窗間刺繡頻

客心傷已盡黃鳥苦流聲一水穿雲直孤花吐日明東

西家未定四十道無成何以蠲憂疾文章送此生
臥病江臯久空懸漁父期秋風不可觸一夕鬢成絲海
暗鴻聲疾山寒日影遲祇應與黃菊榮落在東籬
慷慨空長嘯無心愛好春愁多生白髮命薄失佳人海
燕成巢屢安榴結子頻纖纖銀繫爪猶憶搗彈新
幾夕松間石披衣坐忍寒嘯聲空外答心影月中看果
落驚山鳥風來墮釋冠淒涼殊不寐更上步虛壇
雨過坐三峽橋望石人峰流水
雨餘一片水壁立白雲端流過三峽亂聲入萬松寒復
有石橋月宜人秋夜看羽人渺何處相憶玉琴彈

人日秦淮上值孟王生辰賦贈

萬里從關塞相將負戴來爲憐桃葉渡未擬海珠廻海
石在生日逢人日粧臺倚鳳臺梅花頻采采爲子汎春
廣州杯

江東別朱生

分手橫江館煙波一片愁天門青兩岍春草綠中洲相
許有長劍所歡非五侯交情貧賤好歲晚莫悠悠

舟至焦山

驚濤起東海千里雪山來飛楫過天塹狂歌把玉杯雲
迷三詔洞月出入公臺艸艸齊梁代興亡總可哀

郊縣道中

雪晴行郊縣山色撲征鞍大道風沙暗孤城煙火寒蒼
茫瞻少室迢遞入西安臘酒襄陵美無嗟行路難

空翠

乍染芙蓉濕蒼蒼不是煙有無秋色外明滅暮嵐邊影
入眉間黛光生鏡裏天天邊數鴻雁飛處有餘妍

柳花

一春風上下飛去欲誰家未肯汚泥水惟知作雪花條
長攀易得枝弱舞休斜幾點多情甚依依在鬢華

軍中

白日消毬獵軍中一事無花曉盤雨雪塞女瀉醪酥人
向黃雲老春將白草蘇平生黃霸略盡與酒家胡

馬陵

俯挹中州盡河山表裏來天懸句注險水割孟門開一
笑雄圖失長歌故國回遙從狐突廟直下馬陵臺

冬夜宴趙將軍宅

臙脂邊女豔雨雪地爐紅小隊銀箏合深情玉盞通歌
長愁落月髮白愧驚鴻明日城西獵還將舞袖回

席上賦得梅花爲陳正子壽

一夕花光動三春草昧開美人未遲暮羌笛莫徘徊

北飛香去江南却月來枝高難出手留照歲寒杯

別錫鬯

日落黃花晚風高白雁秋三關無鼓角萬里盡征裘
管年華送文章霸氣收相將遊獵好無奈隔雲州

邊思

他鄉瓊樹老故國翠蛾顰最是關中月能銷塞上人輕
生隨一劍惜別向三春戎馬平生志如何怨苦辛

題龔柴園

清涼山翠滴花藥繞閒居半畝松杉外三春雨雪餘人
傳高士頌地接遠公廬遲我爲沮溺相將此荷鋤

白紵曲

翠幌開春夜瓊樓敞碧天美人似明月飛過彩霞邊舉
袖當花客揚歌應鳳絃芳心君不見徒爲拾珠鈿

胥口逢梅里諸子

一出太湖口芙蓉萬疊斜飛來天外翠散作鏡中霞之
子梅齋至相逢漁父家包山有禪客招手入寒花

從洞庭還東瞿止

芙蓉青翠裏昨謁洞庭君玉柱開天闕龍威導白雲靈
書人外讀仙樂夜深闡明共扁舟去還尋鸞鶴群

錢塘觀潮

子胥乘白馬天上湧潮來雷破江門出風吹地軸迴孤舟凌噴薄長笛引淒哀欲作枚乘賦先揮張翰杯

寄桐岑子

雨雪悲年暮山川愛浙東平生一明月飛入鏡湖中白拂懸天柱清琴響碧空期君揚帆至相接有樵風

登香爐峰

峰在會稽山上有鵲橋

香爐峰萬仞吾度鵲橋來明月隨霜簟天河接玉杯花間禹穴出霞外赤城開長嘯凌滄海仙人安在哉

別王子一往雁宕

拂衣西雁宕濯足大龍湫豈敢爲高尚孤雲無所求芙

蓉開太白瀑布挂飛樓君有懷仙曲因風寄十洲

中宿峽

天上猿千樹聲合秋雨哀二禺峰窈窕三峽水滌洞帝

子吹簫去仙人采竹來夕陽煙翠滿愁見望夫臺

峽中
有望

夫
石

從大小鷓鴣諸灘上柳州題蓮子精舍

山水頻開闢仙源不可尋水簾飛四壁花雨散雙林猿鳥聲相亂蛟龍氣自深扁舟今已矣漁父最知音

八尺洪

春來灑水急噴薄萬松間風雨時驅石雷霆忽破山柳

深黃鳥亂花落白猿閒漸至蘇耽嶺尋山擬不還

夜上橫州作

夜分催盪槳乘月上橫州煙霧含漁火星河挂戍樓身
忘銀甲重手得角弓柔不寐思軍事疎鐘起渡頭

題張二丈山房

窗戶掩雲烟山翁春正眠瓊瓊拳手好燕燕画心玄呼
鳥掌中食留僧花裏禪幾人能白髮珍重采芝篇

見月有懷

知爾城南婦愁心欲寄難故將樓上鏡懸與藁砧看影
逐天風遠光含白露寒何人見蟾兔尚忍事征鞍

鶴舒臺

英雄多羽化高尚更安期豈乏留侯舌羞爲霸者師登
臺駕玄鶴涉海握神芝父老菖蒲會千秋空爾思

秣陵

牛首開天闕龍岡抱帝宮六朝春草裏萬井落花中訪
舊烏衣少聽歌玉樹空如何亡國恨盡在大江東

木末亭拜方正學先生像

宗臣遺像在對越孝陵雲周禮誰爲國姬公竟負君龍
蛇迷曠野日月在孤墳莫問三楊事忠良道各分

惡少

長劍短刀鋌幽并惡少年馬頭懸落日鷹眼射高天並
飲桃花店齊彈白紵絃胡姬量酒罷調笑索金錢

天壽山

夾道雲龍柱橫空日月樓金波鳩鵲動玉氣白虹浮命
可中華承功爲萬古謀豐碑無一字瞻仰淚頻流

銀錢山

不及東西井峩峩享殿開單于封樹去故老歲時來萬
古啼烏怨三秋落木哀中涓陪玉匣誰奠白蘋杯

信都

歌馬風門望襄州秋色開太行盤鉅鹿漳水遶邢臺閭

里難爲俠皇天不愛才當時趙幾霸誰繼武安來

紫荆關

天半旗臺起霞連落日黃山開關路小河繞塞垣長蹶
踰將軍戲罷酥上客觴夜來笳鼓動淒切助思鄉

同陳子遊五臺作

並騎登巖岫行行紅葉深五峯秋積雪雙瀑日穿林孤
鶴先知曙神籠善處陰先朝鐘鼓在草莽最驚心

代州馮氏園亭賦呈主人楊馮甥舅

疊嶂紛蒼翠隨雲渡水來芙蓉方伯沼楊柳尚書臺試
馬分金埒流鶯送玉杯主人挾絲管更欲西船開

留別陳正子

塞北罷遊獵江南思采蓮高堂有書札久廢東臯田別
爾漁陽路愁懸鴻雁邊臨觴無可贈只此白華篇

豫讓橋

國士感知已能將七尺輕擊衣讐已報吞炭氣難平漳
水西風急邢臺落日晴千秋石橋上過客馬猶驚

贈別楚客

相逢薊門月如入洞庭秋楚客多奇服湘娥善暮愁平
生慕宗國亦既適荊州豈意狂歌客偏從燕地求

高奴客舍作

今夜宿高奴天寒尊酒無風驚聞墮雁月出見吹簫紫
塞難障漢黃河不限胡千秋無定水鳴咽爲扶蘇

送陳氏兄弟還清苑

別緒縈春柳離心逐玉鞭黃雲愁朔漠白日慘幽燕歌
舞思鳧藻樓臺惜綺錢王孫招不遠望爾小山篇

送陳五黃門訪藥禪師

丈夫殊未遇努力食嗟來况有青棗在那憂白髮催吳
山朝步馬越水暮流杯不有三禪客誰憐一代才

度騎田作

鞍馬不遑息行行棧閣間天寒風落木日暮雨連山摺

嶺通三楚柳江下百蠻遺民思義帝伏臘淚痕斑。有義帝祠

樂昌水漲

春水三瀧發驚流兩壁飛蹶天過登嶂灑雪亂晴暉樹影連城暗猿聲出浦微幾時捐世事來此坐漁磯

天岳

秋氣高無極峯峯積雨涼白雲吞七澤紅葉滿三湘禹跡留盤石仙宮傍夕陽蛟龍多蟄此吾亦隱文章

五老峯背觀三登泉

面面峯巒絕橫天鐵壁青飛泉若烟霧白晝走雷霆激

石成三疊穿雲出九屏無人知此勝來往水精靈

過夷門

侯嬴年七十方報信陵恩意氣由來重功名非所論驅車過梁苑釀酒弔夷門今日屠沽客誰爲公子言

通州望海

狼山秋草滿魚海暮雲黃日月相吞吐乾坤自混茫槎無漢使鞭石有秦皇萬里扶桑客何時返故鄉

題許劍亭

在謝阜羽墓前

一劍君誰許燕中就義人剖心懸日月披髮上星辰故國浮雲暝荒亭古木春嗟予猶隱忍何以報三仁

戲贈朱十

君愛耶溪好扁舟去不歸
荷花天上落明月鏡中飛
浣女歌新曲鴛鴦起釣磯
鴛鴦不可得弄水濕羅衣

夜憇江樓

八月瀟湘客三更烏鵲樓
天隨珠斗轉雲抱玉盤流
遠望惟京闕相思若女牛
同心梔子苦欲寄隔炎州

昭江夜行作

江天寒色慘初月不成黃
未夕已生霧將春始有霜
無能酬父老不敢憶家鄉
終歲勞軍事徒令白髮長

入新興江路

一水灣環好揚帆入萬峯
灘聲驅亂石山影落寒松
青草餘春瘴疎花隱暮鐘
大風頻拔木知是澗中龍

黃泥灣道中

樹樹藤蘿挂峯峯洞穴通
人家依石壁客棹轉花宮
竹密愁無路松多嘯有風
雞聲莫唱早鄉夢正禺東

東安舟中

秋水流何急魚梁欲上難
風雷爭一石烟雨失諸灘
渡口鳴蟬亂人家落木寒
青山千萬轉不得見東安

贈陸舍人

翡翠巢青瑣梧桐拂禁林
朝裁紫泥詔夕弄素琴音
往

在當湖曲相思春水深露華零蔓草邂逅慰中心

懷沈武功

炎方風氣異秋盡始知秋桐葉方飄戶梅花已滿樓故人多秀水之子在中洲白露滋蘭芷應合八咏愁

弔淮陰侯

天奪英雄豎三分勢不成佯狂悲劇徹變詐恨陳平雲夢秋風急長淮夜月清可憐伊呂業千載一浩纓

經韓侯釣臺

劉項曾懸命侯王已得時英雄天亦忌黃老爾空師繳日長淮水繁花漂母祠千秋一灑淚仗劍復何之

送何子往桂林

桂林襟五嶺山翠盡成嵐去逐湘江北歸從灤水南故人待徐孺太守是稽含巖穴多勾漏行春共玉驂

過徐州作

百戰過豐沛羣雄間草萊斬蛇留大澤戲馬失高臺山向彭城出雲從泗水來蕭條王氣盡父老有餘哀

黃河舟中作

河流黃日月萬里客愁中天入清霜苦人過白草空暮心生寂寞春氣破鴻濛吾道宜滄海乘桴孰可回

謁文丞相祠

蕭條柴市口就義憶先賢碧血歸無地丹心痛入天武
侯師未捷箕子道空傳終古宗臣淚斜陽麥秀邊

頂湖山

瀑泉爭匯處湖出最高峯飛練幾千尺橫天一白龍石
船黃葉滿天鏡白雲封洗衲山僧至苔分麋鹿踪

謁謝皋羽墓

墓在嚴子陵
釣臺南岸

六帝攢宮沒孤臣坏土留可憐秦望月不及富春洲舊
恨啼黃鳥新悲值素秋精靈依釣瀨長與客星遊

次義容江口作

瀟瀟江口雨聲向夢中寒一夕同征雁沙邊宿未安淚

將楓葉滿愁作落花看白首離居盡孤槩不忍彈

連州舟中

六月湟州道舟行奈熱何三朝三峽在一日一灘過力
盡困拳石心驚豈怒波炎風吹不動片席礙藤蘿

代景大夫歲暮客建陵作

雨暗江城色炊烟濕不高柳風吹古渡花水滿平皋客
裏偏多疾行間故積勞官貧無藥餌欲典呂虔刀

春日洪州西山作

迢遞蒼山路洪崖不可尋風雷懸絕壁花藥暗長林晚
水東西渡春禽下上音迴看歌舞地高閣自城陰

過彭蠡

水合九江平微茫接太清千峯過有影萬壑到無聲吳
楚浮前浦雲霞蕩晚晴陳平功烈在遺恨與神京

弔陳宮

三閣風流地春來碧草濃可憐靈谷寺猶有景陽鐘鏡
鎖沉江盡雕戈繞殿重君王曾有計深井抱芙蓉

出楊子江

浩渺浮天地彭湖望漸微中流懸翠嶂萬里蕩春暉擊
楫心徒苦懷沙志已違昨宵明月滿夢裏識江妃

容州詠綠珠遺事

綠珠江水綠人向鏡中留金谷知誰似翔風見亦愁月
中教橫笛花裏墜飛樓自作懊儂曲風華不可求

容州有綠

珠

白舞明妃罷何曾秘玉顏裁縫絲布溢遊戲犢車閒笛
響虛無外樓高烟雨間容州誰不羨雙角美人山

衛尉多音樂新聲號石家明妃怨秋艸房老惜春華素
手携雲閣清心叩海霞綠珠蒙贈曲恩重在琵琶

自教綠珠曲明君與楚妃匣中憐玉潔糞上恨花飛一
嫁烏孫去難將黃鶴歸房中惟此引最濕美人衣

一代紅顏盡珍珠信足珍房中惟有老樓下更無人未

得還金谷難忘戲孟津同歸多石友情以歲寒新

貧居作

蕭散過青歲狂歌未免愁徒然書甲子詎足當春秋鱸
鯉親多喜烹葵客亦留厨床長食宿懶更出門遊
無以爲忠養艱難是此時白頭惟飲水黃口但舖糜菊
豈忘憂物梅非媚世姿固窮終已矣吾道正如斯
乞食寧無路言辭拙奈何事親方日短爲道已年多竹
影宜明月松身厭女蘿鹿中時自著巢女一相遇
歲晏無幽賞黃華亦已殘餐霞難得道暖水且承權未
卒先公恨那求白首安墓林霜露滿悽愴不因寒

盤中甘滑少市上往來頻蒲策懼同婦雞豚幸及親黃
蒸蠻芋熟白泚女華新未是吾高逸先公此舊貧
未有馳驅路端居且舊林坐間惟有膽行處已無心酒
漬桃花飲歌傳白石棗消磨能愈疾不遺一毛侵
久已安農圃能將五穀分雕胡謝家飯大布孟卿裙月
冷光難見松高響易聞蕭然人事外不義一浮雲
俯仰真無計傷哉日以貧黃頭三歲子白髮八旬人萊
氏編爛少焦公拈拾頰孤雲那有托衆身自相親
荷鋤難力作藜菽飽無時大穗何曾取新蔬且復持涼
蟬風露飲野鶴水雲姿願似商顏叟療飢有紫芝

事母憂無日殷勤糜粥間東西爲客倦日夕弄雛閒
敝絮慚王霸芳華悅令嫺醇醪新釀就白髮有溫顏
家敝淵明苦愁如止酒何無嫌遊白社只愛詠荆軻
栗里田園少籃輿子姪多黃花吾與汝長此婚巖阿
三徑歸來日黃花正吐妍義皇入高臥王母與長年
紙筆兒初好耕桑婦亦賢武陵雞犬異風景卽斜川
半畝聊爲圃清齋菜甲香土肥多廣芋山辣有蠻薑
竹子冬逾出桐孫日已長家貧稀肉味不爲學空王
林園春色滿婦子喜歸來大小花含笑雌雄竹有胎
寒隨殘雪盡暖得早鶯催冬簪多漁具河水昨夜開

經時山葉積苔蘚上幽軒荳蔻紅多子芭蕉小有孫
沉酣深酒性慷慨斷琴言盈手惟芝髓遙遙寄綺園
五十嗟遲暮桑榆尚可攀素華初吐鬢紅蓋漸收顏
戀閑庭內依依懷袖間加年心未已學易掩松關

江上早行

南風多海霧秋氣未全蘇城郭江吞吐樓臺烟有無
黃浮初日大青出遠峯孤漁火猶明滅波喧已浴鳧

已巳臘盡作

烟深知有雨春色一何遲歲暮無窮事梅花自不知
愁過高卧日貧到白頭時臘酒隣家熟無錢愧玉卮

送李南申英三同李方伯之任湖廣

挂帆三十里相送白蘋洲
蘭芷無多艸瀟湘不忍秋
羅浮憐合體江漢恨分流
越身銜珠意長懸黃鶴樓

奉題惠陽王郡侯署中憶雪樓

嶺海行春罷樓開盡物華
欲將天北雪來潤目南花
二嶽窓間直雙江檻外斜
自來仙太守山水滿官衙

公寶
坻人

觀黃巖瀑布

萬仞晴川瀉崩雲落紫虛
斜飛金蟬竦亂雨玉芙蓉響
振寒松外光生旭日初
天風無遠近吹去濕琴書

洞庭曲

洞庭秋葉落不忍弔湘君
錦色沉寒月彎旌隱暮雲
風蘿山鬼帶石竹女巫巫
裙欲就重華問洛陽又夕曛

登娥遊峯作

一嘯白雲開羣峯面面來
梯從秦望轉衣拂赤城迴
花捲千巖雪泉鳴萬壑雷
芙蓉天姥髻朶朶帶春苔

題吳湖州亭臬集

柳暉風流在吳興復有君人
書團扇滿木葉與秋雲
茗嘗辭雙渚瀟湘問聚芬
江南還有曲嘆絕沈休文

花朝社集西禪寺

水國多烟雨春光一半遲
花從今日得鶯與故人期
浦

有沉香氣林多翡翠枝玉壺携不遠蘭若在江湄

讀吳野人東澗集

江南與江北秋總在君家一片蕭條意含陰作海霞何
須雲際雁不必雨中花已自堪腸絕聲聲入暮笳

咏古

艱難垂釣日一食困英雄漂母哀何晚王孫報欲窮龍
興遲沛上虎視正關中市井無知己徒高國士風

空山

空山愁獨往無計避殘春遊鹿非吾土啼鶻是故人花
過三月市艸失六朝茵山鬼多離思芳馨只自珍

寶勒

寶勒五花驄驕嘶天育東久辭關塞雪共舞綺羅風金
埒沙塵細春槽首宿紅只愁安樂後無力逐英雄

居庸

險絕太行北居庸第八陁長城橫塞白堯嶂通天青未
可憑飛將何當棄大寧宣遼中路斷此地豈藩屏
嶺出居庸上窺關若井中水聲千尺落林響萬山同地
許孤城扼天教一騎通悲風吹不盡戰血染沙紅

龍虎臺

漢帝親征日揚威龍虎臺翠華迴朔漠天壽起蓬萊太

液桑乾接佳城玉帶開萬年宮樹在鸞雀尚飛來

宣府作

往日多遊幸雲州作帝家離宮臨雁塞御氣繞龍沙青
接明妃草香傳蕭后花羽林軍散後淒切任吹笳

遼后多遺跡人憐避暑宮寒花明寶曆邊月滿雕弓二

水桑乾合三雲大漠通花園經上下歌管慰飄蓬

上下花園

遼后種花處

寒食

蕭條寒食節蒿里草茫茫歲月添黃土英雄聚白楊報
仇尋逐讓驅馬渡清漳辛苦邯鄲子從今老戰場

吳門逢京兆杜子賦贈

姑蘇秋月夜歌舞亂如雲我亦吹簫至吳王不可聞徘徊
金虎跡想象水犀軍泉下三千劍光芒盡在君

登潼關懷遠樓

山挾洪河走關臨隘地開八州高仰屋三輔迴當臺戍
晚棲烏亂城秋班馬哀茫茫王霸業撫劍獨徘徊

桃林坪

窈窕桃林峽天如匹練垂石門人獨入谷口馬難窺拂

席飛泉濕銜杯白日移神仙亦塵垢半壁玉棺遺

坪東壁有

小峽如棺形藏希夷遺魄

答天生

蒲柳先秋落河山異代傾報恩無劍術乞食有簫聲海
雀雙栖少邊鵬自獵輕君憐慈母在高義贈生平

再送天生携家自代返秦

他夕高堂樂傾觴河漢邊天教兒女月長在掌中圓花
萼連韋曲田園傍渭川從今衣帶緩宴會復何年

答錫鬯

白日今誰照途窮總苦辛亂離難自食高尚易違親水
咽扶蘇谷花愁紫塞塵淒淒知己淚千載一沾巾

唐晉王祠墓

發憤收京闕當時節度無奸雄紛紛割據父子一征誅輦
路迷秋艸陵門怨夜烏三垂岡上淚老去惜雄圖

真定道中

秋色晚蒼蒼驅車過太行千山盤上黨萬木落漁陽結
客黃金少投人白壁傷男兒羞血戰談笑報君王
飲馬濁漳流漭漭去國愁沙陰迷雉堞艸色暗狼溝博
浪千金盡淮陰一飯留誰憐飄泊苦忍死爲神州

留別錢舍人

萬里庭闈在言歸漲海隅誰能棄鄉井自此作屠沽京
雒辭知己關山命僕夫從容君退食書札問慈烏

送魯人劉六茹入華山兼寄彭范二道者
魯國何男子夷齊尚不希昔當猛虎步今叩老龍扉日
觀辭滄海蓮花攬翠微華陰雙隱者蘿薜好同衣

河套

三面黃河阻千羣鍊騎飛受降城已沒白馬將無歸風
亂哀笳曲霜生利劍威赫連臺上望殺氣接金微
長城那足恃絕壁彼能攀衛卒虛分戍邊人苦賣關賀
蘭天失險花馬地成閒一片延綏艸誰尋白骨還
艸迷元昊國山繞衛青城海子黃雲散鹽地皎月生防
秋稀宿將媒鹵盡遊兵坐使三秦困邊功竟不成

一片長城暮邊聲不可聞羌兒秋月下笳吹動成羣榆
柳迷青海牛羊下黑雲今年高太白努力漢將軍
屬國無三衛中華有一墻關人分鎖鑰債帥作金湯地
產邊才少天行劫運長六麻殊未遜出沒在沙場

壬子春日弄雛軒作

少妾能調管賢妻喜讀書花沾紅袖濕月映碧牕虛食
盡思千謁身危屢卜居纏綿殊未已小別亦愁予
清狂亦自厭老大欲誰親未敢求知已猶然愧古人兩
中微見月花裏好留春晚計惟兒女家庭道不貧

羅生以角弓贈行

丈夫求一飯不到孟嘗前貧賤多知己飄零及壯年親
勞角弓贈申以紫駟篇此去非遊獵烟塵滿朔天

黃陵悵望

二妃埋玉處山壓洞庭波野外蒼梧遠祠邊斑竹多佳
期愆北渚離恨滿雲和靈降先風雨來聽衆媮歌

送徐道冲

君爲名父子詞藻又徐家一吐珊瑚筆江郎不見花來
分珠海月復有玉山霞相送新州去離支滿古槎
憶在鴛湖曲君才十四齡一朝齊老鳳幾日掩香湮以
我長相望而翁使者星秋來能度嶺先問一沉冥

蕭然

蕭然喧寂外高臥喜無人紅夢憎多豔香醪恨太醇寒
知難至曙老欲不勝春啼殺垂楊裏流鶯汝苦辛

春草

雨多青艸喜春半已連天迷却王孫路萋萋又一年紫
駟嘶未已黃蝶影無邊况有麝燕恨新人非昔年

送人往歸州

此地多文藻風流今尚存江沱騷客宅峽口美人村哀
怨隨流水遺音在暮猿君行知有賦總是一招魂

屈翁山詩集卷第三

University of Washington Libraries, U.S.A.

屈翁山詩集卷第四

鴛水徐肇元掄三選

周源長荆思
徐起元瀛奇
校正

五言律詩

河頭舟中

一夜寒山雨泉聲處處飛牽舟上霞壁買酒驚松扉石
亂灘無路苔多地有衣殷勤林上鳥喚客不如歸

自五藍經熱水山八十里至大牙宿

日暮未遑宿我勞將奈何野花含笑滿山鳥画眉多古
木蒙蒼蘚溫泉出綠莎林深屢迷路衝虎一人過

卷四
高涼遇歐陽先輩賦贈

寂寞高涼郡相逢白髮人軍中三祭酒漢末一孤臣榴
蕊頻燒日鶯聲尚弄春滇南多變事爲我話酸辛

化州道中寄時子

林深多直水水漲失清溪野草白成露山花紅作泥臥
驚松子落行畏夕陽西跋涉因何事圖君玉手攜

次沙灘

四野無蠻落荒雞何處聲風驚雙鶴出月照一人行點
鬢愁霜早沾衣喜露輕丈夫矜七尺饑渴見生平

合道山房作

夜久松聲起颼颼滿沈寥天風吹一半散作海門潮月
出驚鳥鵲霜飛入紫貂山堂寒不寐有女命吹蕭
未夕花全白花謂木芙蓉也木芙蓉朝自暮紅名醉芙蓉先秋葉半紅竹深
偏有月松小已多風紫極心長貫黃泉夢每通故人洞
落盡誰與聽絲桐

懷二配

夢裏過三春悲思淚滿巾月沉珠浦女花墮玉樓人絹
上容顏舊奩中翰墨新有兒在文葆孩笑向誰親

西樵作

多雨天湖決魚飛下碧峰船浮山口石疊挂市門松瀑

布添無數梅花積幾重行行溪路暝催客一聲鐘
斷峽開青玉飛泉挂白虹光搖千尺雪聲亂一天風臥
石麕裳冷披苔鳥篆通茶人半紅粉掩映翠林中

寄汪扶晨黃山中

萬疊翠氤氳天風吹不分飛來一片水散作四山雲峰
影花中落溪聲雨外聞紫牀將碧枕高臥羨夫君

冒雪同郭阜起入鄧尉山中探梅

一夜吳閩雪催人入洞庭花先玄墓白柳未太湖青鼓
棹乘春水尊鐘上翠屏微微光福月相與宿空冥

同諸子探梅玄墓

路從東澗入春半雪猶深素影迷千嶂幽香得一林松
開湖口小竹覆洞庭陰稍待天晴暖籃輿更遠尋
濛濛千萬樹香在未開時雪裏人空望風前自不知山
光寒更出水氣暖方滋十里松杉暗重來月滿枝
茫茫花雪裏萬樹望疑空自有幽香度何妨積素同山
晴猶似月水冷每生風多謝流鶯好衝寒出谷中

望太湖山色作

湖山三萬頃最好是晴春秀色無南國清光自美人花
開香澤滿雨過髻鬟新處處莓苔上都疑響屨塵

漁洋探梅歸至東西橫塘作

山寒尋未得一樹忽臨溪光透松間雪香生石上泥鶯
聲留客久鷺影逐人低隨意穿橋去橫塘東復西

漢口訪微上人蘭若

漢陽無別樹祇有柳依依一片湖光裏參差映夕暉樓
臺舍雨暗鐘磬吐風微却月城邊水沿河暮不歸

溪亭懷亡友韓石耕

隔溪人語寂花露滴清琴不有青天月誰知此夜心階
庭微葉落懷袖片雲深思子淚如水潺湲流至今

答藍公濟

吾友多能畫藍君亦虎頭長將千尺水瀉作五湖秋天

上無黃鵠人中有白鷗桃花開口笑笑我稻梁謀

日夕催春去流鶯柰爾何離愁江水滿鄉夢嶺雲多天
未生薇蕨人空老薜蘿與君歸及早白首一婆娑

題太倉張氏學山園

城裏多丘壑名園更學山何來峰十二風雨恐飛還抱
石雲長冷流花水不閒人疑太湖上銷夏第三灣

不必天風起松多自有聲誰從人嶺外最得夢魂清果
落疑水響梅開似月明主人餘逸興還與聽啼鶯

具區山中作

我愛鴟夷子風流在五湖美人留一鏡終古照三吳白

鳥烟來去青峰雪有無梅花千萬樹不覺一春孤

別高氏兄弟

不知公子意何以解離憂自向江南去長含江北愁
雲連兩岸風葉滿孤舟亦有紅橋好踟躕白不留

舟泊宿遷作

月出黃河白微茫帶晚霞一簑同白鷺雙鬢似蘆花亂
火歸漁艇寒雲覆酒家悲來思買醉不忍賦懷沙

尸上人將出渝關贈之

不及遼陽雁乘風渡黑河偏愁增綴密詭畏雪霜多歲
月愁中盡滄桑夢裏過孤心寄明月夜夜照蓬婆

春人曲

春從江上至先入美人心笑是桃花好愁惟綠草深竹
枝傳舊怨團扇寫新吟欲寄離居者殷勤托翠禽

舟入陳村有作

山光因雨發林氣得風清啼鳥元無意當春自有聲溪
隨花路遠雲向水村明一棹斜橋外歸時月已生

黃鳥

依依隳柳下黃鳥解親人有意頻催曙無情亦怨春
髻沾紅雨濕衣染綠烟勻絕似吾嬌女綿蠻語不真

移家返沙亭有作

浮雲亦有廬歸與老農居半畝林塘外三春風雨餘將
乘無事日更讀古人書咫尺先公墓松間且荷鋤

初秋春山作

香好烟多紫花寒色更紅書成秋爽後夢盡水流中喜
客惟山鵲愁人是草重雨抽蕉葉大片片映簾空

送明逸人

孤雲誰得似萬里獨無依處處青山好遲遲故國歸亦
知春色盡不忍夕陽微漁父津休問桃源有是非

戊婦怨

雨過風風城舍愁月不明玉關無限恨盡在壽衣聲露

細蜘蛛重風羅蛺蝶輕那能如蕙草歲晚尙含榮

秋蟬

梧桐一兩葉猶有暮蟬棲未忍辭風露清吟只此溪聲
將泉水咽影向月明低一片碧空外行雲更不西

初冬鹽步江上作

人家全不見總在荔枝洲蟋蟀那知暮芙蓉自作秋山
隨蒼樹出水逐白雲流漁父無心者蘆花使白頭

江臯

翠微春更濕烟雨欲無山白鷺一溪影桃花何處灣漁
村疎竹外古渡夕陽間田父不相識相隨谷口還

過鍾氏園

竹裏行廚小相留一舉觴越人魚膾美蠻女蟹羹香解帶乘春暖開簾及暮涼主人棋興好移局過飛梁

舟次康州作

一入晉康口鷓鴣聲漸多水從紅樹出山逐白雲過上下漁夫艇東西蛋女歌魚花爭取處片片是烟波

王借岡阻淺

水淺惟沙口停舟待暮潮楓黃霜色淡竹翠雨容消米遺鱗魚換船將蛋女招蒼蒼山月上酒至放蘭橈

秋日閑居之作

抱疾在人外閨幃每晝居花嫌嬌女滴葉喜每人書秋盡霜無信晴多霧有餘小經兒嬾讀孩笑滿蓬廬

送真公還星巖精舍

隔水見山影微風吹有無不知玉屏上誰與白雲孤石小亦成洞峰多不出湖茅茨歸去好霜月在高梧

玉屏乃七星巖之東峰

客邸

寒螿已淒急昨夜得秋風催我林間葉蕭蕭落夢中無衣愁白露不寐恨邊鴻促織何勞汝蘭闥久已空

舟夜

花隨魚上下時拂釣絲輕明月每同宿白鷗如有情露
侵書卷濕波漾酒杯清莫掩蓬牕臥秋天半欲明

庭前

庭前一梨樹日夕數蟬來爲我作長嘯餘聲似有哀風
多時斷續秋盡復徘徊玄髮蕭蕭影休令落葉催

舟暮

暮行洲渚外江路苦烟迷白鷺不相引流螢空自低漁
村無浦口人語似林西不寐孤蓬下驚心水鳥啼

贈黎大

不是芭蕉葉安知秋有聲瀟瀟似疎雨一夕滿江城重

以天邊雁能淒人外情愁開一樽酒爲子到天明

送嚴蕩漁官允還梁溪

與雁辭炎海翩翩奈爾何鷓鴣留客甚楊柳繫人多異
日梁溪曲同誰漁父歌錫山泉最好春釀寄巖阿

宿檳榔塘

未夕江干宿涼鷺落葉新白鷗如識我螢火亦依人月
濕非關雨沙乾欲作塵戍樓催早起吹角一聲頻

入秋鄉江作

欲雨水風起白雲吹滿船秋鄉多落葉一半逐流泉白
鳥一溪影人家幾處烟片帆平嶺過驚起鷓鴣眠

自藍塘至秋鄉江口作

灘聲暮更急風外亦潺湲是夕兼微雨吹泉滿四山舟
隨初月影夢向故林還白鷺時相笑君閒亦未閒

秋聲

秋聲亂庭樹片雨助蕭森山曉氣初爽溪晴寒已深虛
無茅屋火斷續石牀琴古調誰相和含風蟬一林

昨夕

秋聲一二葉已似暮猿吟况復含風雨彌令多苦音愁
當松戶月忍弄石堂琴香絕無人處幽蘭知此心

過黎氏山館作

主人梧柳好來爲聽鳴蟬引響隨溪水流音入碧天冷
分清露飲香擁落花眠招手松間月娟娟出暮烟

代泛亭坐月次白真人韻

今宵湖上月不向鏡中看愛此高亭好秋光一倍寒微
茫若烟雨清淺似沙灘倡和仙靈接從公此最歡

春日沙亭作

梨葉春方落無霜亦自紅移花教日到疏竹使煙通北
灑過雲雨南吹作霧風故人抱琴至清響滿牆東

三峽澗

廿四溪潭滙驚雷響不通如何三峽水都在一橋中白

噴炎天雪寒吹古澗風棲賢僧舍外坐久濕聲空

梧宮

范蠡未霸越五湖安可浮故人盡西子終古一扁舟雪
氣含烟白山光逐水流梧宮何處是蕭瑟近長洲

田尾村居

葛蔓滋三徑榕陰蔽數家農收霜降稻圃落小寒瓜魚
戲流雲亂蟬嘶落日斜杖藜無事極吟繞未開花

舟入離山贈內

舟穿巖洞出石乳滴人寒袖濕千峰翠顏分萬葉丹烟
深山影少風亂水聲難一樹幽蘭草青青盡日看

湘中作

帆挂半邊風空江縹緲中山光全在水秋色欲來鴻草
短村墟出林疎烟火通湘潭多少路數數問谿翁

代景大夫舟自五屯所至永安州之作

暮冬林葉盡一一鳥巢寒霜薄草微白雨餘沙欲乾灘
多行苦緩舟小坐難安歲晏無歸計飄零恨一官

珠江秋夜

明月生珠海蒼茫萬里愁笙歌喧極浦風露滿孤舟落
雁驚難宿寒潮靜不流年來秋望苦不上越王樓

明月寺作

羅浮明月寺寺外卽羅浮萬壑梅花亂千峰瀑布流天
鷄鳴日觀玉女下雲樓邀我蓬萊去飄飄紫綺裘

繇雲母峰上大小石樓

獨上朱明頂高尊仙子蹤玉樓夾日月秋瀑飛芙蓉白
髮幾時變青鸞安可從何人弄長笛忽過麻姑峰

懷寄湖南尹叟

汨羅人已沒誰復採江蘿春水又云滿孤舟安所之風
沉漁父笛花落女英祠憔悴無相識惟應讀楚辭

與客題冷泉亭

飛來有一峰挂在東林松翠壁蘿花滿澄湖白練重行

隨谷口月臥聽南樓鐘何用瑤琴奏清音是石淙

登任公子釣臺作

我來釣臺上俯見錦魚浮正有青天月纖纖爲玉鈞千
峯花映雪雙澗竹鳴秋安得桐江客長歌共此遊

若耶溪新築作

我有西施臺芙蓉四阿開一聲洞庭笛天上月飛來白
露凝羅袂明湖瀉玉杯開同川上女並唱采蓮廻

寄蕭山張杉

聞君白魚潭蘆花秋半含持竿皎月下沽酒寒溪南我
欲遊天姥因之結草庵會當遣雙鶴來此迎羸耽

懷迎陵

爾亦羅浮鶴飄飄歷海天別來珠樹上望斷鏡湖邊風
雨春將暮干戈書未傳龍眠山上月幾夕照安禪

苧蘿

苧蘿村上女美者出西家鬪越憑歌舞亡吳是麗華素
蛾空外月紅粉鏡中霞清絕耶溪水千秋一浣紗

初三夜月

蛾眉昨未成今日畫分明乍出青天匣如聞玉女聲露
含螺黛濕雲上翠鬢輕辛苦水蟾汝相依在玉京

題靈山寺

峽從三寺入江向水亭開石氣含雲濕松聲捲瀑來新
泉微出草細雨暗藏苔咫尺靈羊路停舟爲折梅

靈山寺聽泉

一峯流未遠已作數峯聲月向秋光冷天從夜氣生潺
湲當峽口滴滴到江城石畔終宵坐禪扉掩未成

立夏前二日留春

未見春光盡依依在暮烟忍教花雨送愁使柳風牽一
日猶青帝三朝卽絳天

夏爲絳天

流鶯無限語相約在明年

題徐太史楓江漁父圖

羨爾吳江客鱸香滿水雲如何白鷗好忽別太湖群明

月此何夕秋光曾在君蕭蕭楓正落一葉夢中聞

寄同岑禪師

師居西洞庭朱雪鴻將往訪焉

七十二峯青如君亦翠屏相思與春水流滿采香溼有
路迷烟雨無心在杳冥故人朱處士應許叩禪扃

秋夕與琴客作

獨坐偏宜夜秋光是客心如何明月影只愛白雲林露
滴花中酒風鳴石上琴蕭蕭數風葉傳得瀑泉音

贈新州區丈

新州廿四峯君得幾芙蓉老去杯休放春來酒貴濃暖
烟長在藥炎雪不知松日夕芝華裏微吟入暮鐘

一春

客裏多春思無心對玉觴爲知何處好花只故園香角
枕無端別瑤琴不忍張無人買辭賦取酒與卿嘗

布水村

鄉人陸氏學西所生地在高要境

布水村名好吾憐有此人能生桃葉女來助墨花春繫

艇依江畔持觴坐草茵郎家人競看笑語滿東隣

彼中稱女

壻曰郎家

夜宿沙洲有作

沙洲今夕宿月似一人孤不寐同秋雁相依更夜烏初
寒山鬼少未曙水螢無耿耿懷明發漁歌起綠蒲

汪扶晨得余所寄詩外賦詩志喜予感其知己
之深亦賦二章答之

昔聞浣花老最愛李青蓮今子才無敵依然讓謫仙筆
驚風雨落杯訝瀑泉懸狂客四明在還教與酒錢

月黃

月黃含雨氣隱映畫樓前笛向寒光起聲隨素影傳海
風青作凍漁火自成烟宿鳥驚梧葉愁人又不眠

青凍
風名

立秋後五日作

已是立秋來涼風尙未催臥乾蕉葉簟吟冷藕花杯宿
鳥烟初合流螢雨不開窺簾有明月欲曙尙徘徊

夕陽

夕陽山更好青接半天陰峽影烟闌闔江聲石淺深涼
蟬手咽樹落葉乍驚林欲宿人村遠依依逐暮禽

不眠

不眠因近峽貪聽鷓鴣聲一夕朱樓別三朝白髮生花
村深入市石棧細通城細小峰無數含愁翠不明

沙口

江從沙口小舟新老榕多風向夕惟冷水含秋始波黃
花隨處得白鳥有時過一艤浮沉去無人知棹歌

黃落

黃落未云滿秋聲夜始多稍含疎雨去微帶早霜過粉
飄三徑籜衣亂一池荷蟋蟀頻相怨當如歲暮何

非狂

非狂人不信盡作酒徒看市上無屠者淮陰有釣竿英
雄宜髮白老大更心丹滌澹風雲會時來定不難

泉至

懈眼
泉也

童子擔泉至含冰盡冽寒味難通懈眼香易發龍團多
飲能如醉沉憂也自寬雨前春峯好誰更寄林端

聽八十有五羅翁琴

十五抱琴眠彈琴七十年梅花無數曲弟子幾人傳揮

手向遺老知音懷古賢新聲紛滿耳唱嘆欲潛然

愁

愁心無可寄花落斷腸邊人逐雙流水青歸一片烟寒
依香炭坐暖擁素書眠琴匣蛛絲滿彈時記去年

九日送程生

不忍登高去自憐秋思孤菊花陶令有竹葉少陵無又
送將歸客翩翩江與湖心隨鳧雁遠一片在菰蒲

依依

依依春未去花爲美人留况有玉琴好能擣香浦愁影
憐雙燕過聲愛一鶯流枕簟因君設殷勤向小樓

送汪楫士還歛爲其尊人七十壽

春半尙未雨江行苦淺流頻隨歸雁去不爲落花留子
舍依黃嶽親年若楚丘籠葱多玉杖采得自羅浮

辛未上巳讌集王蒲衣深廬分得春字

時會送李孝先

許婚于蒲衣

櫻飲逢元巳清和鬱水濱桃開千笑口鶯弄數聲春
旣室陪甥館浮鷗屬主人青青脩竹裏喜見鵲巢新

惠陽娛江亭作

惠陽爲客久酒盡最愁時已有涼蟬咽還餘落葉悲江
吞湖水淺舟出浦沙遲風好無帆席飛飛羨鷺鷥

癸酉秋懷

欲作瀟湘雨先之落葉聲似聞天上雁嘹唳滿江城遲
暮人何在悲涼事不成匆匆憂用老有負是生平

暮春村行

水漲平橋斷微茫春渚西不知一片雨添得幾長溪漁
艇渡頭冷白鷗人外低因看木綿樹村路未曾迷
一春愁雨濕寒欲到清和鶯語幾時好花開何處多魚
飛驚白鷺馬牧失烟莎漁父非知己休聽鼓枻歌

春懷

泉下多吾友兼之窈窕姿鏡臺餘落粉花溼失香棊燕

子皆雙宿櫻桃不獨枝相思無日夜不覺髣成絲

端州道中

雙槩搖魂夢江干欲曙天雞鳴催落月人語亂寒烟作
客憑詞賦歸畊少薄田潘郎多內顧咫尺已情牽

贈張十二

朝露託桐葉人生能幾何須君東海月長照北山蘿二
十已高尚平生惟嘯歌相期作嵇阮飲酒養天和

高廉雷三郡旅中寄懷道香樓內子

美人居莞水遊子在崧臺一片閨中月清光夜夜來淚
痕知滿鏡行處定生苔白露秋方冷芙蓉勉自開

日日廉陽道愁攀碧柳枝可憐千萬縷總是一相思海
女開珠肉蠻童鬪画眉夜光應購得歸作耳瑤垂

汪學博攜飲羅湖

湖在雷州城西

亦有羅湖好芙蓉散旅愁花花棲海燕葉葉下江鷗往
日多遷客茲焉弄碧流我來訪遺跡先上二蘇樓

雷陽作

鷓鴣啼不已春草更萋萋地向擊雷盡天連漲海低中
華勞夢寐白首苦東西杯酒沉真好歸與有釀溪

題張氏石鱗山房

在東安城東

瀧東好巖壑片石亦嵯峨樹樹穿雲竇峰峰拂水波落

花閒處滿啼鳥靜中多君有茆茨在樓閒奈樂何

重至白門宿余鴻客山堂作

白下啼鳥地愁人自六朝秋聲將落葉此度益蕭蕭山
鬼弄魂夢草蟲悲寂寥那知垂老客有道在漁樵

贈程葛川

相見此邦溝依依紫綺裘江山才子國花艸美人秋把
酒當明月聽歌在玉勾多情如杜牧欲向竹西留

初春散儒堂作

風以迴南暖春從昨夜過紅飄梨葉亂白綻李花多稚
子詩書早慈姑笑語和自嫌雄志在刀劍日摩娑

花開知客至鳥喜識春來掃徑留紅葉橫琴在綠苔寓
言師大易沉飲見狂才收拾風前淚文章任草萊
獻歲花爭發山茶與杜鵑烟寒春色薄雨洗日光鮮未
少題詩地應多學易年黃鶯能勸酒一一到樽前

蔡璣先鉉并攜過東園看菊作

江左重來日蕭條益愴神黃花猶有汝白首更無人意
氣期之子文章託此身溪流如有意曲曲入西隣

雪中送人入太湖作

采香涇太遠雪重壓漁舟暖欲洞庭去晴先胥口留梅
花堪舍命明月不容愁一片湖山裏夷光更可求

雪

一時群籟寂天地入鴻濛萬里瑤華落寒光望欲窮春
傳梅信早夜入月明空有客當樓坐淒清洞壑中

銅馬門

銅馬門前望風沙慘不聞昭王無舊墓郭隗有荒臺斷
雁衝雲去妖狐渡水來淒涼蒿里上多少霸王才

塞上曲

亭障三邊接風沙萬古愁可憐遼海月不作漢時秋白
草連天盡黃河倒日流受降城上望空憶冠軍侯
太行天下脊萬里翠微寒日月相摩盪龍蛇此鬱盤雲

橫三晉暗水落九河乾亘古飛狐險憑誰封一丸

寄祝子堅丈

羅浮峰四百盡讓老人峰箕踞石樓上蒼蒼烟翠重其
旁爲玉女峰名以下是黃龍洞名仙客相期甚君來更植松

淮陰侯

淮陰當未遇一飯亦無才天欲王孫餓人慚漂母哀釣
魚城下去帶劍市中來笑謂晨炊者英雄被爾催

諸葛

諸葛當年事依稀似望諸可憐出師表不讓報燕書涕
淚難爲讀功名不可居英雄天亦妬未是將謀疎

懷嘉興周青士繆天自

燕梢船大小祇載美人心影向花中得香從鏡裏尋白

鷗分獨宿黃葉代悲吟幾夕當明月因君一鼓琴

鏡香亭在

嘉興府城上

往日招尋處春波與月波桃花西子里錦帶大夫河玉

乳秋梨好霜螿東蟹多落帆亭咫尺清夜亦相過

玉乳梨產

李構

晝長

晝長人事外琴靜一溪風親客勞蛛子宜男得鹿葱柳

疎烟易度花密月難通不奈流鶯好聲聲綠酒中

宿永安墟作

一水寒空盡微茫在暮天星分漁父火雨合野人煙宿

舸依荒戍還家及小年明朝是長至子半得春先

不眠

不眠因落葉秋爲一人聲是夕如聞雁舍風欲過城闌

中砧杵急隴上稻梁成蟋蟀催人甚依依歲暮情

觀神江諸水作

細雨溪流發聲含萬壑風濕花將落葉天半灑秋空往

日廬雲上諸峰布水同玉川三疊雪更在夢魂中

度大小蟒蛇嶺作

雲際一江小飛流直到城穿林時見影出谷乍無聲舟
逐千峰轉篙愁一石迎蒼松最深處煙火未分明

蟬

吟向無人處初如落葉聲頻將流水引寫出素琴情涼
露有餘飲空林多所驚不因天籟好高潔可誰名

京江舟中望金焦二山作

一水分京口雙峰作海門潮蒸寒日氣天插白雲根十
里鐘聲接中流塔影奔茫茫吳楚恨嗚咽與誰論

寧陵道中贈梵公

黃河猶未渡悵望雨紛紛久客親形影長征厭水雲村

荒難乞食日暮易離群何夜嵩陽寺疎鐘定裏聞

重賦梅花爲陳伯子壽

兩度梅花發相將紫塞看移來浮嶠月爲爾不知寒積
雪含春色微風落玉盤平生無可贈惟有此琅玕

和杜二雪中入潼谷作

泥深潼谷路人馬滑難行雪以河形失水將嶽勢平當
關非漢將踐華是秦城自帝祠前宿愁君永夜情

步出虎山橋作

二漚太湖通橋橫玉鏡中雲光晴在水雪氣冷舍風鷺
下多盤石鳥啼只故宮花開先柳葉斟酌白還紅

夜坐蔡五玉得齋作

平生此清夜不負白雲鐘
世事餘明月天心但碧峰
微言因酒發薄夢與花逢
隱几誰能似人間一老龍

初夏集蔡氏園池作

江南樓筍會最重是清和
柳色全欺酒花光半染波
白鷗人事少黃鳥友聲多
芍藥勞相贈情如欲別何

秦淮觀水漲作

春盡流方滿微茫接鳳臺
黃因山雨發青是海潮來
野淚猶洋溢天河未草萊
年年鳧雁意太液望重開

題恕吳樓

在天門山祀漢壽亭侯

一片吞吳氣風濤共不平
天門高廟貌江左畏神明
正統還先主偏安亦漢京
仲謀真國賊遺恨是連營

辛苦興王業春秋義最深
三分先帝淚六出武侯心
漢月光猶昨江濤怒至今
樓高橫采石戰氣日陰森

蔡五攜尊過江東門寓軒

繇來江左客第五最知名
青歲偏聞道丹砂亦寄情
行攜春酒美坐愛夕堂清
罌粟花枝下歡看稚子迎

時見予二

七夕婁門舟中有懷

年年牛女夕江上起相思
天上猶難見人間詎可期
淚

浮銀漢滿歌送玉杯遲一片婁東水含愁無盡時

湖口守風作

舟自秦淮發江行歲欲除一風起彭蠡十里望匡廬身
在因聞道途窮爲著書妻孥紛涕淚食盡有湖魚
清濁鴛鴦水微茫此合流江穿彭蠡去山逐落星浮雁
早先過嶺鳧寒故近舟蕭蕭雙短鬢空與荻花秋
萬仞香爐影飛來帶紫烟鷗從疎雨入帆與亂雲懸月
射湖光直風吹嶽勢偏白鷗知寂寞一一酒樽前
雨中多白鷺爭拂釣船飛楓葉明爐落蘆花隱翠微石
鐘風外響漁火夜深歸未遂浮家志霜鱗此地肥

夜坐有懷二姑

新桐枝葉好未夕白鷗棲詎識離居者含情花下啼欲
秋清露冷將曙絳河低不寐因明月徘徊蓮葉西

扶胥江口晚望

晚來鳧雁靜疎雨過長空山色浮天翠漁燈散海紅須
臾秋月上搖蕩虎門東彷彿精靈出霓旌導祝融

琴臺

二月春風發梅花滿洞庭美人乘画舸采采入香溼潮
生胥口白雪盡莫釐青何處弔西子琴臺碧玉屏

攜李作

醉里春深日扁舟繫柳枝鶯花西子地烟雨大夫祠白
首還遊冶孤城幾亂離愁來看越絕淚灑臥薪時

登陶宴嶺作

飛步凌高巘秋空野望開萬峰盤禹穴雙澗落秦臺射
的雲中出樵風溪上來陶公不可見猿鶴爲誰哀

夷齊廟作

一餓無餘事微箕恨不同首陽惟爾拙柳下復誰工舊
國潑河上荒祠華嶽東可憐頑儒者終古不聞風

舟入羅旁之水將訪西寧張明府有作

溪盡山城出高高在亂峰崖飛千樹瀑石響一林鐘葉

落傳人語沙乾失虎蹤夕陽茅店外樵影下寒松

聞藍子談武夷折筍隱屏之勝有作

折筍愁將折飛梯恐遂飛峰隨九水落雲作一天圍山

鬼秋多嘯羽人寒未歸他年三十六勿使一峰違武夷有三

十六
峰

哭侍妾梁氏文姑

十六歸吾室蘭雪覆額初王家桃葉似石氏幃儂如未
老鉛華洗長貧筆墨疎芳春三十四花落委庭除

稚兒初咽哺無母與肥腥斷乳纔三夕扶牀始四齡無
窮哀子日有盡老人星風雨衾裯冷淒淒想淑靈

離家未十朝蕙草汝頻凋不及黃泉送空期紫玉邀醫
來無術救巫至只魂招鍼藥平生少桃花致早天

美目應難與無依膝下兒茫茫成立日落落賤貧時苦
節勞妻子多才致渴饑腹中無限淚滴盡不會知

失時傷汝極多日中風深香好魂難返情多魄恐沉兒
癡啼欲抱姑老哭無音濕盡其君袂朝昏淚不禁

危時
庶得

節之

好色平生累情深可奈何老知借老少愁爲莫愁多肉
割勞方朔丹成失鮑娥仙人難曠達哀樂損天和

白楊風葉下三度送紅顏涕淚慚如水恩情海似山空

多閨閣累未有嘯歌開哀痛平生足吞聲返竹關

題真公坐石小影

似茲盤石好何不晝眠來豈爲白雲冷兼之多古苔坐
當孤月上心與一花開誰與共禪寂清猿夜夜哀

丁卯初春作

一冬因太暖釀得一春寒坐恨花多濕行愁葉不乾陰
從人日甚雨到上元殘已是無情緒鶯聲更不歡

細雨從開歲濛濛已浹旬那知垂老日尚作苦寒人烟
火吾方冷鶯花爾莫春柳條長復短牽恨過東鄰

天含春氣濕似淚未成流人去空留恨鶯來卽喚愁已

青黃木浦未綠白蘋洲莫更吹花雪茫茫使白頭
平生明鏡裏未有一愁心老去方多恨春來欲廢吟鶯
須憐夢好花莫笑情深一夕生離淚無端在錦衾

桃溪

夾岍蒙茸竹枝枝有鳥啼夢飛芳草外愁在夕陽西水
驛連三峽人家各一溪女郎祠畔望烟雨一秋迷

題關中程氏臨流圖

獨坐向流水不知花滿身橫琴復何事垂釣只斯人石
作峰峰舞雲爲片片茵蒼蒼葭茨外此境是西秦

喜周南美同諸子枉顧沙亭

浙東山水地最憶鑑湖橋汝宅當梅市人來必画橈相
逢問耆舊尚在幾漁樵杯酒淋漓絕悲歌答此宵

含愁

含愁似烟樹最是夕陽時故苑今安在啼鶯汝可知花
無秦女影木有越人枝多少傷春淚年年寄與誰

舟宿黃槎浦作

兩岍陰晴異山容互有無牛羊數村暝燈火一人孤夜
織多蕉布秋收少荔奴女郎祠畔宿魂夢恨棲鳥

江行

江行才十里戍鼓兩邊傳犬吠紅毛估人驚白底船花

添沽酒物米是買魚錢蛋女休相笑貧遊不似前

芭蕉

芭蕉三十里葉葉有人家綠散一天雨紅開二丈霞織
成蠻女布漚作一人麻抽盡心千卷無心卽是花

九月初十日

風起知霜降蕭蕭氣尚寒未消三日病已得一秋安藥
餌將書換花枝擁被看燒泥生熟半斟酌欲分蘭

不寐

不寐當城堞魂穿鼓角過未雞愁月滿將雁畏霜多髮
已病逾白顏須衰更配黃花吾與汝好奈歲寒何

月出暮烟生樓臺影半明溼花啼露久乾葉嘯風輕山
鳥夜多思草蟲秋有情姬人教莫寢一爲奏琴聲

姬人工早臥往往懶鳴箏素手何曾冷紅粧不肯明月
嫌穿牖白風畏入簾清病態黃花似凌寒一朶輕

題慈雲閣

片片羅浮影穿牕不是雲老人窺咫尺玉女隔氤氳蒼
翠天衣濕蘭蓀梵閣熏丹丘雙白水知向定中聞

老人
玉女

皆蜂
名

落花

落花頻自落不肯爲春留紅雨成烟去香風逐水流鶯

衙嫌破碎魚食恨沉浮枉使溪翁浣無情向白頭

送陶子北征

歲晏愁行役蒼茫萬里鞭白無南雪地陰有朔風天老
馬空知路饑鷹不下田唾壺休擊碎烈士未衰年

白雲泉

白雲山上水幾處作名泉今夕龍團味全勝蟹眼鮮湍
流非瀑布仄出向巖烟酒渴真宜汝壺觴玉井邊

舟入橫槎水作

漁舟不覺遠深入一溪霞烟火燒紅雨牛羊飯落花水
聲分亂石山影散晴沙鶯喚人酤酒垂楊第幾家

于忠肅墓

一代勲猷在千秋涕淚多玉門歸日月金券賜山河暮
雨靈旗捲陰風突騎過墓前頻拜手願借魯陽戈

渡江

渡江神慘淡去國意蒼茫白首成遺老青春春過異鄉山
開京口瀾水落海門長戰後黃雲滿旌旗更幾行

荆門

巴水吞三峽荆門控百蠻山連夔子國天作虎牙關白
帝朝雲裏明妃夜月間行人憐古柳多向楚宮攀

送別祺公先生

七路關山險藩侯清曠邊翠屏開大漠丹嶂夾高天一
腋孤裘助三杯劍術傳同心免絲艸歲晚更纏綿
滹沱嗚咽水雙淚共東流蒲葦依盤石雲霞媚素秋千
人因老母越禮愧諸侯君獨容狂簡圖書慰遠遊

臨淮道中

南望家臨海西征路向關爲奴居廣神寄母有刀環積
氣浮淮浦窮陰覆楚山歲寒難自保風雪損朱顏

佳人

佳人回鶻裝衣帶內家香一曲飛龍引思君淚數行空
後悲夜月斛黛落秋霜辛苦良家子年年向戰場

送天生

萬里求知已從君旅雁門佳期那可再岐路竟何言高
尙難爲客屠沽易感恩相思若春艸處處逐王孫

別倪生

亂離爲客早與爾一浮雲母在身難許年衰道未聞離
筵臨廣武岐路指橫汾努力還桑梓天南有雁羣

五人墓作

吳風多好劍輕死自當時以有要離子長爲烈士師恩
仇無不報市井亦何知慷慨五人者英名復在茲

禹廟

龍蛇盤禹穴窈窕萬峯連玉簡藏何處梅梁失幾年雙
珪開日月九鼎奠山川終古思明德詠歌俎豆前

南嶽頂觀日

中宵登嶽望闔闔赤霞邊光彩頻迎日空濛不見天蒼
梧龍馭失紫蓋鳳樓遷萬古潮纒淚東皇太乙前

贈別查翰荒

汝昨雲南去昆明涉劍流滇王驚大筆漢將贈輕裘
法兒曾學權書父所留尊人虹成先生著有權書三卷皆言兵事莫徒工艸

檄厲養已封侯

彈箏織手子送爾曲難終斫鱸鱖魚白調羹豆蔻紅道

成方好色才在不知窮金石期相保千秋業在躬

越艸多靈藥蠻花半大丹神仙寧有種服食不辭難葛
令遺書古浮丘靜夜寒留君偏未得涕淚落江干

有憶

裙爲留仙縹香緣卻死熏無情飛入月有夢去爲雲義
甲姬人得遺書弟子分當時嬌玉步髣髴聲聞

讀陳勝傳

間左稱雄日漁陽適戍人王侯寧有種竿木足亡秦大
義呼豪傑先聲仗鬼神驅除功第一漢將可誰倫

秋郊燕集作

披髮空行乞淒涼去國身龍蛇無四海日月在孤臣淚
酒秋江滿愁隨白艸新相逢聊取醉莫作別離人

贈郭舉旭

鷓鴣元越客茉莉是蠻花南翁聊同妾西飛莫憶家蚌
生珠子樹龍織海人紗自可成豪富無令金谷誇新納
粵姬
漲海精華盛真人沐浴多命須紅粉續吟奈白頭何素
女師宜早清琴曲貴和鳳毛行冉冉宜子自交娥

初秋小集鄭儋州齋中

一葉含風去飄然墮酒杯病因秋氣減愁自雨聲來散
帶須臨水鳴琴更上臺涼蟬有高唱天籟苦相催

雨夜作

風雨無朝暮鳴雞不可知天沉長夜裏人苦極寒時淚
欲浮孤枕情終繫一絲平生無白日衰暮益含悲

次魚洞

豺虎應相識年年此路行猶生慈母望不死故人驚水
漲春多毒林深晝一晴雨中白雲起隱隱數峯明

欽州

野外稀禾黍城中但橐駝愁聞新戰鬪忍見舊山河荒
服餘交趾將軍憶伏波南征遺玉笛猶奏武陵歌

少小

少小縱橫志其如命不辰鶯悲春色去花笑白頭新詞
賦難求食圖書欲與人十歌藏一哭斯道日酸辛

白髮

白髮何妨早神仙不駐顏無憂惟紫綺有道是青山親
老難爲客家貧易掩關玉案持費酒餘得半牀閒

贈茅天石

蒼雲溪邊客丹青世所無以予爲屈子因作遠遊圖舊
業餘天目新詩滿太湖絲來名下士多半在菰蘆

綠樹

江南芳樹滿色似水波鮮一半爲楊柳風吹綠漲天長

因新葉好益念故花妍黃身藏何處聲聲總可憐

大都宮詞

楚舞復吳歛風流作帝圖阿房頻止鳳太液復歌鳧小
妓玉條脫中官金僕姑不知高力士猶憶上皇無
暖殿開春宴才人賜錦袍舞低吳蠖蝶歌倚鄭櫻桃學
士調花曲闕氏按鳳槽只愁金漏短日出未央高

別吳統持

君平休棄世市肆亦容身黃老何須學英雄自有神雲
生長水白花發曲臺春寂寞釣簾下行吟念楚臣

西苑

芳湖荷芰滿舊映洗粧樓夜月迷遼后秋風失御舟管絃無盛事花艸有深愁落盡行人淚興亡總一丘

漂母祠

七尺空長大茫茫在草萊可憐諸母漂只有一人哀不望眞王報難留猛士才子房應導汝同訪赤松來

太白祠

翰林餘俎豆官錦至今香光復眞絲汝功名亦可王山川增氣勢風雅有輝光一片郎官水風流未忍忘

知己

知己多溝壑吾生日已孤但令長白首不敢哭窮途雪

重松頻折霜深艸未蘇巢邊黃葉盡寒絕一啼鳥

送曾止山

英雄誰得老天意在吾人但使羊裘在何妨雀髮新花留貧賤日酒送亂離春待與清秋雁重來問白蘋

古廟

古廟瀟湘尾微茫接洞庭美人雲蕩漾帝子水精靈髻作君山小衣留蘭葉馨微聞撫瑤瑟聲在數峯青

望爛柯山

仙人多善奕王質此中求峽東滇黔水江吞西北流花邊棋局在石上斧柯留不見樵雲者茫茫吾欲愁

佛手柑

玉指紛紛削香鬪變化來仙人雙掌合奇女一拳開細
卷如花瓣橫垂在鏡臺年年當小雪黃被乳柑催
指節玲瓏甚仙人削不成屈伸那有意大小總無名忍
凍襟懷滿沾香枕簟清紫騮來果下偷折幾枝輕

木槿

舜華難與久每恐美人非好日嗟無及香車願不違紅
葩餐未忍紫帶摘休稀爲與衣如雪蟬蛸生意微
木槿一名及日

玉簪花

縮髻花宜汝新簪露不勝那教香玉墜自有膩雲承贈
去愁恩重擊來恐冷凝未開名絕似贏得美人稱
唐詩玉簪恩重獨生愁

菱

一枝先藕白兩角復菱紅剝雪春蔥冷含水玉齒融花
光長在鏡蔓影亦浮空日夕晶盤滿寒泉浸灌中

送焦君還三原

南北雙城起梨香醞萬家鄭公渠畔柳薄后廟前花歸
趁三春好休驚兩鬢華爲將西望意傳與大琵琶

送人出關

一出悽惶嶺遼西總是山柳分蒙古界花合武寧關去
國身雖老憂邊意未閒風霜殊慘淡莫令損容顏

題華不亭

爲佟聲遠作

却恨多蓮葉田田不見魚鏡開雲影外珠瀉月光餘雨
滑休扶杖風涼且枕書愛君亭子好絕似水中居

劍池作

聞道闔廬劍三千泉下藏揚精爲虎氣逆理是魚腸露
滴梧宮冷烟流雀澗長墳西隣紫玉山鬼綺羅香
白虎君王氣千年隧道中精靈歸落日歌舞散秋風峽
底三泉鑿林間一徑通數聲鐘磬響山鳥暮爭叢

宋玉

荆南多巧說宋玉尚微舜神女空魂夢湘纍已別離荒
淫言是托搖落氣何悲師弟皆忠愛襄王自不知

白首

白首方求食高堂咫尺遠長憂吾道失不恨世情非耕
鑿惟詩筆經營是釣磯自來顏色好因啖越山薇

揚州

往日江南北鴻溝此地分通侯虛作鎮上相但懸軍瑩
苑青春柳雷塘薄暮雲玉鉤斜畔望芳艸是羅裙

莫愁曲

風吹楊柳花花下莫愁家誰駐青驄馬來邀孔翠車新
詞歌白苧素扇映朝霞一片秦淮月長教焰麗華

上端州作

花下野人舟擔蒿上逆流地餘青艸瘴人有鷓鴣愁一
峽泔荆束千家鬱水浮榕陰天半起知是古崧丘

烏攬

樹樹雌雄實純烏是木威紅鹽乘夜落玉豉得霜肥青
讓回甘早香憐滿袖歸上林人未識葵和似君稀

割帶

自割蓮枝帶相思直至今花中時有影鏡裏絕無心小

像薰衣暗遺衣裹玉深海棠應盡化淚漬薛門陰

喜鮑子韶來粵

復作江城客蕭條亦自悲行吟漁父側長跪老人時雨
減無腰帶霜驚是鬢絲沙邊一寒鷺孤立有君知

贈黃參軍

青蓮詩俊逸總是學參軍六代復誰好風流今在君林
泉多白日軒冕一浮雲將我紫霞飲杯中有衆芬

以紫霞杯

爲壽

秋日書懷

梁鴻元烈士范蠡本狂人奇策知無用高風祇自親青

榮依學道黃菊笑居貧圖史春邊滿吾生合苦辛
愁中宜日短病裏愛天寒白雁冬方聽黃花臘始看故
人頻涕淚知己又凋殘努力支長夜床帷未敢安

聞雁

一聲邊雁落孤客最先聞是夕蘆花渚扁舟宿白雲烟
迷南海影風斷洞庭羣甚有懷人字殷勤欲託君

奉酬張超然處士

白日無餘事鳴琴在石床神明歸大易夢寐得羲皇身
爲諸華守書因一老藏君能相羽翼斯道有輝光

張桐君餉我杭州官扇賦此答之

細摺金霞瓣輕裁寶月輪樣依南宋內製自武林人烟
霧乘鸞影虛無拾翠塵殷勤君見贈頓使手生春

攀枝花

朵朵天邊發燒雲是木棉丹樓開十二玉女笑三千瓣
裏巢紅翠鬚間吐紫烟越王烽火樹多在祝融前

送錢子目天

年來珠海客如爾獨難歸今此春將暮方隨雁北飛狂
歌元有道名飲未爲非異日浮丘上重遊定不違

茶蘼花

南海茶蘼露千瓶出此花醜顏因白日醜面卽紅霞色

著霑衣客香歸釀酒家摘防纖手損朶朶刺交加

秋海棠

何年人淚化朶朶向秋開葉已無情去花猶有恨來多
啼愁露濕欲笑喜風催影與閨人似依依在綠苔

望海

水浮元氣上風起卽成潮城勢歸洲島天光散沈寥黃
魚三月上白鷺一人招無數攀枝樹紅霞漲不消

鄭方二君以生鷓鴣數雙見貽賦詩答之

梅開殊未度奈爾喚歸何錦翼因媒得雌雄占嶺多故
人勞見贈南客辱相過未肯開籠放鈎輶要聽歌

汪仲子持令兄栗亭及諸君書自歛至廣州相

問於其歸也爲詩二章送之兼寄諸君

玉琴久不撫蕭瑟向烟汀豈不志山水知音非栗亭一
人持尺素諸子在雲屏相望亦云久君歸慰杳冥
相思黃嶽甚况復故人多汝向豐溪曲爲予傳嘯歌自
雲無事否春色奈愁何心似諸峰月依依在女蘿

自胥江上峽至韶陽作

送至禺陽返含情是海潮峽猶雲母隔峰已石人招古

寺愁飛去無人問沈寥菩提兵火後一樹自南朝

石人謂飛來寺

夫石古寺

潮雞鳴未已微月逐潮生水宿難爲夜舟開不待明半
帆烟樹影一枕草蟲聲不寐懷衰白勞勞水菽情

夜久息祥動寒蠶聽漸微那知零白露但覺濕羅衣魚
食星河影鳧眠水石磯坐來斜月上吟嘯發清機

江中蕉葉似小艇賣魚家蠔蛋雖無女釵鬟亦有花蕩

橈楊柳浦晒網鷺鷥沙白髮多公姥蕭蕭木一涯蛋人
有三

連一日
蠔蛋

不覺舟行遠仙源信幾重二禺兄弟峽一石婦人峽澗

斷知無棧林空似有鐘春來霖雨少瀑勢太從容黃帝
二庶

子禺陽禺號居中宿峽故峽一名
禺峽 婦人峽亦謂望夫石

一日始一峽舟行苦逆風暮春猶苦凍長路正愁窮棧

閣飛巖外檜巢古木中纏夫歌有哭聲與斷猿同

屏風知幾疊雲錦夾天開樹樹倒垂壁峰峰陰積苔野

花多有子山稚絕無媒繫牒幽潭口言探石髓回

澗瀨堆無數春行值水深帆驚飛石過廳苦濕雲侵螢

外依漁火鴛邊夢錦衾戍夫催泊早烏鵲未歸林

石角篙無力灣環似二禺劃天多鐵壁拔地卽香鑪花

墮千尋蕊藤交百道鬚時時囓洞裏飛出片帆孤

仙靈多事甚古寺使飛來艸沒蕭梁碣花迷庶子臺峽

長峰易合嵐重日難開阮隄吹頻裂聲舍秋雨哀

女蘿傳玉手攀磴與雲平拾果知猿戲穿松恐鶴驚水
分雙練下風作一琴鳴坐久忘舟楫依依到月明
亦知行路苦爭奈水雲心白鶴未三里寒猿已一吟江
南楓樹滿峽北荻花深青草無窮瘴王孫何處尋
山花名獨舞山鳥號相思更有香含笑兼之綠画眉邊
鸞殊未見稽氏詎曾知好把圖經補丹青寫莫遲
南天已初夏水宿易生寒夜夜雲三峽朝朝雪一灘羊
皮漁父服蝶翅羽流冠莫向桃枝笑今非釣國竿
碧落英州洞莖通直到天御泚南漢在丹竈羽人傳水
滴放鐘乳霞凝作寶蓮玲瓏巨靈手斧鑿出天然

碧落洞南

巖號爲雲巖御室

六六玉芙蓉鳴琴知幾峰如何百蠻待不遣二妃從絕
微餘城闕荒祠尚鼓鐘月明瑤瑟至應渡水雲重

野艇魚秧至人家蠟樹來郡當三峽盡城夾二江開柱
蠹天多石衣垂帝有臺陳詞無不可咫尺卽蓬萊

嶠外元仙窟瀧東卽帝鄉爲憐韶石好不覺武溪長就
日懷龍馭歌風想鳳踏如何騷些客悵望祇瀟湘

繞城三面水瀆武合南流虎戰空多壘狐鳴總一丘攻
堅元下策間道本陰謀多謝青燐影長含漢月秋

開元高相業崛起曲江間報國多金鑑傾城一玉環文

章元帥在風度盛唐開正始音難繼書臺灑掃還

唐元宗嘗

稱曲江公爲文壇元帥公有書堂巖在始興

心逐流泉去潺湲一夜無不因寒月好爭覺玉琴孤
稍起沙邊雁時驚枝上烏故林相憶否人在一菰蘆

江臯作

春聲一兩嘒水木已清華嬌鳥不知處時時驚落花折
梅無浣女吹笛有漁家曲曲幽尋去沿溪一小槎

屈翁山詩集卷第四

University of Washington Libraries U.S.A

屈翁山詩集卷第五

鴛水徐肇元掄三選

周源長荆思

校正

徐起元瀛奇

七言律詩

塞上逢李武會

相逢一醉白登鄉
岐路蒼茫恨夕陽
塞北離愁隨地潤
江南歸夢繞天長
高堂望斷陰山月
班馬嘶殘子夜霜
明日黃雲千里隔
故人那得共壺觴

望雲州

西望雲州但夕陽
漢家何處有金湯
三年馬首迷春草

八月龍沙怨早霜夢逐黃河穿塞盡愁隨鴻雁入關長
平生壯志成蕭瑟空復哀歌弔戰場

題鷄鳴驛

馬飲洋河春水肥鷄鳴山驛曉霞飛漢皇宣府餘歌管
遼后花園滿翠微紅草溝邊朝會獵鴛鴦泊上暮開圍
愁來不飲燕姬酒清淚將同露濕衣

春日代州郊外作

青山一路帶滹沱復有垂楊拂玉珂調馬正宜春草軟
望鄉爭奈白雲多美人花裏揚鞭出上客林中射雉過
相與晉王祠畔飲英雄往事一悲歌

送顧寧人

鴈門北接嘗山路爾去登臨勝槩多天上三關橫朔漠
雲中入水會渾河飄零且覓藏書洞慷慨休聽出塞歌
我欲金箱圖五嶽相從先向曲陽過

紫荆關道中送客

紫荆雄據飛狐口河繞長城去渺茫萬里悲風隨出塞
三年明月照思鄉平生亦抱昭君怨白首猶尋結客場
愁絕春寒紛雨雪送行難得酒盈觴

諸公餞予玉河亭子賦別

御溝一片東西水相送扁舟去五湖天上若無娥月好

人間誰伴客星孤，但同慈母餐芝草。便是仙人隱玉壺，燕市悲歌今已矣。諸君好自作屠沽。

杜曲謁杜子美先生祠

城南韋杜滿川濱，工部千秋廟貌新。一代悲歌成國史，二南風化在騷人。少陵原上花含日，皇子陂前鳥弄春。稷契平生空自許，誰知詞客有經綸。

越中寄廬山無可大師

久辭慧遠溪邊月，因戀夷光石上花。夢裏時時聞瀑布，曲中日日見朝霞。觀空亦復憐天女，服食無如採月華。五老蒼蒼煙霧隔，知君何處著袈娑。

讀史

蚩尤祭後霸圖雄，一劍能成赤帝功。龍起不曾階尺土，人歸何必在重瞳。天邊星宿朝東井，沛上旌旗捲大風。此日留侯方寂寞，咸陽王氣望無窮。

將度梅關賦贈南雄朱參軍

十載天南此謫居，鸞湖歸興近何如。官衙喜傍紅梅驛，春野堪陪白鹿車。自昔仙人多守令，未應吾道在樵漁。浮家我且臨京口，相待金焦共著書。

與柳子談淮陰侯事賦別李子

只今垂釣亦良圖，漂母能知大丈夫。一飯自應求婦女。

千金誰肯易屠沽相逢歲暮寒衣盡相送淮南濁酒無
雨濕天陰揮手去可憐啼殺白頭烏

送人上華嶽

一石峯巖成一嶽三峰窈窕入三門蓮花半壓仙人掌
瀑布全傾玉女盆雲出金天皆白氣河通玉井是真源
君行好上西玄洞拂我題詩舊墨痕

昭江春望代景子

黃皮袴褶已全收淚灑空山葬紫駟意氣不堪三戰盡
功名難向一人求陰陰桑柘雞聲午渺渺雲山雁影秋
歸去故園高臥好男兒豈必盡封侯

春山雨過翠微新千嶂青青欲染人芳艸漸侵樵路暗
落花初點野田勻將歸海嶠嗟無計已謝疆場幸有身
白髮孀慈知健否三年望斷繡衣臣

代景子將歸寄內之作

何事時來反息機將軍難挽紫駟飛多因戍婦啼紅粉
亦是山人愛白衣士馬自分諸部去簪纓誰惜一人歸
高堂此夕應同汝夢見戎裝脫翠微

送曹郡丞

蕭齋臥病日沉淪知己潯江自少人無路可歸黃木浦
有辭難乞白華身一春風雨飄鄉夢三載關山踏戰塵

樽酒不堪還送別桃花和淚共沾巾

浮湘作

洞庭何處但空天湘口人家沒水烟山色淡分秋雨外
濤聲寒落曉風前蘭堂未得三閭返瑤瑟難從二女傳
終古雲愁兼海思枝枝斑竹似嬾娟

和王不菴幽居之作

一夕秋風老玉顏無人但掩白雲關臥當流水難成夢
行見梅花不欲還禪寂定於征戰後功名應在有無間
葛巾丰度開東漢賴爾林泉一日閒

吳門春日作

春光最愛闔閭城清婉吳音復有情一代風流餘燥響
千秋怨毒是簫聲家家柳拂長天亂處處花含積雪明
市井只今誰列士橋邊空識伯鸞名
橋西舊有伯鸞居四百飛橋盡不如泉石誰令高士在
鶯花自是美人餘春聲只可聞臯氏簫曲那能到闔廬
吳下繇來多俠烈我行端不爲鱸魚

秣陵感懷

芝華采采未療饑南國飄零事事非烟雨又將春色去
林泉那得白雲歸蕭疎素髮慚金鏡寂寞青溪弔玉衣
貧賤每憂知己厭踟躕人外對斜暉

江風吹雨散陰寒多少鶯花不忍看地有三渠知太液
天留雙闕謂牛首作長安黃羊處處銜桃葉白鷺朝朝傍
竹竿欲住秦淮偏未得高堂千里念游盤

舊京感懷

羽翼秋高未奮飛移家偏向帝王畿文章總爲先朝作
涕淚私從舊內揮燕雀湖空芳艸長胭脂井滿落花肥
城邊亦有陰山在怪得風沙暗翠微陰山在江寧縣西南
內橋東去是長干馬上春人擁薄寒三月風光愁裏度
六朝花柳夢中看江南哀後無詞賦塞北歸來有羽翰
形勢祗餘杯土在鍾山何必更龍蟠

送甘健齋返豫章

嗟君一別釣魚磯江左飄零道欲非有計且須還栗里
無名何必學蒲衣君撰無名高士傳鷹風塞上驚初起蟬露林
間幸未隲令子聲音清老鳳芙蓉九疊拂雲飛

度梅嶺贈閩人

三度攜家此嶺頭閩中秦越各歡愁無多骨肉貧猶別
不盡關山老更遊玉枕山名頻同新婦夜紅梅已謝故人

謝華

秋平生蹤跡希梁孟欲把吳門作首丘

九日與客登潮泉山觀潮泉作有序

山在清溪驛東五里泉從石穴湧出聲如沸

雷泉大者爲雄小者爲雌一雄長則一雌消
日凡三長三消消則涓滴都絕若此地從無
泉水者惟秋冬間泉無消長乃有細水長流
寺僧謂此泉下應海潮然秋冬間海未嘗無
潮而泉顧不應之何耶湛文簡嘗稱爲靈泉
有詩刻石今存

峽口千峰紫翠招維舟且復上烟霄山無旦暮含紅雨
泉有雌雄應海潮四座花飛爭上酒中流松臥忽成橋
幽尋正及登高節一路秋光逐画橈

黃龍洞尋南漢天華宮故址

在羅浮

英雄割據未全非此日龍川霸氣微輦路已隨秋草沒
歌塵猶作綵雲飛美人何處還金殿壯士當年盡錦衣
一自諸陵風雨後空留杜宇怨斜暉

留別南雄某別駕

別駕多才盡不如南來初下白門車六朝春色歸辭賦
五嶺梅花繞簿書玩世堪爲濠上吏浮家莫羨武陵漁
時予將往沅湘江南一片萋萋草愁絕王孫失路餘

壽東莞周丈

當年五老園中客文采翩翩號石林此日尋仙從地肺
知君觀易得天心梅花亂點宜春酒桂樹多棲禱藥禽

戶外羅浮峯四百殿勤一日一峰吟

壘落舟中春望作

喬木村村是木棉荔枝林裏出炊烟山痕青入寒天遠
水氣黃含落日鮮一棹暮歸驚宿鷺孤齋春臥畏啼鶉
江山如此無人恨歲歲花開獨愴然

九日舟經清遠峽登高有作

登高何處踏蒼苔繫舸軒轅庶子臺三峽東西千嶂合
二禺南北一江開松楸有淚流霜引猿狄無聲落葉催
典盡寒衣當歲晏盧花難禦雪花來

登高愁似送將歸不落山空紙夕暉紅葉有霜終日醉

黃花多露一秋肥蕭條返舍餘長劍潦倒于人失布衣
寄語江間漁父好白鷗無食向君飛

自滇陽至穗城江行有作

欲雨空濛翠益深秋光不逐夕陽沉虛無樹影迷烟棹
幽咽猿聲和水琴石壘青螺全作髻峰抽碧玉半成簪
谿訝洞口雲爭吐濕盡衣裘冷不禁

拂窗飛過一峰峰翠黛含烟落幾重崩石影搖三峽棧
濕泉聲亂半天鐘光分明月憐空水色染清霜愛紫茸
更好秋光黃菊似屏風點綴錦雲濃

六月十五夕就樹軒玩月

未秋先已作秋光解爲炎天散早涼花外尚餘銀漢淺
鏡中那有碧空長虛無玉笛風何處滴瀝羅衣露未央
清絕郡齋林壑似庾公留客有胡牀

過梁餘仲池亭賦贈

池開盡養右軍鵝真草朝朝墨幾螺少日悔教團扇貴
暮年知厭練裙多蟬吟未必無心甚龍聽其如有角何
新作園林娛白首梅花一樹最婆娑

龍以角聽君
近聲故云

讀荆軻傳作

置酒華陽曲未終美人奇馬玉盤中何須七首勞神勇
更使將軍作鬼雄一自悲風生易水千秋白日貫長虹

殷勤倘用荆卿將自可威加督亢東

田光鞠武總謀臣計失須臾欲劫秦豈有精靈歸匕首
空令哀怨斷龍鬚蕭蕭風起衝冠髮颯颯雲吹首路塵

自此悲歌燕市絕屠沽無復報恩人

斷龍鬚謂斬鼓
琴美人手也

讀書擊劍未蹉跎儒雅偏於慷慨多豈有先生非樂毅
何曾太子識荆軻燕風已起離騷賦楚調如追易水歌
壯士至今猶髮指寇讐長枕報秦戈

平生劍術未曾疎况是深沈解好書蓋聶相期知不可
漸離同去意何如六王有恨惟銅柱一擲無成更副車
可惜漢家需佐命英雄未得少踟躕

多事田光苦殉名，匆匆仗劍激荆卿。英雄不肯言成敗，
節俠何知有死生。皆白衣冠持大斗，盡衝毛髮上長纓。
離觴未半驅車去，風葉哀含變徵聲。

雨後代泛亭望湖

雨過湖光飛滿城，一亭含吐盡青冥。浮沉半逐羅浮影，
噴薄全開瀑布屏。白鷺祇同漁父冷，芙蓉多爲使君馨。
荷錢買得鴛鴦否，羨殺雙雙錦繡翎。

明妃廟

明妃祠枕楚江沙，萬壑群山夾道斜。明月尚懸香水鏡，
芙蓉早墮玉門笳。羞同公主隨胡俗，幸似關氏在漢家。

終古種歸哀怨地，杜鵑聲裏有琵琶。

紅顏亦可壯中華，詔賜單于出內家。爲漢自應高俎豆，
寧胡豈敢惜風沙。香溪夜夜長無月，紫塞年年始有花。
多少落梅悲糞土，無情最是太胡笳。

歸宗寺

幽居最愛歸宗寺，勝甲江西山水兼。已有硯池邀逸少，
還餘醉石臥陶潛。六朝烟霧含珠塔，四壁風雷捲玉簾。
况是鸞溪春正煖，飛花送酒舞前簷。

燕臺秋日別繆天自之雁門

燕臺秋色晚來多，一片邊鴻拂雨過。雙闕芙蓉開疊嶂，

九門榆柳落長河離人衣袂從軍淚小婦琵琶出塞歌
况是黃雲千里蔽故園蕙艸總如何

早發大同作

雞鳴人起大同城笳鼓淒淒出塞聲青塚風高貂不煖
白河霜滑馬難行髡鉗昔日圖成事溝壑今朝欲殉名
枉歷三關征戰地無絲一奮曼胡纓

章臺

年來無淚灑干戈遊戲章臺日日過喜與佳人馳寶馬
愁將壯士挽天河五陵日落牛羊亂三輔秋高鼓角多
慷慨不知時命薄醉中梁父又悲歌

荆南歸興

牢落風塵一蒯緱荆南空上仲宣樓家貧豈是無長策
親老那堪更遠遊巫峽啼猿驚旅夢洞庭飛雁引鄉愁
英雄不是爲人子處處沙場作首丘

歸至江東東方丈爾止

今代文章在少微柴桑以後似君稀相逢洗藥青谿去
正見銜魚白鳥飛爾向南朝作者舊予辭西嶽爲庭闈
好將竹葉除華髮莫倚臺城送夕暉

逢日者周生賦

知子青囊有妙篇升沉一爲決皇天莊生未試屠龍技

蔡澤猶遲躍馬年湖上蟬聲催落照雨中草色染輕煙
離情直與長江水送至梅花大庾邊

壽前刺史彭君

朝漢臺臨百粵雄蒼茫秋色似雲中紅旗晚閃三城日
函角寒吹萬馬風太守聲華高武庫將軍禮數起文翁
饒歌爲爾千金壽醉倒天南紫菊叢

和劉六茹登華

天邊雙華鬱嵯峨萬仞丹梯挂女蘿太乙池中浮皎月
仙人掌上瀉黃河心悲角里芝華少淚洒宗周麥秀多
席捲三秦非此日留侯畫策已蹉跎

浩蕩松聲滿太虛凌峰一把羽人裾軒轅臺迴風飄笛
玉女慙寒露滴書秦地山河明月在漢家宮闕白雲餘
蘇耽未肯乘鸞鶴有母衡陽日倚闌

和人巫峽中望十二峰之作

十二峰橫彩翠長舍情不忍上高唐朝雲終古疑神女
暮雨何年惑楚王南國荒淫多夢寐騷人諷諫有辭章
蘭蓀亦愛風流地莖葉青青不斷香

和李生與客上廬山之作

三疊泉門是玉川開當大月翠微邊老人五作奇峰立
居士雙從醉石眠污地松黃香滿帚穿苔竹笋小成鞭

樓窗面面吞彭蠡嘯落天風萬壑傳

舟經金利作

金利墟邊首夏時家家蠻布有蕉絲木棉花盡猶無葉
榕樹根多復作枝西水正愁雙峽急東風莫使片帆遲
鷓鴣本是催歸鳥啼遍春山人未知

斑竹

斑竹枝枝拂暮煙無情亦自淚痕鮮美人渺渺江雲外
亡國萋萋野艸邊髻散不須悲墮馬魂歸猶可化啼鵲
東風莫卷飛花片留與愁人伴醉眠

江上新晴有作

青山雨過片雲餘水氣空濛望若虛峰似亂流爭出峽
地當西潦半成渠荔花多釀春州蜜榕子初肥滙口魚
白鷺心閒真愧汝經營端爲古人書

靈山寺作

野寺何年闢翠微松門隱映在煙霏聲搖三峽雙鐘度
勢截千峰一塔飛水長魚花隨電出山寒鬼子得霜肥
鳴雞夜半催潮上漁父相將一棹歸

歸舟賦贈柴子

風信東邊見破篷移舟深入蓼花叢雷聲隱隱黃霞外
日色沉沉白雨中山水有情娛我老詩書無術救人窮

疎狂莫作諸侯客鸚鵡才高命或同

雨後

雨後汀潮鼓大波黃花魚比白花多
層門故截溪橋出
漁艇時穿海市過灘湖已知無食好鷓鴣
其奈不歸何
離枝漸熟休狼籍釀酒持將養太和

送人自楚之蜀

江帆此去莫霑裳蘭杜多情爲爾香
神女風流滿巫峽
騷人湯沐在瀟湘東西漢水巴陵大朝暮
猿聲白帝長
辭賦最宜秋氣早不妨哀怨盡清商

綠牡丹

絕代名葩雜下無香分螺黛十眉圖
花中不辨來么鳳
葉底多疑是綠珠羅袖淺將苔色染
玉盤寒愛露華濡
姚黃莫卽愁爲裏青帝恩光此獨殊

蓮葉

東西南北總田田未作芙蓉已可憐
魚戲不驚珠亂瀉
人擎最愛月多圓湘纍水屋香誰似越女羅裙色未鮮
玉漱金塘無關處花開一一故相穿

東臯別業舊址

是陳文忠公
遊衍之地

漁艇猶穿玉帶

橋名

迴花灣不見錦袍

灣名

開鷓夷有恨三

江湧杜宇無歸百鳥哀菰葉

湖名

舊通浮嶽井蒲香今失

鶴舒臺雲淙亦是圍棋墅一代風流總艸萊

公有雲淙別業在白

雲山上

答張桐君見題三閩書院之作

書院在廣州城南

桐君何事別桐廬來問羅浮桂父居豈有仙人還好劍
絲來高士不知書青樽但使秋常滿白髮從教日已疎
身是湘纍憔悴種忍將詞賦送居諸

贈鄭山人入匡廬

九疊雲屏一玉筇天風吹汝上芙蓉三梁幾處成三石
五老何年化五峰雨勢得殘猶落葉泉聲不斷亦聞鐘
湖光盡入含鄱口月出偏宜紫翠重

石灘舟中眺望

東樵西望是南樵四面芙蓉海上標蜃氣春晴多作市
雞聲夜靜始催潮離支十里雲嘗暖瀑布三秋雪不消
紅翠相迎過洞口尋仙且繫木蘭橈

瀝湖舟泛

峰勢盤迴北斗同瀝湖應與絳河通蘭橈曲曲穿巖口
石乳泠泠滴鏡中雁影尚留炎海雪鶯聲不待落梅風
芙蓉只解窺漁父蒼翠沾衣影似空

珠江春泛作

珠水煙波接海長春潮微帶落霞光黃魚日作三江雨

白鷺天留一片霜
洲愛琵琶風外語
沙憐茉莉月中香
斑枝况復紅無數
一棹依依此夕陽

琵琶洲在珠江之東
茉莉沙在珠江

悼馬

與爾蒼梧數潰圍
艱難得逐大軍歸
金瘡乍合頻思戰
画角才吹便欲飛
三歲龍駒方早壯
兩年香稻亦偏肥
無端一蹶驍騰失
淚滴空鞍葬落暉

平湖逢馬培原給諫時給諫被沙門服

平湖雨過白鷗飛
有客扁舟薄暮歸
明月漸圓居士法
天花猶著比丘衣
湘纍夢寐通瑤圃
梅福封章隔紫微
去國離家予亦久
相逢蕭寺淚同揮

菊

無多花蕊在籬東
不食愁將苦意同
朵朵霜乾猶抱蒂
枝枝露濕已當叢
秋來粟里多佳日
歲晏陶公有素風
天爲忘憂生此物
摘來休使酒樽空

南村未有素心賢
閉戶惟將醉石眠
孤影甚思名酒勸
白頭微得好花憐
餐英一一兼寒葉
飲露依依似暮蟬
香入簾瓢霜氣早
清齋不必露葵鮮

幾本蕭疎出艸間
清霜染得淚痕斑
猶嫌太白同衰鬢
且喜微紅上老顏
尺寸培根終歲苦
東西乞種一身閒

乾來作枕圖明目細作真書寫小山
衰年服餌最相宜甘苦惟應蕙苴知無酒易過重九日
有花難及肅霜時香薰百艸誰能似根浸三泉更不移
長與青青沅澧者春蘭終古一相思

芭蕉

孤心只在葉中央一夕抽開二尺長不雨寒聲猶滴瀝
無風疎影已清涼全遮北郭芙蓉館半拂東鄰薜荔墻
結就香牙甘美甚霜時割得一梳黃

菜

菘芥初生摘未稀窺園不及下書幃能知歲月惟青艸
解讀春秋有白衣子母三冬瓜蒂苦君臣一代蕨花肥
桔槔亦是忘機者引得流泉下翠微

園蔬自種向西疇食肉無心作虎頭都尉牛羊終見辱
野人葵藿未忘憂胡蔥大葉穿沙早越薤長莖出水秋
未作老農先老圃荷鋤長得在羅浮

黃桑白栢繞蓬廬每恨場師我不如微菜春烹惟瓠葉
小鮮秋薦但鱸魚牛羊影亂天將暝蟋蟀聲寒歲欲除
閒學憲王圖本草贈人還有種葱書

重至都虛觀作

石勢盤迴下翠微峰峰有瀑似煙霏參差古木穿松出

掩映寒花間葉飛白髮休教毛女笑黃冠好逐羽人歸
仙壇歲久無香火欲掃莓苔恐濕衣

仙山鎮日白雲封磴道依稀四百重分去祗成雙瀑布
合來元是一芙蓉臺邊月作麻姑鏡洞口風爲羽客鐘
古觀無人華葉滿鹿麕行處有遺蹤

舟經晉康奉訪州使君有作

大小湘流繞訟庭使君日對數峰青西將錦石爲天柱
北倚香山作玉屏自鹿春行蒲媪地嘉魚冬膾大中亭
舟過欲識神明守未忍揚帆入杳冥

忠養堂書懷

無才不敢恨長貧老大惟知與道親几杖高堂多古物
衣冠中土有遺人碧梧早落過芳歲黃菊遲開及好春
繞屋雲山無路入一家雞犬自先秦

奉和澹翁六叔父開春病起之作

花爲春寒未海棠猶餘梅過立春香憐翁身入新年健
與我情同愛日長吟處自能空海嶽酒中那得有彭殤
消除白髮詩篇在况有知音在草堂

五嶽歸來一艸廬依依桑梓未離居弟兄遺恨無三謝
父子追歡有二疎石路乾時人引杖花窗靜處鳥窺書
從來養壽惟芝艸綺皓何人便不如

四百羅浮在枕邊一年春向一峰眠夢爲蝴蝶元非我
生作蜉蝣亦是仙服食儘多真日月經營終少幻山川
逍遙見說須無待姑射神人本自然

獨酌

時丙寅春
五十七歲

歲月無多歎逝川七旬更待十三年忘憂却在難忘處
學道還如未學前黃鳥竹間催獨酌白鷗花下伴閒眠
藏書不少名山業兒女他時各一編

洪州喜遇京口宋君

滕王閣下繫扁舟尊酒相逢慰遠遊京口英雄能六博
君卿意氣動諸侯烟生南浦漁帆隱雨過東湖雁影秋

一代只今高士少故知磨鏡自風流

季秋之五日承諸族父過賞菊梅分賦

未及重陽菊已披梅花數朶映霜姿頻將春色添秋色
不惜寒枝作煖枝甘苦已教陶令識芬芳更與阮公期
竹林相過須沉醉莫待登高倒接籬

閨怨

限一二三四五六七八九十百千
萬雙半寸尺丈凡十八字並限韻

六七鴛鴦戲一溪愁人二十四橋西半天書斷三秋雁
萬里心懸五夜雞蠶作百千絲已盡烏生八九子初齊
丈人何處聽鳴瑟尺寸長垂雙玉啼

桃三李四已成溪六七花東八九西一尺髻高愁墮馬

五更衾冷怨鳴雞游絲百丈全難斷舞柳千條半欲齊
十二雙邊無寸字鴛鴦都作萬行啼

二六巫峰七十溪千迴萬轉八林西頻同半槁三花樹
不及雙飛一錦雞四角盤中書易就九枝燈下影難齊
春絲自丈牽方寸愁掩羅巾五尺啼

對水仙花題畫中水仙花兼紫芝怪石

凌波看與宓妃同半在丹青半水中香氣分從冰練出
清姿交映玉壺空先春著粉教如雪向夕生寒不待風
最是芝華相伴好太湖石上一叢叢

花朝前二日小集澹翁園林觀落紅有作限塘

字

一夕花流滿曲塘半沾泥滓尚紅粧子鵲血灑朝煙濕

謂社鵲花

巫女魂飄暮雨香

謂蜀茶

已落祇堪貽下女未開猶

可待東皇啼鶯莫向尊前怨春事明朝定未央

望羅浮

大小麻姑雨過時白雲開處見春姿芙蓉影滿三千鏡
紫翠光生四百眉瀑布東西金滅沒石樓高下玉參差
當年坐臥青霞石亂長苔花不可知

東樵南望卽南樵蒼翠相連似不遙亂著蜂眉深淺色
爭飛瀑布短長條曾從玉女窺明鏡亦上麻姑弄紫簫

多謝白雲情太甚飛來一片屢相要

玉女麻姑皆峰名

永安紫金山眺望有作

繞縣芙蓉四面來紫金爲枕玉爲臺一樓西接雞冠出

三殿東連燕尾開風外二琴聲在水雲邊雙髻影當梅

夕陽蒼翠含煙火候月城頭一舉杯

雞冠燕尾二嶂名二琴謂南北琴江

三殿雙髻皆峰名

水從丹嶂五江分流入秋鄉似白雲古渡鐵潭花漠漠

疎林火帶葉紛紛穿城汲影烟中見隔嶺樵歌月下聞

繫馬樓前貪極目描眉峰好最思君

鐵潭渡名火帶逕名描眉峰名江有

五江在縣境

字

一夕花流滿曲塘半沾泥滓尚紅粧子鵲血灑朝煙濕

謂杜鵑花

巫女魂飄暮雨香

謂蜀茶

已落祗堪貽下女未開猶

可待東皇啼鶯莫向尊前怨春事明朝定未央

望羅浮

大小麻姑雨過時白雲開處見春姿芙蓉影滿三千鏡

紫翠光生四百眉瀑布東西金滅沒石樓高下玉參差

當年坐臥青霞石亂長苔花不可知

東樵南望卽南樵蒼翠相連似不遙亂著峰眉深淺色

爭飛瀑布短長條曾從玉女窺明鏡亦上麻姑弄紫簫

多謝白雲情太甚飛來一片屢相要

王女麻姑皆峰名

永安紫金山眺望有作

繞縣芙蓉四面來紫金爲枕玉爲臺一樓西接雞冠出
三殿東連燕尾開風外二琴聲在水雲邊雙髻影當梅
夕陽蒼翠合煙火候月城頭一舉杯

雞冠燕尾二嶂名二琴謂南北琴江

三殿雙髻皆峰名

水從丹嶂五江分流入秋鄉似白雲古渡鐵潭花漠漠
疎林火帶葉紛紛穿城汲影烟中見隔嶺樵歌月下聞
繫馬樓前貪極目描眉峰好最思君

鐵潭渡名火帶逕名描眉峰名江有

五江在縣境

玉環何日歸廷尉流落龍沙戰血斑

宣府道中

花園北抵鴛鴦深一路闕氏往蹟多恒嶽白雲連上谷
桑乾春水接洋河紫髯日市牛羊入紅粉時吹簾篋過
此度關山無內外漢時空費羽林戈

宣府弔古

遼后宮臨鎮朔臺明君祠傍拂雲堆天寒鷹隼三關落
日暮牛羊四野來幾日玉鑿榆木返無邊毳帳上都開
遼東一臂連宣府誰使寧王罷鎮回

大同作

飲馬東連白道泉，桑乾西接紫河州。
何年代邸淪秋草，幾處秦城出遠天。
事去英雄羞一劍，時來游俠喜三邊。
哀笳莫奏思鄉曲，都尉臺前月正圓。

塞上感懷

未有英雄羽化期，茫茫一劍報恩遲。
天寒射獵龍沙苦，日暮笙歌塞女悲。
太白秋高空入月，黃河春暖又流澌。
鬢邊一片天山雪，莫遣高樓少婦知。

岔道

軍都下視居庸險，北口高懸太乙軍。
一自中官迎白馬，至今新鬼哭黃雲。
山連陰嶽當關合，水抱榆河入塞分。

城外風沙橫一路，雲州西去恨無羣。

舜廟

虞帝時巡北嶽還，翠華南駐雁門山。
千秋玉殿臨邊起，萬里龍髯出塞攀。
雪盡滹沱穿大鹵，雲生句注失寒關。
竹書多少龍魚恨，空有皇英慘玉顏。

重過易水

年年易水弔荆軻，總奏平生變徵歌。
上谷悲風吹淚盡，紫荆斜日傍愁多。
驂騑老去空知路，鴻鵠高飛亦受羅。
好向城西更沽酒，英雄惟有玉顏醜。

華山作

青天低插芙蓉亂白帝高臨落雁孤大乙西來朝紫翠
首陽東走入虛無仙人博戲凌丹壑毛女柴聲隱玉壺
萬古雲霄隨變化秦皇漢武莫能圖

望嶽

千里瀟湘帶嶽長芙蓉九面鬱相望五峯蒼翠連雲夢
一水奔飛下石梁欲訪禹書登岫嘍兼觀海日出扶桑
水簾洞裏通浮嶠便逐仙人返故鄉

嶽中水簾洞
與羅浮通

朱鳥天邊配五峯湖湘倒映翠芙蓉白雲冉冉香爐出
古洞陰陰玉簡封一氣衡陽生帝子十年南極見飛龍
遺宮縹緲無尋處日暮空聞嶽麓鐘

長沙秋望

雨過星沙楚望開天邊王氣尚昭回蒼梧倘得重華返
紫蓋應朝南嶽來父老謳歌思帝力君臣馳逐失龍媒
茫茫秋水雲吞夢騷賦空投二女臺

壽尹丈

日出羅浮紫翠重芙蓉爭繞老人峯天因四皓生芝艸
漢有孤臣在赤松坐處花深靈壽几夢餘風過曜真鐘
山公膝下能娛志春酒今朝沆漑濃

過某將軍北山草堂賦贈

英雄無命合知還欲作浮雲自有山身在不忘金勒馬

夢飛猶向玉門關
橫行人望三軍出
高卧天容一日閒
落落長松風籟好
吹人不使鬢毛斑

晴川閣作

峩峩川上兩飛樓
樓下烟波一片愁
大別中分江漢水
金沙東接鳳凰洲
騷人一去無芳艸
帝子重來有古丘
可惜湖南空轉戰
三年不見漢時秋

黃雀樓

西上飛樓眺夕陽
仙人黃鶴兩迴翔
九江秋水連雲夢
十里芳洲帶武昌
詞賦自堪懸日月
冠纓誰與濯沅湘
三閭亦可爲漁父
一棹烟波樂未央

漢口

嶓冢東來漢水長
二湖相夾似瀟湘
陰陰楊柳雙堤合
冉冉芙蓉萬井香
古屋龍蛇趨夏后
大江烟雨隔娥皇
南雲北夢無窮路
不待登高已斷腸

送人度梅嶺

天作長城五嶺間
雄州繚繞萬重山
越王舊治梅花國
秦帝初開大庾關
紅葉影中雙騎去
白猿聲裏一人還
乘時自有臺侯業
莫使鄉愁上玉顏

東孔君

世事茫茫總苦辛
肝腸空與孔融親
天教魯國餘男子

代有湘纍是怨人鸞鳳自應栖枳棘驂騑那得絕風塵
堪憐夜夜同明月相照愁心滿海濱

吳閫卧病有作

天山南畔對秋空此日金閫寂寞同蘇武飢寒甘嚼雪
要離細小畏迎風思將爪髮爲神劍未有精誠與白虹
蒲伏不妨長乞食霸王遺烈在吳中

楓葉蕭蕭掩市門秋光雖好易黃昏人憐白喜方同病
帝命巫陽更子魂楊柳東西朱戶映芙蓉七十白波吞
人間未有琅玕實飢鳳啾啾好自存

三秋蕭瑟虎丘西山鳥多情爲客啼季札悲愁新喪子

梁鴻清苦早同妻紅蓮稻美春應熟錦帶花多采不迷
林屋洞邊風物好何時得共夏黃棲

逢商丘宋使君賦贈

相逢數數問扃門烟草蒼茫往跡存豈有屠沽藏魏市
空餘詞賦在梁園千秋公子無賓客一代才人是弟昆
意氣未傾愁已別微軀自此更何言

采石題太白祠

才人自古蛟龍得太白三閭兩水仙詞賦已同雙日月
精靈還作一山川江間絕壁丹青出木末飛樓俎豆懸
千載人稱詩聖好風流長在少陵前

朱紫陽嘗謂太白
聖于詩祠上有亭

富翠螺山頂子
因題曰詩聖亭

牛渚西江月色新清光長見謫仙人詩多諷諫因天寶
道在佯狂得季真金鉉已銷飛燕口錦袍空映鳳凰身
垂輝不用多刪述天與英雄只老春

次燕子磯

半壁斜開紫翠圍中流橫作釣魚磯沙洲定爲真龍長
鍊纜難迴燕子飛江北每傷當日棄南陽長恐故人非
東流不盡興亡恨淚酒秋風一棹歸
新長沙洲抱磯長
可二十餘里東蔽
淮口不見洪流幾勢外向國初占
有外藩不臣嘗以鍊纜維繫之

贈水師某總戎

將軍南達海門牙幕府東臨若木花白馬潮來驚日月
天雞聲起亂雲霞三城帶甲隨秋戍千里樓船奏暮笳
早晚行人返桑梓沉香浦上託爲家

九星巖

星巖勝槩甲瀧東玉乳泠泠下碧空萬壑芙蓉生洞穴
千林薜荔隱房櫺雲根氣作朝朝雨石角聲含夜夜風
柔雀相隨宜此地振衣時上玉虛宮
巖有石窺吹之
作角聲名石角

永安州道中作

蒙山蒙水古蒙州烟瘴千年毒未收
撞女盡能欺虎豹欄房一半與豬牛
畬田處處燒陰木水碓家家截上流

無限鷓鴣啼不斷未行先憶故鄉樓

自荔浦至平南民種雜居不可辨識

大抵屋居者民欄居者種欄以木架起如樓上以兩人

下以栖羣畜名曰欄房亦曰高欄狼則不然自荔浦至平南多種人自潯陽至貴縣多狼人

黃雀樓

樓為獻賊所焚今移故楚府救書樓重建

巍巍猶是救書樓朱邸移來歷幾秋黃鶴不將仙客至

白雲空為楚王留三年士苦長沙戰萬里人含落日愁

芳草莫重悲賦客江邊鸚鵡已無洲

天門山

秣陵門戶是天門雙峙天邊紫翠屯落日雲連牛渚暝

中秋潮長小孤痕

潮汛至大通而止惟元夕中秋可達小孤

千年王氣從今

起萬里江聲至此吞南北自來爭采石開平功業與誰

倫

采石有開平王廟

螺磯謁靈澤夫人廟

夫人孫權之妹漢昭烈皇帝后也昭烈崩聞至自沉

磯

靈澤夫人死漢家何殊二女殉重華瑤姬一自辭巫峽

精衛千年恨海涯國賊豈能分曆數天威猶自振寰斜

永安哀詔驚聞日飛淚應沾白帝花

一逐長江下楚雲翠華望斷淚沾裙少康興日因姚氏

帝乙歸時是女君花落錦城先主憶月明瑤瑟逐臣聞

徽稱不愧同昭烈終古螺磯享紫芬

白嶽

拔地香爐是一峯長雲繚繞帝城重千年楠樹青霄出
百尺龍牀碧蘚封巖岫影連天子鄣風泉聲亂羽人鐘
天門久坐飛花上鸞雀紛紛不可從

嶽頂玄帝殿有額曰雲裏帝城

姑孰道中遇施虹玉返新安

時聞其親患病

姑溪相見卽分飛迢遞新安觸暑歸藥石分將慈母苦
雞豚餘得故人肥蘇耽亦念家中井萊子頻沾道上衣
此別泯泯珠海上書來先說是庭闈

寧都魏叔子季子隱金精山詩以寄之

螺川南上更登艦灘盡高臺見鬱孤秋氣驚來江上早

雪花吹到嶺頭無天留一劍知何意人在三門尚有徒
不嫁長沙仙女好金精高卧亦良圖

上十八灘

灘口雲峯萬朶迎瀾波直下虎頭城聲含亂石雷霆怒
光出陰崖日月生天險豈容南越得時艱先使贛江清
橫穿瀑布三朝暮上盡黃牛水未平

雙帆傾仄入洪波勍敵其如巨石多水底風雷爭噴出
烟中林岫暗飛過蛇蟠有氣吹黃葉猿飲無聲下綠蘿
未至儲潭猶險在且從中道玩巖阿

度梅關作

苦恨秦關一道通人如去雁與來鴻梅花但爲臺侯植
錦石難同陸賈封五嶺絲來稱塞上三城久已作回中
越王留得多豪俊戰敗屠睢最有功

八度人關逐雁飛寒門北去暑門歸黃金結客無衣食
白首爲家有翠微天下侯王須漂母先朝臣妾盡明妃
頻來空使梅花厭未見龍沙一奮威

梅關上有
額曰人關

過某明府金紫山莊作

解組歸來已有年韓城猶憶使君賢家鄰大庾因梅樹
夢繞羅浮爲酒田令子秦人矜勇力新姬吳女鬪輕妍
蘇卿墓上松南向羨爾曾攀漢代烟

君生子
上秦

過華林寺作

芳華舊是劉王苑咫尺鸞潭見海天蝴蝶繡從仙嶽至
菩提紗向帝京傳光流故國餘明月魂傍孤城作暮烟
春艸似含南漢恨依依隨客到花田

七夕咏璇璣圖

佳人織錦按河圖天上璇璣得似無文字能令棊瑟好
風流梅使蕙蘭孤牽牛此夕逢天女白兔他家憶故夫
手爪如君皆巧絕更誰山上采藤蕪

南海神祠作

扶胥江口水微茫簫鼓人祠百谷王萬派洪濤朝漲海

千秋絳節奠扶桑參天花倒龍宮影浴日亭浮唇氣光
聞道漢皇東渡急馮夷先爲駕鬪梁

寄魏處士

女中高士金精卧君亦狂歌在上頭王蠋自能存社稷
許衡那解讀春秋青天一半開奇石白水千家截怒流
教授莫辭多弟子異時王佐有人求

初至漢陽賦贈王別駕

鸚鵡洲西却月前茫茫江水接空天郎官佐郡還三府
夏口行春已六年北關早知廷尉直南樓重見庾公賢
漢陽有樹皆楊柳未識栖鳥向那邊

贈南雄某總戎

秦時南塞此雄州鎖鑰憑君控上游霹靂泉邊開大帳
梅花國裏坐臺侯家存兩代山河誓地接三城鼓角秋
幕府只今才子在移家吾欲傍風流

徐君自江左來廣賦贈

秣陵城北是花城花到君家色倍明黃菊去秋容我摘
白鷗今日逐人迎秦時梅嶺猶天險漢代崧臺亦帝京
憑弔定知紛涕淚江南人物本多情

得郭清霞書言欲歸老羅浮詩以速之

已報羅浮四百君君歸重挹翠氤氳金精不嫁長投髮

玉樹無親但抱雲象數早從仙易得文章應使世儒聞
芙蓉砂好皆塵垢丹竈何勞吐紫芬

秦風最善咏蒹葭我亦伊人在水涯南越重來應有主
朔風一別遂無家仙人樓託元東莞令子絃歌是白華
同在瀟湘吾獨返相思頗寄海天霞

廣州弔古

山川靈氣會都司舊作佗宮枕海濱一自名王來駱越
至今天子盡屠耆無才絕道稱南武有恨祠天殺貳師
邸第荒涼餘白艸牛羊躑躅爲誰悲

白雲山下卽龍堆舊日丁零大帳開奇畜盡從沙漠至
遠人兼帶雪霜來無多越女留炎微不斷明妃去紫臺
朝漢有誰還朔望雕青天子在蓬萊

三峯飛入越王城上有呼鑿古道平氣似穹廬千里接
風飄笳鼓一天清禪王父子爲燐火絕塞牛羊自盛京
山鬼招人歸白墓日斜林外有歌聲

懷仙曲

花入高雲月上天美人相繼作飛仙棺中綵履留何處
臺上青禽去幾年織錦悔教來粵嶠鳴箏休更問秦川
鴛鴦最是多愁思未到黃泉已化烟

壬戌清明作

朝作輕寒暮作陰愁中不覺已春深落花有淚因風雨
啼鳥無情自古今故國江山徒夢寐中華人物又銷沉
龍蛇四海歸無所寒食年年愴客心

焚香作

夜夜焚香到曉鐘鳴琴亦未綠塵封詩因五嶽辭多怪
酒得諸花味更濃欲補圖經先太華將營服食首喬松
乘時未敢頌爲客燕雀卑栖且一峯

壽水部太翁

水部風流動禁闈衮衣持作老萊衣天將一老留東海
國有孤臣在少微羽客羅浮來鳳子仙書林屋得龍威

退朝清興多絲竹一一笙詩奏不違

望晉恭王園

襟帶河汾玉殿長一朝弓劍委秋霜將軍死戰哀寧武
帝子生降恨晉陽馬首關山空落日城中歌吹罷清商
悲風處處吹松柏誰到并州不斷腸

南鎮

稽山形勝配朱天漢帝登壇肅豆邊玉笥宮藏神禹簡
香爐峯拒祖龍鞭風雲有氣生潭口虎豹無聲立洞前
十道河山勞作鎮更扶黃屋斗牛邊

墨胎

九世商侯是墨胎盟津肯爲武王來千秋書弒堪爲法
一代無臣正可哀灤水風悲孤竹里首陽雲掩采薇臺
黃農虞夏歸無處多事天生十亂才

范蠡

浮海鴟尾一棹多飄然應自老烟波身全豈合爲齊相
賞累將無愧越娥子死千金當市井師遺一策是巖阿
會稽山下餘湯沐士女猶傳采葛歌

豫讓

豫子元非刺客人青笄亦復識天倫襄君未肯誅塗廁
國士繇來重漆身三躍自應教出血一心端欲愧爲臣

悲風亂激汾橋水長使行人淚滿巾

信陵君

居門一自請侯嬴功業頻垂蓋代名六國兵歸公子將
諸侯客向信陵傾秦來早有河溝患漢過難忘俎豆情
毛薛復能令救魏始知賢士貴逢迎
函關西逐虎狼驚反間頻教事不成六國安危公子在
三年荒宴大梁傾難忘晉鄙猶多客未斬蒙驁更進兵
合縱自能存社稷不須賢佐得阿衡

虞卿

躡屨邯鄲路未迷頻捐萬戶去栖栖知人未得逢無忌

急士終難救魏齊窮有春秋猶可見愁因公子不須啼
艱難空使侯嬴惜白首無歸肯向西

聶政

鼓刀難隱姓名深車騎何來知己心仲子殷勤能具酒
夫人麤糲敢辭金直誅韓相驚雄劍不使秦王待雅琴
有姊悲哀頻殉義豈須皮面向刀砧

魯仲連

先生玉貌豈求人一笑全周四十春飛兔只應向東海
貪狼那肯帝西秦三公不易惟貧賤百世堪師是隱淪
此日飽焦方抱木非時難保白雲身

名駒千里不能干徐劫難將弟子看不使田巴談稷下
非關無忌救邯鄲山東一一知高節海上翩翩有釣竿
倣儻只今思畫策布衣未信立功難

伍子胥

簫聲淒苦入吳來隱忍能成報怨才縣目鱗門觀寇入
爲濤江上盪城開越人白馬何勞祭范子鴟尾亦可哀
入郢便應頻解印姑胥那忍更遲迴

燕昭王

燕昭信是霸王才得士望諸自魏來故鼎遂能歸磨室
黃金不枉築寧臺七雄獨爾爲宗國一戰還堪振有郅

誰肯千金充駿骨功名真自郭生開
君臣甘苦總相同二十餘年且暮中湯武仁聲雖未洽
春秋義戰此爲雄王前久已無師友天定那能善始終
三代至今人物少樂君真有卧龍風

趙武靈王

夢裏榮聲得孟姚英雄此劫恨難消美人一入吳娃館
公子頻從主父朝西上黃華河活活北窮大漠草蕭蕭
雲中有路堪南襲長使秦人氣不驕

四戰功高屢致兵河西攘地出長城招來騎射三胡畏
馳入函關六國驚上帝若能憐簡子美人何得與娃媿

英雄自作沙丘禍霸業傷心竟不成

荆軻

當年神勇是荆卿市上悲歌最有情豈必英雄工劍術
未應生劫待栗聲從容不俟蘭池客慷慨空借豎子行
枉使秋風吹易水白冠相送淚沾纓

蔣相如

鼓瑟邯鄲最有名秦王亦爲秦秦聲九賓未禮陰懷璧
五步何勞盛設兵御史直書真勇氣將軍多讓豈私情
雌雄不滯誰能似心折風流是長卿

宋武帝

司馬本爲神漢賊寄奴真是楚元孫中興自可爲昭烈
薄伐曾經至太原九世深讐雖已復千年正統未能存
劉何倘識春秋義應向君王拜手言

呂不韋

休言仲父更何親自是西皇太上身陽翟千金方返楚
邯鄲一女已亡秦春秋有作歸商賈賓客相將盜聖人
風俗至今倡樂盛史公何忍記桐輪

李廣

秋風吹老北平城飛將增人慷慨情長臂雙如猿有勢
大黃一發虎無聲隴西風節羞降敵武帝恩私悔請行

一石自從深飲羽至今鷓鴣過猶驚

和人岳王墓

鄂王墳上哭南朝聲落錢塘作暮潮鷓鴣草有膏成碧玉
蜀鏤無氣上丹青松楸亦向黃龍指風雨難將白馬招
今日却思和議好沙塲不恨失嫖姚

登岱

鴻濛一氣自天孫日月雙觀各有門萬物盡從青帝出
諸峯都讓丈人尊松間風雨秦時響石上烟蘿漢代痕
最是白雲多變怪誰從觸石見真源

魯宮

兗州聞有魯王宮未毀靈光與漢同可作東周惟曲阜
自來宗國是龜蒙龍興定在高皇後日出嘗瞻大海東
碧瓦雕甍勞父老年年淚灑燕泥中

玉殿猶存泗水旁何人海外尚從亡難教會稽還尊魯
未作沙陀肯立唐詩在諸侯偏有頌史書正月獨知王
波臣有意存遺腹會見朝宗是少康

漢關

黃雲不逐錦車還聖絕天南有漢關青塚易成蘭麝土
紫臺難作芎蘿山空將春色歸龍塞豈有長城在玉顏
才似少卿人更恨相逢無計與刀環

和人北固山下作

垂竿四十九鱸魚北固山前我不如花艸無情先白下
江山有恨首南徐金焦浩渺空天險龍虎盤迴豈帝居
最苦流鶯催淚易聲聲都是六朝餘

南海廟作

南越人祠盡祝融章丘平處有行宮三江水到扶胥大
萬里天歸漲海空潮汐舊從獅口入帆檣新與虎門通
天留一島蒼茫外可惜田橫事不終

扶桑影逐海雲過蜃物春來變怪多日暖羊城來士女
月明龍戶有笙歌家家水帝祠南海歲歲天朝使暹羅

漢將神靈劍鼓在風吹音響滿滄波

木末亭

木末亭臨萬井中遙遙正對孝陵宮九原未肯成黃土
十族猶然吐白虹自古以來無此死教人不忍作愚忠
雨花臺畔啼鴉滿血染薜蘿一片紅

想像忠魂在舊京君臣自此益深情佯狂豈是三仁志
哀痛猶傳一代聲往日衣冠留木末只今俎豆失江城
無多書種難留汝恨絕與王不愛名

兩粵督府祝啟詞

斧鉞東臨屢有年蠻方人賴袞衣賢不將南庫歸京闕

自作長城控海天七朶芙蓉珠斗曲一輪明鏡玉臺圓
無多香尉留州郡盡沐清風嶺嶠邊

鴛鴦蓮

友人池蓮歲癸亥有一花
色兼紅白以鴛鴦蓮名之

雄白雌朱一朶中鴛鴦共命恰相同東家傅粉嫌全素
北地調脂愛半紅池滿絕愁羅穢濕月明頻使玉壺空
田田葉裏開無數獨爾雙飛入畫宮

贈墨西

姬人姓陸生于高要之布水村與端溪密邇
予得之使朝夕在研之西磨墨供予揮酒故
字之曰墨西爲詩贈之

香溪一片卽端溪采得姬人字墨西水玉朝朝磨削笋
松烟日日染柔莢教成小楷書難已催作新詞唱未齊
善品水巖諸甲乙青花白葉滿中閨

琉璃研匣鎮隨身墨愛君房古色新王勃三升頻飲我
青蓮百首每催人初來往往春葱破久立時時翠黛顰
日用一螺殊未足不曾渴筆致卿嗔

少小長齋繡佛前前身應是散花天毘那一見全無病
居士相依祇爲禪每乞研金書梵唄時教潑墨作雲烟
爪痕多在曹娥帖紅染蠻花半鳳仙

贈香東

予得姬人陸女字之曰墨西越數日復得東
官石氏女使之司香而字之曰香東爲詩贈
之

鎮日盈盈紫几邊裙裾出入有餘烟含辭已似黃馨吐
取氣還將黑澗煎作配文人非艷福托胎香國本真仙
心花意蓋開須早證取圓通鼻觀禪

才名偏得鳳凰心肯卽雙雙果玉琴青身使來王母國
綠衣人出女香林袖中玉斗羊脂滑牀上銅爐翠色深
暇日每將黃熟揀珠蘭薰麝比兼金

綠珠自昔生南越碧玉繇來出小家典却寶書爲玉帛

迎來香室作烟霞青絲覆額如雲短翠暈拖眉半月斜
十五有餘弦未下水輪一倍吐精華

送人入巫峽

看殺芙蓉十二圖黃牛朝暮一人孤生當絕峽誰求女
化作名峯亦望夫辭賦不愁遷客少夢魂得似楚王無
香溪更與高堂接莫弔明妃淚似珠

重至何仙姑壇作

瑤壇東北是羅浮仙女殷勤爲二樓飛雪不教蕭史贈
采珠那與宓妃遊紛紛作使來么鳳一一翻飛向樂洲
輕舉只須能服食羽人何必問丹丘

奉和嚴藕漁宮允蒙恩予假南還述懷之作次

元韻

恩深正可遂初衣勇退繇來世所稀吳地菰蘆還獨往
漢家鴻鵠已高飛光搖白蕩多漁艇勢截長江有釣磯
咫尺桐君相伴好客星苗裔未全非

敕取新詞內使催中堂持草入蓬萊玄成諷諫書金上
太白清平賜錦回北關鷓鴣方接洽西山松菊又歸來
東隣嫁畢今無女歌舞何人更作臺

三時晴雨望高旻沮溺無心笑問津香艸未能忘楚國
桃花那識有秦人春秋義向漁樵重日月書歸草野真

遠志何妨爲小艸君歸更臥惠山春

炎方且爲荔支留藥市東邊問伯休三島易尋徐福國

五湖難上大夫舟珊瑚樹待漁竿拂簷荷花期野寺遊

寄語嘉禾供奉客更拋宮錦鳳池頭

供奉客謂朱錫嘯

舟入新興江將訪柴子有作

不知江口水聲分舟入千巘只爲君春盡林香猶作瘴

雨餘山氣未成雲白魚捕處禽多翠甘艸銜時鹿有群

咫尺松杉煙靄隔一峰長嘯萬峰聞

送潘次明太史

鶯脰銀魚蟹紫鬚垂虹更有四腮鱸君歸正及秋天爽

人去應同夜月孤衆女自來讒宋玉使君今復誤羅敷

相如病免風流甚辭賦紛葩出酒壚

門外烟波卽洞庭船浮鴨嘴出空冥休將拙宦慚漁父

更把狂奴笑客星蘼紫秋來調玉鱠梅紅春去醉香涇

蛾眉揚罷愁鄰女未得相隨返翠屏

謂朱竹垞

贈施少府

錢塘佳麗在才人別駕聲華動紫宸五嶺只今勞五馬

三城自此似三春應悲南庫惟珠海且喜東籬有葛巾

計畫軍儲多暇日相過詩句鬪清新

壽李番禺

青蓮昔愛崔秋浦鮑靚今留葛稚川清露自餐浮蟾外
白雲那到訟堂前難逢一代循良令欲獻長生內外篇
詞賦已光山水縣風流更有艸書傳

小除夕讌集張紫閣觀察署中同用杜少陵秋

興第五首韻

華燈一一似朝暉費盡明珠作九微銀管競從文帥奪

玉杯紛向酒龍飛葡萄點茗香頻至鸚鵡開花影不違

照映使君分歲席水仙無雪亦能肥

唐玄宗嘗稱張曲江爲文中元帥使

君別號曲江故云

峽裏

峽裏千峰似堵牆時時陰雨見羶羊雙江吐納桃溪口

一水滌澗蕉利鄉潮到蒼梧鹹味薄春歸員屋石花香

鷓鴣知是多情者日日催歸使斷腸

棧道盤迴出萬峰千金鑿破幾芙蓉心悲化石秦時女

淚灑啼猿漢代松巖除海棠終歲見林邊山翠有時逢

斜陽野戍休催泊乘月思尋峽口鐘

山翠鳥名

無題

媛老雙雙燕玉同况多沈水麝熏籠馬纓蝴蝶粧都好

鶯栗纓桃笑總工春色全歸朱閣裏輕寒半入玉杯中

紫烟不斷香狼藉曲曲雲屏隔盡風

馬纓蝴蝶二粧名

紅梅

生當屋角恨多陰
幾朵微紅半吐心
暖處易香嫌日薄
寒時難落怕風深
休教摘去圍雲髻
且使移來傍玉琴
小小相思憐不啄
枝間久立忽穿林

相思鳥名

自蒲澗入濂泉寺作

陰陰灌木夾山蹊
入石穿泉路易迷
虎去未寒苔上跡
蟬來忽斷竹間嘶
蒲根可食因多節
葉背堪書爲少泥
不雨水簾成滴瀝
夢魂清絕寺樓西

送姜克儉歸山陰

深秋豈是送君時
落葉哀蟬悲復悲
青歲自憐多獨往

白頭人恨少相知
風流南國無詞客
秀麗西家有美施
爲向若耶溪上問
蒼蒼苔色幾人思

贈黃叟逸閒

八旬有二鬢如絲
見我能文十四時
天爲無書留古老
人因有道得期頤
山蟬夜咽寒泉響
海鶴秋高白露姿
拾蕙相隨吾未厭
西郊煙水歲寒宜

汪子栗亭右湘吳子綺園屬山僧師古畫黃山

刪子寄予爲六十壽詩以酬之

黃山黃海白雲開
画取芙蓉六六來
三道天門三瀑布
一枝石笋一丹臺
煙霞作壽憑仙筆
嶽瀆難生是逸才

知爾竹林相待久會將舟向阮溪迴
一松繚繞一芙蓉松似藤蘿不似松偃蓋倒生多至地
飛枝斜出亦成峰雲林掩映皆巢鶴石笋參差是籀龍
多謝山僧能画得蒼髯巧作老人容

答黃扶孟

新安耆舊在人間不住黃山住白山司馬已能千賦熟
大春那得五經閒喬松自愛龍鱗老衰鳳誰慚雉子斑
念我白頭依膝下賦詩頻寄臥雲關

與君心結廿年知刪述垂名歲月遲太白狂歌人欲殺
少陵儒雅自能師長生但向文章得不死何須藥餌持

待我雲峰三十六饑來亦復一茹芝

喜謝修五歸自高涼

久成高涼宦未成悲歌日日答猿聲炎天少雪頭難白
瘴海多雷夢易驚家在長干迷去馬歸乘春色聽流鶯
新詩字字干將似一片寒光照不平

過馬佐領克起粵秀山房賦贈

一峰飛向穗城頭下有書堂傍藥洲驃騎不會躑躅鞠
征南祗愛注春秋朝臺古木穿雲上越井寒泉抱石流
多種芭蕉無暑入相將壺矢綠陰留

玉山南枕艸堂偏門出呼鑿古道邊九眼泉華朝吐雪

五層樓影暮含煙芙蓉秋到惟知醉楊柳春來只解眠
笑道將軍詩總好辭塲戰勝勢無前

過林子本茅艸堂奉答見贈之作

城東勝地是長塘汝作松坡一艸堂蘭蕙不教花箭少
荼蘼肯任露華香依依白首惟春色隱隱南朝祇夕陽
念我多情同庾信平生蕭瑟在辭章

開徑相招喜地偏因君來枕素琴眠黃花有節忘甘苦
白酒無心問聖賢山色每含朝雨冷海光時奪暮霞妍
貧中自得新詩贈不覺蠲愁涕淚邊

集梁季子齋分賦得魚字

故人有弟鳳城居門外寒塘洗藥餘苔色冷含丹嶂影
花光晴出綠天書香鱗正美櫻桃頰紫荔兼來翡翠墟
語我甘灘垂釣好潮平潮落總多魚

杜鵑花

杜鵑開及杜鵑啼柔柔猩紅踏作泥望帝春心煙雨外
蠶叢故國夕陽西將歸有客愁三峽再拜何人憶五溪
血灑至今花瓣濕鶯銜不忍過香闈

花朝讌集湯氏園亭作

緋桃掩映画橋東春到花朝影盡紅作暖池塘初有雨
吹寒楊柳只多風流鶯一一笙歌裏戲蝶紛紛士女中

但使主人能愛客名園易與辟疆同

立秋後一日崔氏樓雨望

秋來一日卽霜天細雨生寒盡作烟海氣不分平野外
山光如在夕陽前穿簾乍入蕭蕭葉繞樹長嘶咽咽蟬
樓好欲當明月立催人何處暮鐘傳

梅

紛紛桃李臘前開豈意春初尚有梅人戴一枝爲寶勝
鶯銜數片作香胎隨風未肯沾泥去化雪猶思入酒來
說面能令顏色好參差兒女滿粧臺

乍得

乍得春風不自持無人亦復舞腰肢白頭最恐花如雪
青鬢偏憐葉似絲有恨黃鶯聲咽咽無情紫蝶影離離
風流好向靈和殿更與嬋娟鬪翠眉

湘江曲

九疑點點是離愁淚作瀟湘萬古流梧野至今迷玉輦
重華何處得珠丘遺宮髣髴當南嶽舊事蒼茫問白頭
騷客自來傷帝子况逢蕭瑟洞庭秋

寄懷毛翰林大可

苧蘿今日生才子絕似施家又一西文研定裁紅粉石
墨香應注浣紗溪多錢方朔頻辭帝無子商陵不去妻

最善六朝兼沈宋新聲妖冶使人迷

大可生蕭山嘗云西子是蕭山人見

越絕書

太湖懷范大夫

風流誰似大夫長一載西施遂渺茫佳麗至今餘笠澤
精靈何處不夷光洞庭花枕魚鱗屋脊口雲連玉屨廊
終古紅顏感知已春來爭薦早梅芳


自中宿上韶陽道中有作

二禺離合自羅浮三峽滄迴到鬱洲螺女望夫山石老
秣鵲思婦野雲愁何心帝子偏長往有恨王孫定久留
最是南朝餘古木蕭條落葉易高秋

險絕飛崖半壓舟紛紛象馬石當頭風教急峽三朝過
雨遣驚灘一日留山鷓催歸知有夢野花多故肯忘憂
迷津欲向煙波問漁父無人祇白鷗

一重煙雨一重愁深掩蓬牕聽濕流多羨無家惟白鷺
絕憐如故是黃牛漁燈稍辨沙邊驛戍角頻驚江上樓
垂老始知行役苦於陵衣食向人求

屈翁山詩集卷第五



University of Washington Libraries · U.S.A.

屈翁山詩集卷第六

鴛水徐肇元掄

選

周源長荆思
徐起元瀛奇

校正

五言絕句

古意

美人攬明月盈手似瑤華欲贈離居者徘徊秋漢斜

桃葉渡

二月江南望桃花爛似霞人言桃葉渡桃葉勝桃花

湖上

春草接姑蘇春烟望漸無愁心與春水流滿莫愁湖

雷塘

一片裙腰草雷塘接竹西春人無限恨付與乳鶯啼

畫馬

千里驕驄氣飛揚尺素中可憐曹霸在淚與汗花紅

秋夕別岑公

一片他鄉月秋光亦苦辛每從風雨後來照別離人

贈雪公

落落羅浮松皎皎耶溪月將月挂松端清輝兩寥泐

日出曲

日出罷新妝珠簾映水光采蓮儂不去湖裏有鴛鴦

孟津口

金谷多麗人采芳孟津口願作芙蓉花葳蕤入素手

舟中

一夜河冰合舟行須日出日出冰亂流含風響蕭瑟

日目黃河曲烟波一片愁誰言漁父好白首此孤舟

過十八灘

片帆穿亂石利涉仗舟師却恨灘流疾奇峰過不知

定情曲

羅浮蝙蝠紅雙宿芭蕉葉相與帶枉身媚郎兼媚妾
願似蝴蝶花花開紅燁燁花落隨風飛復作雙蝴蝶

左種合歡花右種相憐草人情有盡時花草千年好

江潮曲

兩潮相合時不知早與暮與郎今往來但以潮爲度

秋水

秋水何青青菖蒲花可采不忍浣羅襦美人淚痕在

歡如曲

歡如垂柳花妾似垂楊葉花飛向春時葉落當秋節

柳枝詞

郎情柳葉短妾意柳枝長願作柳花飛隨郎還故鄉

青樓曲

楊柳垂千縷風吹掛玉樓美人憐不折欲繫紫驂驪

春水

春水連桃葉垂楊滿石城興亡無限恨啼殺六朝鶯

夢衣行

有序

冬夕宿維揚客舍夢孔君遺予繭襖作

夢中一故人嗚咽持相語遺我一繭袍中有綿與絮
夢中食君食夢中衣君衣安得長夢中與君不相離
有懷

蟋蟀吟芳砌芙蓉落碧池如何秋夜月祇解照相思

秋夕

相思夜不眠，衾薄寒初怯。可憐秋雨聲，只在芭蕉葉。

黃山寒夜作

三十六峰東，蕭蕭枕簟風。夢寒飛不遠，只在亂雲中。

鶯脰湖作

雪助湖光白，風開野色新。白鷗相識否，前度弄梅人。

一冬

一冬不曾寒，新年寒始極。多謝澗邊梅，報我春消息。

題攝山亭子

石多泉仄出，花密鳥斜飛。坐愛莓苔好，青青欲上衣。

瓜洲問渡口號

江皋寒日上，霜氣自成烟。渡口無漁舸，踟躕宿雁前。

白露

白露紛如雨，林深落有聲。蝶沾裙繡溼，花濯粉光明。

欲雨

欲雨鳥聲亂，先秋林氣清。葉疎桐見子，花重菊垂莖。

酌酒

滿酌當秋色，微歌得麗華。芙蓉猶自醉，詎可不如花。

生日覽鏡口占

生日當秋盡，衰顏滿鏡中。芙蓉誰得似，朝白暮還紅。

梅花村作

花發當村口牛羊踏幾層仙人餐不盡多半化爲冰
苦風號子

朝朝牽百丈苦恨打頭風山水憐予甚相留作釣翁
出京江口

至此風濤濶江聲作海聲飛飛兩浮玉欲與白波平
題青溪姚氏所畫梅花冊子

自有青溪客梅花盡姓姚羅浮千萬樹開落向生綃
觀瀑

白晝泉濛濛乍看若烟霧風吹忽倒飛半挂崖邊樹
對梅

只須開一樹香已滿舍風清絕無魂夢相看至夜中
春來春不見春只在香中春與香無別氤氳滿碧空
不須過隔浦香自逐人來多謝春風好枝枝吹得開
歲寒群動息驚見早梅新一夕衝冰雪春光漏與人
南國雖無雪紛紛在鬢絲梅花吾與汝同是白頭時
花蒂雖云弱凝冰凍不飛春風最相惜吹上美人衣
葉盡花全放枝枝透月明影從人外散香以夜來清
欲折枝高出烟凝望欲空光生三徑月香作一林風
夜來庭砌上使我月明多一片如冰雪流光奈爾何

統扇詞

統扇先秋棄徒懷明月新自憐妾命薄不敢妒他人
覽鏡

霜雪欺玄首秋來見幾絲多慚明鏡照正是始衰時
耶溪

春水沒湖堤舟平與草齊荷花都解語莫向若耶溪
一片耶溪水佳人拂鏡過至今生齒替香比洞庭多

舊業

舊業多花藥歸來春正妍羅浮峰四百一日一峰眠
入蘆苞水

一水穿深竹孤舟蕩晚風但沿明月去忽與大江通

送客

歲暮陽關路愁君匹馬行離心似春草一夕雪中生

梅關道中

窮寇臺關路蒼松夾嶺斜鷓鴣蠻女曲茉莉漢臣花

對花作

芙蓉三日醉齒替一秋香白首難忘汝相依此瘴鄉

寒食

煙雨催寒食江南又暮春可憐三月艸看盡六朝人

吹笛

吹笛關河夜衣裳清露滋誰能見秋月不起故山思

暮天

暮天稍晴霽雨氣白成雲月出爭殘日林光兩不分
從石濤禪師乞花插瓶

方丈多花發秋深恰似春從師分數種來伴坐愁人
最是芙蓉好枝枝拂鏡斜幸無頭上雪不怕笑人花
花中誰得似長是老來紅折取當明鏡衰顏欲與同
立冬前未冷已是放梅時一朵開方半人從定裏知
花愛仙人好相將隱玉壺不知花主意肯割數枝無

十五

十五乘潮女清歌過若耶因生西子地顏色艷如花

春日曲

流鶯無事極啼遍落花前笑殺垂垂柳臨風只愛眠
辛苦黃鶯汝聲聲爲別離盡將闌裏意啼與落花知
日暖人多夢春來物有情林花知客恨開落不分明

夜蘭

風露夜有香知是幽蘭吐山人每不眠聞香得深悟
幽蘭開向夜風露自成香欲得蘭膏飲穿林至石梁

寄黃山道者

松枝多變花怪絕似諸峰疑爾黃山客前身亦一松
松與峰爭怪盤旋勢萬重有時蟬脫去一半化爲峰

蕉林作

蕉葉何嘗落葉時可作書繞庭三十樹人道綠天如

灞橋

折盡東西柳銷魂自漢時人言枝上鳥總是一相思

鳥名

贈長安田十五

珠斗城邊落詩才麗絕倫同心梅與李共作上林春

白鵝潭

江至鵝潭濶春來益渺茫中流波浪起愁殺捕魚郎

觀海

有天皆化水無月不生潮萬里長堤外波濤極沃焦

白華園作

舒卷因風雨芭蕉亦有心秋來無一事葉葉寫新吟
水氣含雲白山光吐雨青帆低爭拂樹過我浣花亭
雨隨雲氣去雷逐電光來爲愛秋涼入軒窗面面開
溪鳴知水漲木落覺山空野鹿閒相過黃花食一叢
雨含黃日氣野外半陰晴處處陂塘水秋來一夜平
紫蟹得霜肥銜禾上釣磯閒垂兄弟釣更得白魚歸
一片空濛裏泉飛似白雲隨風將落葉總作雨紛紛
階下多孩菊庭前復女蘭汲泉頻灌溉持作老親歡
一陽生小雪梅蕊已紛紛夢裏知開落香多竟不聞

香好消魂夢氤氳至夜分餘烟飛不盡凝作半牀雲
蠻瓜爭絡樹梨實共垂垂未忍除花架霜風任倒吹
階葉飛難遠依依故樹邊朝來含白露知是淚痕鮮
何處忘人世平生此石牀秋來難出戶恐負菊花香

秋日挈舟茉莉沙追送孔參軍卽景口占以贈

其行

雲邊風路小雨外日光微最惜橫江石無人作釣磯
花搖知白鷺水落見紅螺一片蕭疎雨聲先到芰荷
雙槳逆風潮心飛不覺遙送君無一語嗚咽是南朝
幾載爲閒吏何曾可代農君前多祖禡柳下不須恭

寡過期中歲人人亦可師君行苦離索悵望復來時

弼唐村卽景

一水細通潮帆低屢過橋陰陰榕影下漁父不相招
片雨從西至開門爽氣侵蟬聲似溪水流入野人心

持蔬軒作

月出雨猶滴微光似在林蟲寒聲漸小不忍到愁心
蟋蟀寒相語聲聲有所思思君似初月相照未多時
芙蓉白復紅向暮解還童更拒秋霜甚凝粧在月中

菜圃雜咏

又見梅花發枝枝影向西可憐千萬片飛不到潛谿

汪有

扶晨者家在
潛谿故云

紅翠雙入簾知自羅浮至口銜麻姑書催我營春事
春已滿浮丘花開多異色生憎小鳳凰向我花上食
負杖還墟落韶光正及春澗花欣有主山鳥喜無人

隔牆桃花

東家復有春繡上一枝新未得春風吐天天已笑人

訊汪子

君在黃山口桃花十里長不知溪上水流得幾峰香

舟行

勢急潮相疊秋來水益驕漁舟無旦暮只是弄江潮

西樵與客賒酤口占

貫酒白雲西相將玉手攜無錢吾自分門有瀉錢溪

嶺南旅懷

代

客心與春艸一路接江南辛苦催歸鳥朝朝向片帆
荷花已成子荷葉復成衣一片蒲葵扇團圓欲寄歸
炎海少秋霜葉紅因客淚因風片片飛飛向江南墜
南枝能作花豈若北枝好霜雪平生心歲寒聊自保

冬

春怨

春來只煙雨何必更留春啼鳥聲聲恨情多太管人
桃花元有淚不必雨啼紅滴滴蒼苔上吹乾恨曉風

春山無遠近雨過總青青雲作蛾眉黛愁人是翠屏
春色已牽腸何須柳帶長海棠經淚洗花白似秋霜
題南園綠艸飛蝴蝶圖

蝴蝶與芳艸相憐不爲春羅裙深淺色愁殺冶遊人
浙河夜發

落月依荒戍流烟暗裏河紛紛舵樓女未曙唱吳歌
粵客龍鬚席吳娘鴨嘴船一聲蘭槳發驚起月中眠

梧桐

子熟無飢鳳枝枝墜露清只須三兩葉便可作秋聲

破苔

忽破苔痕去微微屐齒餘落花真妒爾片片在裙裾

落花

未忍委蒼苔含情向玉杯東風如有意吹上故枝來
鳥聲催雨至向夕又春寒花片不飛去圖君拾取看

題畫

石上一仙夫箱中五嶽圖不知張孺子識得老人無

廣州花朝

花朝花已盡祇有絳桃肥梅子青青好流鶯打不飛
海棠晴暖候紅影滿春山朶朶如醇酒醱人白玉顏
葉惹鶯毛綠花粘燕嘴紅生憎聲睨睨一一入愁中

浣紗女廟 在真州

得此壺漿女千秋兩浣紗真州祠下樹香接苧蘿花

傷春

大小過寒食傷春淚未終可憐花與鳥都作杜鵑紅

雙燕窩

從化有殷氏女未嫁聞其壻死卽自經兩家
合葬之號冢曰雙燕窩

雙燕復雙燕生時不相見相見在黃泉雌雄何婉孌

媚歌

持贈綠金蟬爲卿釵上飾雙棲未槿中相媚情何極

郎是簪珠兒儂是惹珠子自憐同一珠甘苦長相似
蟾蜍月中獸生與嫦娥居多謝思君夕流光滿玉除
暮來粧閣冷風使雪花多若作春楊柳當如飛絮何
不種忘憂花但栽懷夢草夢長在君傍何惜憂終老
鏡好終雙照粧成覆綠紗墻陰休灑淚恐作斷腸花

示閨人

酒豈蠲愁物須卿夜合花端陽多采得日夕泛流霞 唐杜

羔妻趙氏每歲端午午時取夜合花置枕中羔稍
不樂輒取少許入酒令婢送羔飲之羔卽歎然

古意

點點越羅衣桃花作淚飛鷓鴣如有意爲喚阿郎歸

梅花下作

向日開偏早清多亦畏寒不知香欲滿尚作白雲看
未出疎林外幽香在薜蘿夜來全不見却恨月明多
山鳥向人喜梅開已滿枝衝將三兩片欲點美人眉
亦知花定落不敢恨東風若是餘香在魂消一片紅
花發先春至春風尚不知年年同白首多在苦寒時
故人惟汝在不道是瑤華香外無知己氤氳自一家
孤榮亦已久清絕自無人幸在雲山外長舍太古春

潭上作

魚食白雲影不知花滿潭持花作香餌却被白鷗銜

怨歌

一春多淚痕苔上無人掃化作斷腸花復爲斷腸草
昔愁杜鵑多今恨杜鵑少杜鵑爲我啼莫惜到天曉
苦愛猿啼好猿啼易斷腸斷腸今已矣化作望夫岡

新竹

數枝香粉嫩籜解卽琅玕未忍青青玉持將作釣竿

題朱太史小長蘆圖

烟水小長蘆微茫子大夫不知垂釣罷亦復著書無

畫竹

幾葉開筍谷蕭疎已作秋筆端烟雨態爭向管姬求

瀑花

瀑花無大小吹落總成冰一夜風含凍群峰雪盡凝
敲泉驚宿鳥乞火動隣僧無與共吟嘯呼猿下古藤

讀史

可惜縱橫客尊周計莫陳魯連如不死天下豈爲秦
寒食北望燕京作

陵園那可望萬里冷烟迷辛苦子鵲鳥年年向北啼

湘中

湘中聞欸乃泣舜有餘聲斑竹蕭蕭暮風吹無限情

詠張麗英

純扇光如月佳人作鏡看紫雲俄鬱起石上駕飛鸞

紅豆曲

江南紅豆樹一葉一相思紅豆尚可盡相思無已時

楊柳枝詞

誰家遊冶郎日日章臺下多謝楊柳枝爲儂繫驄馬

若耶

三十六溪水合爲若耶流曾經西子照清似鏡光浮

鏡湖曲

白雲何氤氳流光不可掇夜夜鏡湖中爲予拂明月

酌酒與徐撫辰

白髮慚春色愁心似落紅葡萄君不醉何以受東風
鐵橋

二山相接處賴有一飛橋天作羅浮帶無令逐海潮
種蕉

愛聽疎雨滴窗外作蕉林靜久無魂夢秋來徹夜吟
秋夕作

松露鶴邊滴清吟滿石牀夢中驚是月起視白如霜
題王三丈手蓉閣

清嘯復鳴絃樓開太華邊風吹玉女影朝夕在窗前
蝶

白白復黃黃雌雄知幾行春風吹不亂各自宿花房
林下

林下逍遙甚猿裘與鹿巾欲蠲霜露疾多飲太和春

五言排律

華嶽 百韻

至道生元氣神仙結混茫靈胡開華嶽少皞主秋方肅
殺清天地明禪悟帝王軒遊受圖籙虞狩會衣裳萬壑
懸河漢三峯壓雍梁冠危司寇立鼎聳紫微妨井鬼精
相接嵩衡影在望輪牙千仞關峪口一夫防垂峽天如
練橫溪石作航樹陰交茂密泉響擊砰磅太素芙蓉發
眞元玉井藏雲霞天四塞混沌帝中央千葉擎珠闕三
花滴玉漿蔽虧秦日月照映漢旂常登巘森堂奧攢霄
亂劍鋸潼關收虎踞沙苑放龍驤表裏金城擁縱橫錦

幔張我來凌百二仙舉出陰陽霧入張超市風窺玉女
房胸襟披早爽吟咏寫清商踴躍牛心谷徘徊古柏行
一天通箭括九地出車箱鑿翠成飛棧嵌空作曲堂鞠
躬過搦嶺垂足度懸岡自汲憑雙綆人騎向一梁竇中
穿窬窳阪上躡毫芒慘澹愁春靄淒寒怨曉霜屬厓頻
甌耳沿澗幾迴腸蟲履扶天柱滂沱哭帝闕小心恒惴
惴高視每洋洋但使玄都達安知玉趾傷歌翻風浩浩
渴挹露滾滾壁笑飛猿墜龕憐白鹿翔憑虛驚禦寇履
險藐瞿塘舞袖迴高掌琴聲挑玉姜蓬壺雖有引溝壑
未曾忘八極開揮斥群真凜拜颺懷柔思哲后宰割試

封疆金主驂烟至甄蕭向日粧霓旌互摩盪鸞節共趨
躡光彩紛離合忠誠一贊襄神京鐘鼓在王母簡書將
遺壁傳龍死奉蘋弔國殤爲旒師蠱蠱如帶恨湯湯寤
寐宗周久經營陝服長商顏猶曉霽渭汭且浮觴禾黍
哀何極干戈命靡嘗西昏逢曉谷東旦想扶桑勢蹴中
條裂流傾星宿黃真形含齒齒盛德見圭璋秉炬三公
穆生華庶物昌萬巒朝落雁半榻卧修羊鬱鬱莎羅木
陰陰罨画廊香爐氛瀝霽金檢色暉煌與府長司命中
華此扼腕嶠陵接風雨蒲阪列屏障瀑布瓴長建桃林
甲莫當逡巡還六國約法待三章昔我明高帝興基邁

古皇齋心恭默後飛夢削成傍聖藻輝巖岫文思格昊
蒼蓐收迎羽葆白虎奏笙簧社首遲封禪華胥享樂康
天威瞻咫尺仙樂聽鏗鏘繞指潛幽阜攀髯墮大荒壺
公暫肥遯箕子久佯狂戰陣存碁石機衡運算瑤臺
何偃蹇姣服自芬芳躡捷時爭鳥超騰或射狼鈎梯窮
上下博箭賭興亡有母悲三北無人繼一匡季龍偷玉
版交甫失明璫丹笄干雲直青柯拂雨涼坪前三輔小
谿底四州強太白皆孫幹岷峨是女墻終南相倚伏雷
首乍低昂霰雪秋顛冷芝苓夜有光雲英堪沐髮石馬
欲施韉絕頂誰盤礴明星獨頡頏丈夫臨乳洞童子執

油囊不死何須藥無生自有鄉淵明難止酒弘景早休
糧姑射真冰雪神堯亦糝糠洗盆通渤海御道跨欒槍
同澤分毛女承旂儼鳳皇波濤奔楚鄧蟻蝶化民羌豐
鎬勞經緯崑崙賴紀綱孤根標不止變態浩難量赤縣
今淪沒黃巾昨擾攘鰲吐坤軸動狐嘯盜兵倡發憤吾
安往飄零道不祥思從椀檜麓永解蕙蘭纒構宇仙人
矻移家天子鄣翠溝種瑤草勞石佐神香鶉首天方醉
蛾眉世不揚將軍松落落太上水泱泱但自調干羽何
煩缺斧斨聯明歸峻極膂力養方剛申甫鍾何晚桓文
履未減希夷不蟬蛻更掃讀書床

留別傅應州

雁門橫代郡龍首跨雲中
霸氣沙陀壯邊謀主父雄黃
花開嶺北漳水遶城東
歇馬斜陽盡懸軍古戍空
賦成
投太守繻棄識終童
清夜壺觴合高秋射獵同
黃羊行
美酪紫克落雕弓塞色胭脂暗
邊聲感築通鍾靈尋鳳
井駐蹕問龍宮
漢帝巡沙漠天威起大風
州有佛官寺
爲成祖武宗
駐蹕之處寺中一木塔建自遼清寧三年成祖
御筆題峻極神工武帝題天下奇觀各四大字
聖藻峻極嘆神工誰造于華塔真疑一柱功
榱梁爭龕
黍戶牖競玲瓏層構如樓閣孤標亦華嵩
針芒先不露
斤斧後應窮
甲子完顏記瓶沙大士聰參差無接笋紆

曲似垂虹萬象金波麗
諸天翠靄蒙登臨收海嶽指顧
盡荒戎茹越連疎木桑乾起暮鴻
使君饒逸興賤子一
悲翁暫握青霄手全披曠日夷草書
追內使詩序托孫
公白晝絃歌洽陽春
兩雪融清揚憐蔓草奇響愛焦桐
關隘逢天險藩屏賴爾躬
微言能玉振大蒐必車攻
厲聖惟狂狷從龍自鎬豐
交情存寶劍岐路指花驄
愁絕頻分袂陽關唱未終

雁門關與天生送曹使君返雲中四十韻

趙塞樓煩北秦城句注東
天懸雙闕峻地壓九邊雄
陰積龍堆雪寒吹馬邑風
關雲迷白雁江樹憶丹楓
凭眺

貪形勝追陪得鉅公醉揮軍幕酒吟送使臣聽事業悲
流水文章慰轉蓬詩亡宜發憤年長已成翁李子才何
傑曹侯道故通墳篋開樂府袞繡麗天工清廟朱絃似
西京大璞同神人欣唱嘆雲物接昭融好我貽金石遊
仙問華嵩勞謙能罄折駕馭必車攻阮籍沉酣後梁鸞
賃作中市塵藏遠蹈毫素托深衷正始音相應延陵聽
獨聽黃鐘驚靡曼香草拾童蒙出處忘陳迹箴規向薄
躬金丸當穉鳥玉軫飾焦桐化理論無始交情勉有終
烹魚須漑釜射虎爲張弓飛將材無讓宗周夢未窮宣
威聊鎮朔賜樂在和戎鉅鹿藩京邑飛狐扼代宮孟舒

惟布德蕭相肯居功吾輩慚狂簡君心愛朴忠春秋存
草野黃老謝鴻濛赤舄堪隨旦丹砂不問洪乾坤雖朝
漢日月自房櫺別緒紛春霰離憂急草蟲揚旗過廣武
倚劍失崆峒饒吹桑乾遠臺門北嶽崇黑河霜慘淡青
塚草朦朧願寄沙陀札來招桂樹叢白登思繾綣陰館
恨倥傯遼后粧樓古蘇卿廟貌隆五言冠冕在一代舞
歌空餓渴依殊域精靈格上穹何當清渭獵車後載蜚
熊

壽尹太翁二十韻

二嶽羅浮峙三門漲海通神仙多窟宅造化在房櫺大

老元姜父真人是尹雄角應生左鬢光已轉方瞳井有
丹砂汁堂多桂樹風兵鈴開大鯉王獵待非熊往日爲
郎早籌邊奏草工老臣方祭酒令子謂餘已傳弓璞玉
人難器鹽梅望正崇今朝持大斗與客上新豐所居名
柔色思春草精心格上寫靈芝宮闕似巨棗瓠瓜同玉
杖敦三老丹經得八公笙詩尊絳萼舞曲艷驚鴻物貴
珊瑚市人歡簷蔔叢鷓鴣峯拱北蝴蝶洞朝東雨滴黃
旗翠花流碧甲紅登臨長自樂吟咏晚逾攻神器須黃
綺名儒必馬融願言頤養備與道共無窮

山澗關

一線巖關在神京此大門潮聲吞渤澥山勢接崑崙獨
扼遼東吭深盤碣石根黃榆連漢壘白草帶秦垣頃者
遭龍戰諸居起虎墩乾坤歸大漠鎖鑰失雄藩枉設西
洋砲頻降上將幡花門空飽肉青塚不歸魂日向雙笳
落雲隨萬馬奔我來繡屨棄誰見節猶存鴻雁虛驚箭
驂騑正伏轡雪花千里捲旗影兩河翻天險嗟如此丸
泥莫可論徒憐徐國烈辛苦爲中原

過吳不官草堂賦贈

今日東林社遺民半入禪君棲洞庭館不異虎溪邊斂
性成幽石行歌徹紫烟門臨響水澗家有梅花田橘柚

香無數楊梅紅更然琴書開暖日雞犬散晴天竹笋穿
苔小銀魚入饌鮮采蘭陳膝下弄鳥向堂前昔我滄洲
祖人稱萊子賢高堂過百歲白髮奉雙仙孺慕今惟子
南陔復有篇白華朱芻好相贈兩流連子高祖滄洲公
行年九十奉百
有餘歲之父母以至孝稱今不官年六
十其兩尊人皆八十餘歲故詩及之

粵臺懷古

百粵稱天府雙臺眺碧空海吞南武郡山枕趙佗宮珠
市鮫人集金門蜃氣通潮飛千嶂白花映半天紅遊女
雲邊艇都人果下驄洲形斜偃月草色遠含風笛弄沉
香浦鴈浮桂樹叢衣冠分建業井里比新豐久變蠻居

俗長懷割據功交州元險阻越尉亦英雄黃屋扶桑下
朱旗旭日東秦皇難再世項羽任重瞳虎視曾何益龍
興自不同匹夫休叱咤三傑正和衷卒致殲垓下何妨
王漢中任讞謀畧善陸賈笑談工立國聊乘亂稱臣遂
効忠春秋朝袞冕關塞罷兵戎翠羽鳴浮嶠繁葩落刺
桐仙靈多窟宅芝朮勝華嵩五嶺堪棲隱中原尚戰攻
寧求勾漏令早作浣花翁三寸留侯舌千鈞李廣弓飛
揚心未已導引術無窮月出扶胥樹霞橫朔漠鴻騎羊
人已去舞劍曲初終踪跡雖飄梗精誠每貫虹言尋廣
成子長嘯上崆峒

秦嶽

玄黃相噴薄氣結金銀峯青帝行春令中天作岱宗鮮
霞亂滄海初日上芙蓉御道盤三觀虛壇倚五松無人
探玉牒獨自聽霜鐘樹接蓬瀛近雲遮齊魯重明堂留
漢跡梁父失秦封瀑布橫天白桃花帶露濃仙人飛不
下玉女笑相從縹緲星河外迎予一白龍

濛濛巖洞裏元氣有周秦萬物生青帝羣峯拱丈人天
雞呼日早仙閣出雲新濯髮攀河漢冥心見鬼神琴聲
流衆壑劍彩繞孤身長子惟南面天孫有大春命長凝
木火精已作星辰雷以三陽壯龍于正月屯望中愁繫

練行處想扶輪忍使乾坤失蒼茫淚滿巾

西安別沈太史

有序

太史聞予登華嶽賦詩至數千言嘆爲曠世
奇男子相見西安情意甚歡淡旬而予往代
州太史亦還京邑知己難別辭旨纏綿因並
述其先人道學以爲贈云

北斗秦城直南山漢關連龍興三戶日虎視八州天往
事浮雲裏遺基蔓草邊二南王道蕩四塞地形偏設險
資豺虎居中憶澗灑深仁垂百世大義劫千年弔古心
空愴逢君賦遂傳焦桐頻並瑟老驥漫當鞭霹靂中郎

側飛揚伯樂前交情忘出處世態苦推遷吾道宜貧賤
斯人亦市廛君公牛自僧叔夜鳳難鶩愛爾南邦傑今
時太史賢石渠昭著作梁苑荷陶甄雨膏曾分陝謀猷
迥濟川青雲雖奮發白屋更周旋玉笛胡床弄襜帷大
道塞右軍神曠曠洗馬興翩翩捉塵驚河漢揮毫慘霧
烟草書團扇重誤點画屏妍恢廓承家學精微在研田
而翁垂素業當世奉韋編經術尊劉向詞華老伏虔明
堂遺太玉清廟舍朱絃金石商歌出蘭蕙楚佩鮮鄉人
修俎豆弟子典牲牲大厦崇堂構名山肅几筵孝思誰
不置善述汝無愆台輔寅恭後人倫表帥先舉觴稱雅
頌把臂向林泉別緒章臺結離憂易水懸出關歌不已
折柳意凄然白馬東之代黃金北赴燕灞橋分手處相
望在貞堅

代贈王海憲十六韻

南武稱天府城臨百粵雄山川多霸氣割據有遺宮夫
子來開府諸侯早避驄宣威鮫浦上乘憲象林中界桂
熱重建戈船策更王夷吾籌煮海越石賦扶風上郡君
安人多豪傑橫行獨乃公神靈鍾太華劍履下崆峒豹變
眞君子龍驤是阿童年時冠獬豸衮職補華蟲謨似臯
陶告詩將大夏通鼓鐘開板屋琴瑟待焦桐吐握符璽

且仙靈問葛洪作人持玉尺求士得冥鴻憶梯垂天德
神明作聖功願言逐裘帶長在藥洲東

賦贈秣陵某方伯

南國當珠斗東山得袞衣開藩龍虎地敷政帝王畿召
伯多陰雨君陳在紫薇歸心先白屋入夢卽黃扉海內
難藏富朝端有作威蒼生瞻岳牧令子贊庭幃孝友陪
張仲文章接陸機江山三楚是花柳六朝非北海尊能
滿西園賦不違謝公墩咫尺相賞及芳菲

賦送鎮安別駕

邕州千里外上府萬山中地與交南接官于太守同威

靈千騎入德教百蠻通銀艾腰方始金標立未終聲詩
開子女明信薦王公吹管消春瘴揮琴送夕鴻玉壺長
注露銅鼓靜含風雨散雷高山翠霞連海角紅懷人東
莞遠平佛日南空四塞當天險三年奏土功看神雀
下褒語出深宮

代挽楚撫軍

形勢推荆楚朝廷倚棟梁安危臣弟在眷注帝心長北
闕懸黃鵠南樓啓武昌綢繆多牖戶鎖鑰幾封疆梁木
俄然折連枝更可傷精靈憑將士涕泗滿湖湘文武今
誰憲神明風自強猷須元老壯兵以丈人祥七載忘裘

帶三年缺斧新瘡痍猶未起衽席總多方殺氣愁金齒
妖星恨火房推心消反側奮臂作金湯德潤如陰雨威
寒儼肅霜王侯回汗馬父老只甘棠碣爲神君勒書探
武庫藏彌留猶請命感激每飛章往者緩江左蒼生戀
袞裳流離憂水旱博濟及炎荒玉七廻剗瘵金標立紀
綱九重喉舌寄萬姓藻蘋香送有司空命重開僕射堂
位雖高虎拜壽未至鷹揚部曲傳兵法宸居念國殤觀
歸遠海上舟過秣陵旁形影孤花萼肝腸斷雁行哲兄
存少保令子得仙郎繼述應無忝忠勤定不忘詔先崇
俎豆勲益重旂常洲草凋鸚鵡山雲慘鳳皇英魂終正
鄂同氣永參商藥石那能視人琴並已亡家風餘白簡
世業更青箱絮酒隨河伯雲旗指點蒼千秋友于痛嗚
咽此斜陽

上兩廣制府

南嶽諸侯長東西節制同建標蠻越界開府尉佗宮虎
拜從文祖龍驤是阿童文昌橫大帳武庫滿彤弓喉舌
持珠斗精誠致玉虹富民應日引享帝已年豐嘯咤雲
雷起經營土宇雄益初方大作升五正多功階陟嶽臺
峻樓懸澀水崇炎天霜肅肅晴日雨濛濛蜃吐朱旗氣
鷹吟白簡風垣墉那有隼衽席盡如熊赤舄居無外黃

寰美在中鵝雛生八桂鳳子出雙桐客宿依牛女王基
間祝融文章持正朔雅頌托宗工禮樂興方始春秋注
未終神明因有道鼓舞自無窮折節先巖穴居身必華
嵩門餘鳴劍客座得浣花翁賤子欽威重愚生抱困蒙
恭聞三吐德願效一言忠文獻悲當世剛修愧在躬網
羅千卷失箴縷百家通淵府推吾相裁成望吾公敢將
黃老進安用大師攻作序求皇甫爲金笑葛洪書繁難
繡版力竭爲雕蟲桑梓憑茲答權衡苦不聰自媒將拙
賦應得當虛衷

閩江樓晚眺

樓在
漳州

水截崧臺下牂牁一大支天教雙峽束地以一樓持雁
塔穿窗出漁帆逐檻移飛甍交木末倒影亂榕絲吞吐
無三越浮沉有二儀基從千仞起勢似一峯歛曲折霞
城外氤氳露井時自成盤石固不厭定山卑北斗爲巖
穴謂定山七
星巖也南溟在履綦暮烟迷浦淑寒日戀軒墀爭
宿皆魚翠叢生是水芝羚羊微積雪滙口欲流漸氣暖
梅先得霜輕葉不知魚浮因霧大鶯轉以風遲土稅多
柑戶蠻歌少竹枝冬乾禾稼喜歲晏杜蘭悲斷曠連西
駱梳榔接九疑蒼梧虞帝冢錦石陸生祠海思憑騷賦
雲愁爲別離鷓鴣催淚落蝴蝶與心期白首聞方始青

山老更宜桑榆休恨晚吾道有餘師

至西寧賦贈張大令

一水曲穿林沿澗信幾深路從幽鳥問城向亂雲尋漸
到絃歌地遙聞鸞鳳音政成因孝友公暇每登臨孺女
仙靈口羅人父母心花重封錦石月更奏瑤琴風雅持
當代神明答所欽千旌勞見訪几杖欲求箴作繪多葵
鯉開屏有孔禽築臺先郭隗在幕復陳琳史氏循良傳
帝家諷諫吟爲君頌擗管相和始于今

奉答林本文瀧水客舍見寄之作

嘉禾風雅盛梅里更多賢特起君無敵環攻我亦堅才

華同六代倡和得三年屢折鸞湖柳頻粲鶴渚蓮鸞花
西子國烟雨大夫船樵李芬馨處鱸魚潑刺邊相知惟
汝少獨立讓誰妍笋比籠葱大雖爭鸞鷺先明堂成大
玉清廟作朱絃一自參商隔徒教夢寐牽蠶娘悲嫁畢
浣女畏歌傳白髮重相遇青雲尚未然詞章光越嶠行
李苦蠻烟誓作羅旁客閒依鮑靚仙瘡痍分大藥水火
出炎天陰雨從班管慈雲起錦箋能招徐孺至更使主
人前晝引龍龕山名坐春留玉枕山名眠孝存名父志忠在
大人篇莫遣廷臣薦鳴珂便入燕

韓僉憲壽詞

南越分三道樞機在嶺西臺門開石室使節出端溪四
郡歸觀察諸侯待整齊聲華高絳闕文采冠金閨燕喜
多山雉龍驤罷水犀芙蓉園正啓鸚鵡賦爭題九節蒲
爲壽三珠樹可栖紛葩公讌曲傳自大銅鞮

嚴灘作

誰佐中興業桐江百尺絲潛龍雖勿用威鳳亦來儀月
上千峯夕雲生萬壑時那知天子貴適與故人期洗耳
秋潭冷披裘曉露滋石華開自拾瓊草可誰貽山鬼驂
玄豹桐君把翠旗客星光灼爍仙洞路透迤下視雲臺
將高爲帝者師論兵嫌呂尚象物得庖羲魚食惟香草
猿飛必上枝空教望鴻羽不使嫉蛾眉舒嘯天風起迴
舟珠斗移泯泯州樹外何以慰相思

過潘七丈山亭賦贈

舊醲黃花酒新開紫竹亭千杯浮大白五嶽佩真形晚
日明高樹春雲覆遠汀家傳射雉賦客問養魚經天爵
懷高尚仙衣拂杳冥稽康悲寡識阮籍笑長醒砌下迴
溪碧門前登嶂青泯泯此塵世誰識少微星

走筆奉答湖州徐蘋村司業見贈之作用元韻

吳興山水地茗書美無雙有客從天目來遊至海幢

海幢

在廣州城南

徐陵人望重司業我心降麗藻流金薤雄談倒

玉缸篇奇爭三華句險奪三瀧

在樂昌

鳳味

君視名

池教染

龍文鼎許扛才真金馬朔跡豈鹿門龐肯度金芝澗

即安

期蒲

還穿石笋矼

在黃山絕似安期巖

坐應陪塵尾行定刷風樂

果下蠻奴犢

嶺南有果下犏牛

花邊小蛋艘東尋黃木浦北指

白雲淙

城北白雲山有陳文忠公雲淙別業

花汲佗王井巖窺鮑女窓西

番蓮灼灼南漢水淙淙

城北有淙淙水爲南漢主泛舟之所

霸國餘啼鳥

仙家但吠屨忘歸頻燭秉不寐任鐘撞鄭氏元多酒

謂主

人鄭太史

潘家亦有江

謂座上潘太史

賓休辭斗石事可照鄉邦貝

葉開芳樹梅葩吐古椿無言偏玉振有道自金縱陸賈

光揚越相如重再驄風流誰更擅文采世多曉黑白絲

千縷玄黃血一腔祇須簫婉婉更用鼓逢逢陶寫無昏

且蘭膏注滿缸

春日廣州西郊遠公禪院登樓悵望有作

芳華南漢苑十里半陂塘菱藕家家美樹榕處處涼逢

師蘭若啓留客素琴張佛日人天喜仙雲殿宇光清齋

冰簟設妙供玉盤將笋嫩新春雨葵肥隔歲霜充蔬兼

野蕨作政雜蠻薑飯白知粳米茶甘識蔗漿露應天女

灑酥似雪山嘗一磬鳴空際諸禽下夕陽衆生禪悅食

童子咒心香戶外稀羅畢畦中足稻梁鶯聲紛出谷蝶

影亂過墻柳拂多遊騎花街少牧羊樓端臨雁翅檻外

俯魚梁山走斜穿海城廻曲抱岡荔枝連北郭菰米接
西塲藥市棠梨滿花田蔓草長珊瑚番客并茉莉蛋人
莊一塔從蕭氏雙臺自越王丸泥難割據尺土幾興亡
龍虎爭何益烏鸞啄可傷人頭頻作嶺馬革未還鄉故
老猶揮涕遺軍尚裹瘡乾坤歸冀土邑里逐滄桑惠遠
詩休紀瞿曇法好忘無心回浩劫有力盡慈航白社求
威輦訶林得仲翔教移濠上宅來作漢西堂稍近東林
寺開分大士床無生那用學却老儘餘方衣可芙蓉布
眠須兩菴房灌輸還負甕掃拾更提筐暮止龜峯下朝
行鯁浦傍時邀秋水論永遺竹林佳置酒成三笑權娛

正未央

奉題惠州王子千太守羅浮紀遊詩後并以爲
贈

惠陽賢太守公暇事羅浮再作袁宏疏重開鄧岱遊千
旄先白鹿人吏後青牛主客參雙嶽仙靈至十洲麻姑
披露冕葛令拂雲裘五色禽時逐三花樹輒留折梅毛
女澗行藥羽人丘肘腋東西瀑房櫳大小樓燭龍鞭子
夜水兎洗晴秋水使三千擊峯將四百收蓬萊持一股
蕭蒼取雙頭颯晶靈胡力爐鍾大造愁天心窮釜鑿地
肺恣雕鏤句出穿霞壁篇驚倒雪流盡傾辭匠巧竟絕

壯夫謀半月交吟嘯羣賢迭唱酬體裁爭擬射才藻總
依劉踞石棋盤設攀羅磴道修平拋夸父杖險用博臺
鈎雀躍鴻濛喜熊經疾痛瘳烟嵐生翼翔洞府得咽喉
蝴蝶車輪駕籠窻曲管抽糞香來巨鳥釀酒有靈猴宮
闕芝華割金銀草汁投頓能餐養壽不必樹忘憂冲舉
嫌偏早離愁恐未鳩經營勞牖戶疆理及河溝廣置春
香碓全消秀麥疇板徭資灌溉峯客荷網繆犬吠宵沉
柝脉操歲滿籌泉源長受福碇石永蒙休玉繫三江帶
珠懸十縣旒奉帷還象嶺拄笏更龍湫教養姑爲郡循
良卽拜侯禮加磨鏡數情向抱關優飲御賓恒在柄遲

士必撻蘭膏供夕誦和米佐晨羞井竈齊嬰待錢刀義
季求鸞城頰下榻鱸膾每停舟柁響知漁父棊譟識玉
勾官商千里應清濁一時酬麋鹿鳴芳杜鳧鷖媚碧菽
甘能珍肝鱗苦不棄瓠蘧卉木稻舍辨蟲魚陸佃哀枕
椰隨蔽翳翡翠任啁啾扇繪多么鳳書馱或果驢無防
終蕙苒有慶始赫赫雉兎閒長網桑麻廢大蒐條風紛
鼓舞陰雨重和柔樵悴民經解痲痺已尚妯神明元至
道孝友亦嘉猷化燕何煩鮑知魚最是周願垂棠蔭大
遙庇桂叢幽梁化吾真羨天私此一州

爲定安董大令壽

宓子能爲政當時最少年神明因取友清靜只鳴絃君
作瓊南令今同單父賢妙齡方十九高弟是三千邑小
濱炎海堂虛隱瘴烟乘閒桑柘外折節父兄前魚識河
魴美禽知么鳳妍檳榔青滿子茉莉綠成錢訟少無三
木書多有八編勤休是出入清已日流傳及此春秋富
瀾令冰雪堅初升欣旭景爲壽未須筵

賦得搗藥兔長生

三五正團圓人將穴鼻看自居明月腹誰共素蟾寒口
吐成水鏡蹄忘在玉盤人間三窟險天上一輪安踞伏
非東郭迷離是木蘭無雄毫不張有麴影猶單三足同

無死雙蛾與合歡駿鳥相接易繞鵲欲栖難長跪當芳
樹斜飛向画欄願勸天下兔舞斷水中彎玉斧修須助
銀鈎恐不完望舒催趨趨青女逐姍姍早作靈娥媵類
偷阿母丹仙妻那再得后羿只長嘆藥搗和金粟香飄
勝白檀杵疎瓊闕外春小桂叢端力爲秋暉盡聲隨夕
漏殘露華凋尚濕霞彩暴初乾生魄都因汝驚精不用
餐玄黃含沆瀣照曜動波瀾蚌蛤教多孕蝦蟇使細丸
光勞神媛浴響費羽人彈皎皎歸蓬戶泠泠拂石壇行
沿花遠近坐到斗闌干呼吸開重暈氤氳沁五官會分
珠黍許服罷振霜翰

霜橘

受命生蠻越爲師得楚臣甘垂嘉實美鬱作厥苞珍噴
霧香濡手含霜冷侵唇皮令幽菽辣瓠使縹醪醇臭味
炎涼一文章雜糅新江南逾酷烈淮北卽酸辛雕飾當
殘臘青黃踰早春華仍分瓣瓣齒更疊鱗鱗核易霑紅
袖渣防濕錦茵肺寒猶復嗜牙裂不曾罨老關年嘗學
荒畦日幾巡幸生丹荔國終守白華身果稅非千戶場
師是一人種先山蟻買林與荔奴鄰四會柑兼植增城
柚亦真橘官知己貴花利未全貧廣設仙靈井長滋道
路津金璫朝共摘玉案暮同陳連理懷多有曾枝刺莫
噓張盤休奪子陸續任遺親一顆嗟鞭甚三枚笑墮頰
方圓傾逐器締綵覆甕中再熟還潘令雙枝豈藉神餐
餘須壓餅方法擬跳閩

蘭花香

寶安香品異黃熟甲南天種子都成結薰蘭更耐煎黍
珠三葉裏魚子萬花前新橘含膏露多栽出大田乾乘
朱夏曬濕比素馨鮮一氣歸丹鼎同心作紫烟頻疑金
粟吐絕勝水沉然臭味氣氲合清和鬱滯宣命長疑木
火神早見山川作好須貽女驚精不用仙隔施雲母片
灰隱藕心錢馬尾絲絲滲鴉斑點點妍圓圖隨大小谷

鑿稍方圓習靜惟宜此忘機不是禪心空多病日根老
半生年金桔都如石朱砂不及泉肥磽農圃力灌溉子
孫賢九畹桑麻外千林井里邊太陽持盛實炎德矢貞
堅服媚同王者旃檀莫並肩

全桔地名其土乾燥多朱砂管最產佳香質堅如石

屈翁山詩集卷第六

屈翁山詩集卷第七

鴛水徐肇元掄三選

周源長荆思
徐起元瀛奇
校正

七言絕句

花田

日落江城鼓角悲花田牧馬暮歸遲
藤蕪尚帶羅裙色滿地秋霜知不知

西樵山中作

古木飛泉萬井中茶人多戴杜鵑紅
歌聲真似鶯聲好一路風吹聽不窮

家家洗藥有流泉
山上人耕盡茗田
婦女不知春色好
桃花一任落溪邊

招梁器圃

羅浮四百玉芙蓉
上有飛橋跨兩峰
君愛麻姑臺上月
歸來莫待海門鐘
山山雲裏肉芝肥
之子春深尚不歸
長恨鐵橋峰下水
東西分作兩泉飛

羅浮對酒語

爲農祇是種花田
花換春醪不用錢
更向梅花村裏住
梅花持去酒如泉

曼曼飛猿下翠林
洞門花密晝長陰
松風吹盡人間事
不使興亡上客心

羅浮道中作

梅花處處解相迎
洞口無人問姓名
幾道飛泉天上落
亂隨風雨作秋聲
行逐飛泉上白龍
人人分得一芙蓉
一聲玉笛天邊起
吹落梅花四百峰

禺陽

二禺丹嶂削高天
四壁風雷響瀑泉
花滿石牀閒不掃
臥看秋月向人圓

灘上吟

裊裊松枝掛女蘿猿聲故向月中多
征人一夕頭如雪
三峽三瀧奈爾何

瀧中

瀧在樂昌縣北凡有六曰穿腰瀧曰梅瀧曰寒瀧曰金瀧曰白茫瀧曰垂瀧

日日行舟穿乳竇時時濯足弄蘿川
青山兩岬花相接
花裏泉聲應暮蟬

舟隨瀑水天邊落白浪如山倒翠微
巨石有時亦却立
白鷗欲下復驚飛
百丈牽舟上瀑布芙蓉亂落如烟霧
中流忽有石梁橫
咫尺梅瀧不可渡

一瀧烟雨一瀧晴瀧口鴛鴦夾岬迎風送猿聲
滿城郭
行人忽起故園情

峰峰白練掛天低
溱水縈迴入武溪
日落漁舟不出峽
花中愛聽鷓鴣啼

萬疊奇峰接楚西
朝猿啼罷暮猿啼
三聲已下征夫淚
玉笛何須奏武溪

秋夕黃陵作

秋夕江潭寐不成
林空鳥鵲亦多驚
風吹不盡瀟湘葉
散作天邊秋雨聲

送何子

江水隨君萬里流年年天際一孤舟
浮雲我亦無家客朝向瀟湘暮鶴樓

零陵

九峰九水落瀟湘古木寒烟夾
岫長欲就重華寫哀怨蒼梧何處
但斜陽

江上望南嶽

五峰雪作九江水迴雁晴連嶽
麓雲未到朱陵仙洞口鐘聲已隔
碧湘聞

武昌江上作

黃鶴晴川枕翠微二樓高挾大江
飛天生瑜亮雙年少

一片雄風在石磯

廬山道中

雲際芙蓉十萬枝雨餘巖壑更生
姿一天飛瀑隨風至溼盡春衣人
不知

采蓮號子

花莖雖比葉莖長花氣何如葉氣
香寄語溪邊采蓮女留將葉葉覆
鴛鴦

石人峰下作

峰峰花發白雲香雨過春泉迸石
梁七十二溪成一瀑合流飛落玉
淵長

石門有懷

亂石盤旋下白雲
雨餘潭底數峰分
天邊五老空招手
只見梅花不見君

山中寄周青士

朝來花露滴人香
睡起寒雲滿石床
欲剪水簾三十尺
挂君堂上共清涼

雨過三峽橋上作

二十四潭爭一橋
驚泉噴薄幾時消
一山瀑布歸三峽
小小天風作海潮

一片鄱陽九水通
茫茫吳楚有無中
雲開忽見廬山影

半壁芙蓉挂白虹

華山頂諸水

玉井潛流作玉泉
中間二十八潭懸
水簾一道風吹斷
亂落芙蓉更可憐

蒲池太上東西瀑
散作三峰雨雪來
玉女洗頭餘碧水
至今長有白蓮開

華陰二蓮歌

太華蓮花並蒂春
紅妝惱殺謫仙人
千秋願作田田葉
雙捧蛾眉出玉津

萬仞蓮花挂碧天
飛來蒼翠玉樓前
美人雙倚仙人掌

舞袖迴風絕可憐
女生白鹿去翩翩
玉女相將下紫煙
自古仙人多好色
合丹不用獨枝蓮

寄王山史

首陽太華何時合
一道黃河苦問之
愁絕白雲與秋色
風陵渡口望君時

樂遊原上尋終南隱者不遇

終南萬里帶秦天
宮闕虛無蒼靄邊
白閣尋君還紫閣
似聞清嘯出風泉

客雁門作

三年作客傍滹沱
聽盡哀笳出塞歌
白髮不驚明鏡滿
秋霜只怨雁門多

黑圪塔

黃水河西草接天
蒼茫不見有人烟
揚鞭日暮爭飛鳥
望斷孤城雨雪邊

柳

舞盡春風萬萬條
白花飛送馬蹄遙
如何只見人離別
歲歲年年此滿橋

別傅應州

紅顏三載老風沙
處處人憐白鼻騮
金盡何須更游俠

早將清泪別琵琶

雲州白草接天低一片邊聲亂馬嘶
泪共桑乾流不盡故人相憶白登西

山陰作

秋霜一夜凋榆柳馬上征夫最早寒
邊女不須歌入塞故鄉明月夢中看

雲州贈俞右吉

淚逐桑乾出塞流三年三度走雲州
龍沙却喜無春草不惹王孫日暮愁

東趙子實

一別黃河間白雲秦箏慷慨夢中聞
春光不到昭陽殿絕代紅顏却與君

歌舞休將換玉聰神仙只畏酒罇空
雁門亦有芙蓉好醉共鴛鴦入水中

送客

綠琴彈出碧笳聲出塞何如入塞清
一曲送君千萬里秋來應共雁南征

從塞上偕內子南還賦贈

揮鞭北度雁門關夫婿相將萬里還
入塞更須先出塞不辭風雪損朱顏

西辭花馬池邊月東指樓煩嶺上雲往日于歸悲道遠
邊風吹淚濕羅裙

紅草東連白草溝紫河西入黑河流無邊簾櫳吹斜日
動爾思鄉一片愁

一聲雞唱整衣裳眉黛沾殘子夜霜行到白門春色滿
梅花爲爾點新粧

采藥從今向白雲與卿攜手思氤氳仙人不肯輕離別
方朔繇來愛細君

筆花何似臉花妍蝴蝶新辭亦可憐珍重莫書桐葉上
奩中尚有浣花牋

與舉姜宿紅梅驛

南枝花白北枝紅紅是秦中白越中辛苦鴛鴦飛萬里
今宵始宿庾關東

同李子自揚州至泰州作

邢溝一水接長天清淺偏宜煖板

船名

榆柳蕭蕭三十

里北風吹雪凍成烟

江南江北柳林中三日舟行苦朔風雙槳如飛吹不轉
秣陵東至海陵東

日落平田海氣凝風飄萬點艫船燈兩河水漲漁人喜
楓葉蘆花處處昏

霜清水澗見漁磯網罟何如斲鱗肥三十鹽塲多海味
一帆相逐故人歸

景陽宮

一江春水只流東六代繁華似夢中多謝垂楊與垂柳
依依猶向景陽宮

湖中懷沈武功

三江春水五湖通一片青天在鏡中日暮迴舟向林屋
梅花無數與誰同

天涯一片愁中月夜夜隨風落故鄉何日尋君來
二湖相並似鴛鴦

洞庭錄別

紫塞歸來白髮長美人爭拂鏡中霜鴛鴦湖畔開樽酒
一曲明妃盡斷腸

萬里羅浮今又歸天生越鳥自南飛平生攜李多知己
爭送扁舟向夕暉

諸君亦渡太湖來煙雨離亭更折梅七十二峰空翠裏
一峰花落一峰開

花多不見數峰青如雪紛紛撲洞庭一片離憂似煙雨
東風吹暗采香溼

毛公壇畔一泉開流入寒松萬壑哀拂石爲君題姓字

風流長記七人來

贈施生

洞庭七十二峰長橘柚秋來香萬家我欲來棲范蠡宅
煩君石上掃蘿花

虎丘中秋夕

今宵三五足歡娛一片姑蘇似玉壺天作千人歌舞石
月華流滿錦羅毼

一帶船燈捲碧紗人人歌管鬪繁華吳王往日風流在
狂殺蘇臺十里花

真娘墓上玉簫聲十五當壚巧笑迎一自君王能好色

至今吳女盡傾城

夜宿觀山作

一夕無衣寐不成觀山山上月淒清松聲捲起寒江水
散作風聲與雨聲

明月娟娟似翠蛾登高臨水奈君何松聲欲捲愁心盡
花片猶沾血淚多

劇棊

楸玉相將日劇棊兔毫贏得筆枝枝還家贈與青娥婦
細作真書寫楚辭

初秋有憶

一聲風雨錦衾涼不待秋深鬢有霜
泉下美人相憶否三年秋夜爲君長

喜陳獻孟屢過草堂口占贈之

之子相尋逐海潮東樵朝別暮西樵
多情最似松間月飛去飛來照寂寥

有憶

蕭郎謝女久分飛一在黃泉一翠微
青鳥不傳天外信可堪清淚日沾衣

蜀岡懷古

玉盪珠簾總一丘春魂多半在迷樓
麝蕪亦愛雷塘路

十月青青自不秋

一路飛橋壓水低芙蓉多與酒船齊
依依最是三春柳繫得君王不復西

春雲黯黯美人斜秋草萋萋帝子家
一代紅顏在何處可憐都作廣陵花

一片平蕪接海天江南山色墮樓前
雙雙浮玉天風外空翠飛來化作煙

寄程蝕菴

萬壑松聲吹汰寥一朶飛作一天橋
嗟君老作黃山客獨采松花不我招

梅旅度曲以秋宵聞歌爲韻

一聲風雨客初愁不唱啼鳥淚已流
今夕樽前須盡醉黃花猶爲故人秋

明月高高廿四橋南絃北管坐相邀
誰能卽策花驄去不向揚州度此宵

萬里天河淡欲分玉杯飛處濕行雲
多情最是齊梁曲恨爾江南夜夜聞

神仙富貴未蹉跎自古英雄白首多
請語梅花樓外月清光長照玉人歌

垓下

戰血淋漓灑美人君王意氣委黃塵
多情不渡烏江水爲有紅顏在草茵

江深閣眺望

在儀真

縹緲青山接燕磯風吹浮玉渡江飛
誰家故起真州閣收盡江南彩翠歸

題李咸若哺園

一路車篷夾岍多一重官柳一重河
天寒不惜牽舟苦爲有君園在薜蘿

青溪觀虞美人作

天生意氣逐重瞳

虞姬歌大王意氣盡賤妾何聊生

血作名花萬古紅

開遍青溪與罌粟枝枝爭舞美人風罌粟芍藥多與虞美人雜植

一帶溪橋隱暮烟開殘芍藥馬蹄邊紅顏盡是開花草

似爾虞兮自可憐舊曲中皆在青溪

題寒山子圖

天半飛橋勢欲飛赤城霞作羽人衣天風不斷松間起
亂灑流泉濕翠微

席上吟贈林茂之八十翁

明月飛來珠海長愁心盡與白雲鄉高歌試問投竿老
我是今狂定古狂

贈張子歸西泠

御溝春水玉河通夾岍花飛隨玉驄欲贈君歸須芍藥

佳人爭買點粧紅點粧紅芍藥之絕麗者

歸泛西湖水渺茫家臨湖墅足蠶桑梅花若向西谿問

曲曲漁舟共陸郎謂蓋思兄弟

文與也為予寫西洞庭圖賦此以贈

夢中林屋樹蒼蒼掩映人家橋袖黃更有楊梅無數樹
蒲萄處處綠陰涼

憑君點染包山翠多寫毛公洞口松掛向長安散炎暑
一杯一朵玉芙蓉

雁門七夕即事

天邊明月不曾愁萬里清光上塞樓我似微雲在河漢
依依長抱玉盤遊

一曲歸風響入雲留仙爭把漢宮裙思爲海燕巢君屋
處處街將蘭蕙芬

豹突泉

在雁門關
西門外

潺湲一道落桑乾中有征人淚未寒愁絕三雲驅馬去
年年花向戰場看

雲中詞

薄暮桑乾大獵還紛紛雨雪暗關山天寒不惜貂裘典
一醉春光上玉顏

懷沈武功

卿本佳人自不知相逢蔓草露零時殷勤問我離騷賦
欲共瀟湘采竹枝

悵望湖天祇去鴻洞庭花映白雲空銀魚一尺春來美
欲寄相思秀水東

白華園送客口號

白雨頻催荔子紅蟬聲涼帶芰荷風林間是清和候
無奈君行向海東

殘夢微茫逐水流送君帆席影沉浮他時倘憶羅陽月
應有音書到石樓

復歸沙亭東從兄泰士

故園又復返沙亭繞屋蜂蠻作画屏兄弟行中吾與子
遺書真解讀騷經

壬戌人日作

江山雖好恨無人不用鶯聲喚好春人日與誰還燕飲
英雄一一作青燐

玉河曲

二月流漸上玉河酒樓一一俯晴波春衣笑向壚頭解
醉擁琵琶臥紫駝

送諸駿男之蜀

從今淚應竹枝歌秋夜猿聲三峽多况復峨帽一片月
飛來飛去奈君何

春日雨花臺眺望有感

煙雨霏霏碧草齊斷腸春在孝陵西松楸折盡寒山露
無處堪容杜宇啼

春去風花飛更狂馬蹄無主踏殘香絲絲最恨河邊柳
日夕牽愁短復長

河陰戲贈老將

高柳城邊折柳多送君千里渡榆河美人駿馬平生物
欲贈其如白髮何

入蜀行

荆門西上卽瞿唐一路猿聲莫斷腸
應有巫雲化神女朝朝暮暮慰思鄉

湖上東宋子

誰駐蘭橈海上洲不將明月照人愁
一聲風雨笙歌亂始信仙人不下樓

留別弄羅軒

新梳墮馬可憐粧獨少秦珠耳後光
此去青鶯池上買歸來明月照蘭房

雷陽細葛雜銀條一著涼風生舞腰
應倩纖纖蠻女手

爲卿織得比龍綃

銀條紗名

弄羅軒有贈

日斜花始渡江來一到雲鬟花盡開
博奕輸卿花百串將花結作素馨臺

學寫曹娥未就時閒來只愛弄花枝
何當結得櫻桃子不負春風作意吹

牡丹新髻出維揚衣帶題春句有香
纖手把將團扇好練巾攜拭口脂長

逢查逸遠

家在沙場不忍回他鄉秋色老相催
憂心一片長如醉

不必貂衣換酒來

粧樓

粧樓寂寞委蒼苔春到梨花不忍開一片愁心亂如雪
東風吹去復吹來

從弟某折並蒂石榴花簪予冠側請作詩

枝枝霧滴紫金盤千葉葳蕤勝合歡花萼同心兄弟似
殷勤簪向御風冠

廣州荔支詞

朱樓初日上窗紗鏡裏粧成陰麗華不用臙脂邊地草
但調南國露頭花

鬱浦之上花曰露頭花中有粉傅面
光流采花曝日香落蘭油持爲膏沐

髮美而柔荔子一種芳氣
同儔亦名露花珍果之尤

水上園亭向曉開主人嘗後鳥群來多情不忍和枝折
留取芳陰在綠苔

荔子熟時主人未嘗
百鳥徘徊不敢銜將

枝枝交蔭釣魚磯翠鳥啾嘈食盡肥兩槩溪邊隨意摘
露華偏濕美人衣

一本分來花嶺頭年年留得殿清秋天雞未喚扶桑日

已有霞光照海樓

花嶺頭最遲
然名曰夜光

美人天上憶瑯玕生長南荒絕羽翰路入白雲迷子午
心隨紅日到長安

唐時涪州貢荔
子從子午谷入

送張南士返越州因感舊遊有作

可憐一片鏡湖水祇有西施一浣紗千載芙蓉爲誰發
君歸好上釣魚槎

雪竇山人

梁

去幾秋彈琴東市亦風流相思最是耶溪

月夜夜清光爲我愁

張望稽山宿草齊故人

朱士

墓在禹陵西天生志士墳

溝壑魂魄休爲杜宇啼

書臺

寓山別業

此日委寒烟鸞鶴飄零各一天君去落花應

自掃時時石上作春眠

贈厲子還西泠

長憶西湖歌采菱六橋秋水漲漁罾逢君急剪松江絹

乞寫雙峰烟雨凝

七夕

天上依然攬玉珂人間不復畫青蛾而今却羨雙星好
猶得年年一渡河

哭稚女雁

當年設帳雁門關代北諸君盡解顏共道榆林飛將種
明馳莫鼓木蘭還

我憐堂上有慈姑老鳳啾啾喜弄雛得此左思嬌女子
堪令白髮日歡娛

汝母秦人父越人汝生於代紫河濱萬里三人成骨肉

三年一旦作埃塵

初生一月卽南征歷盡龍沙紫塞城九月霜花凝繡襖
苦寒不斷有啼聲

兩齡失恃汝何知哭向桐棺索乳時萬里將來孩抱物
何人見爾不生悲

朝弄書篇夕畫圖聰明不獨識之無女中博士吾真望
豈比尋常掌上珠

三月艱難瘴海行歸來不見一枝瓊家中大小相持哭
盡作哀猿腸斷聲

空留汝母嫁時衣霧縠花羅香漸微欲與他人今不忍

華山高處瘞斜暉

無端母子來烟瘴送卻浮生數月中無母不應還有子
芙蓉蒂斷易隨風

葬汝先人墓道西白楊多處作幽閨若知汝父長相憶
莫向黃泉汝母啼

豐湖

內湖水暖外湖寒看殺鴛鴦忘釣竿一葉一花都弄遍
月明還向大夫灘

有贈

碧玉相思君已深雙蓮且寄一枝簪不愁葉底無甜藕

只要花中有苦心

望菱塘海濱諸村

樹樹穿榕是木棉人家多在海門邊初晴雨氣猶舍日
乍暖春陰尚作煙

落花

枝枝都被曉風催豈有黃鸝啄復開已是落花花已落
何須吹去復吹來

新眉

新眉懶画月斜斜調粉無心注露華解道海棠因淚化
莫教露灑又生花

種竹

春時卽是竹秋時雨過鞭行更不遲種向西南成筍易
求魚待取最柔枝

竹性喜西南竹鞭行時以
八月爲春二三月爲秋

西園

西田春夏土膏多一歲栽蔬一歲禾安得農桑來此地
更租塘水種菱荷
斜陽十里盡鐘聲蘭若相連直接城農圃有僧能食力
露葵香處笑逢迎

翠羽

羅浮翠羽日啾啾飽食梅花亦復愁不見美人來樹下

月明寒作淚光流
紛紛么鳳向瑤華收盡香煙不似花綠萼一珠餐不盡
銜將數片過東家

哭華姜

來時哭度雁門關
醉酒明妃白草間
胡越可憐俱遠嫁
夢魂空逐雁飛還
養母依然獨采薇
無人爲製老萊衣
卿卿自是將軍女
不合身隨野鶴飛
淚灑羅浮萬壑中
春花盡作杜鵑紅
東家蝴蝶西家燕
雙宿雙飛命不同

相尋日向墓林來
同穴無期更可哀
卿若見憐人寂寂
殷勤一爲把棺開

才人命薄古來然
消得香閨幾日憐
一代文章今已矣
更無知己似卿賢

明月舒光乍上枝
夢殘空使楚王悲
無情最是巫山女
暮雨朝雲只片時

懷中保子二齡餘
弄爾西窗舊讀書
我指卿卿新画像
可憐未解淚沾裾

去歲中秋三五夕
鴛鴦歸到粵江邊
高堂滿酌葡萄酒
笑道人同明月圓

終日焚香禮彩雲雲中不見舊仙君
畫圖懸在梅花洞
蝶無情亦上裙

白日魂交翠帳低
家人難喚夢中啼
英雄氣爲紅粧盡
况復多才竇氏妻

天生明月斷人腸
今夜方知秋夜長
一照愁人生白髮
風吹不去皎如霜

不斷蓮枝不見絲
絲絲長無補斷蓮枝
他生願作田田葉
捧爾芙蕖出水湄

甘蕉不實恨如何
秋雨蕭蕭葉上多
夜夜玉琴相伴宿
閒情不復着青娥

林泉相對只綦巾
筆墨憑君繡雒神
爲愛狂夫詩句好
金墻平與刻書人

松柏何須附女蘿
思將白日醉中過
天教武子爲情死
人是文通賦恨多

秋日自廣至韶江行有作

不向池塘把釣竿
白頭人作老漁看
秋江歲歲同鳧雁
隨意蘆花宿暮寒

飛來古寺是耶非
何處歸猿向此歸
長嘯至今煙霧隔
無情亦爲一霑衣

南國多情易別離
登高臨水總相思
淒清越女吹蘆管

絕似巴童唱竹枝

削竹千枝作纜枝
枝長枝短似遊絲
年年百丈無窮路
牽斷肝腸人不知

煙靄蒼蒼暮幾重
山雲低接水雲濃
亂峰迴合成天井
片月無因出萬松

山圍明鏡易成圓
四壁松杉黯似烟
花缺依稀知峽口
片帆斜出斷崖邊

峰峰橫作錦屏長
瀑水紛紛斷石梁
煙雨峽門開復闔
絕愁無路入英陽

峽盡清江曲曲開
白沙深映碧濼洄
秋光流出如明月

一片空青天外來

丹崖翠谷錦圍空
草樹無花也覺紅
春色盡歸秋色裏
不曾霜醉一青楓

虛無螢火似人過
一夜魚驚出綠莎
白板無聲江寂寂

催寒但苦草蟲多

江間夜靜漁人多
擊白板以驚魚

鷓鴣啼殺未還家
煙雨瀧東失釣槎
韶石蒼蒼三十六
知君何處弔重華

江行

烟雨江光冷欲無
白鷗飛處有人孤
愁心又與萋萋草
半在春山半在湖

暮春山行

棠梨白似白頭人如雪開時已暮春
寒食野花惟見汝亂隨蝴蝶撲車輪

燕

紅紫爭銜一片霞香泥只向白雲家
雙雙翠剪穿簾入要掠姬人鬢上花

緋桃

炎方隔歲已春華每恨花朝不見花
多謝緋桃情意好清明開向野人家

新竹

煙梢露葉碧蒙茸迸出新林盡籜龍
青玉雨餘春粉少楚辭多寫墨香濃

一春

一春寒臥擁香篝每恨東風吹滿樓
故遣垂楊與垂柳千絲萬縷攪人愁

今歲

今歲鶯花倍覺稀春寒不肯作芳菲
萋萋但長天山草祇恐邊人馬不肥

春盡

清明正是最愁時淚作空濛細雨絲
春色欲尋無處所

鶯花不遣恨人知

細雨春山亂出泉
愁隨流水日涓涓
淚痕留與青青艸
半作棠梨半杜鵑

春遲

今年春早却春遲
凍死鶯花春不知
淒絕清明紛雨雪
苦寒如在雁門時

屈翁山詩集卷第七

屈翁山詩集卷第八

鴛水徐肇元掄三選

周源長荆思
徐起元瀛奇



七言絕句

秋日廬山作寄繆天自

一嘯霜林葉盡飛
白雲終古獨無依
山中五老長相待
何事秋深尚不歸

自大小王公嶺經楓林橋一路丹楓古木與梅
桂相亂坡陀高低石路坦潔絕可愛

車隨石路去迢迢
夾岍楓林隱一橋
松樹不知何處盡

人穿蒼翠已三朝

君山夜泊

相思七十二峰青雲引愁心過洞庭采罷芙蓉秋月下
迴舟何處弔湘靈

陳宮辭

玉樹新歌唱未終石頭城外戰雲紅君王失國風流甚
笑抱名妃入井中

古寺虛無玉殿存美人環珮響黃昏多情最是萋萋草
不沒胭脂井上痕

秣陵春望有作

玉漱金塘雨過時家家楊柳映茅茨溪行忽與人烟遠
一樹梅花獨自知

江南無路草萋萋欲送王孫烟雨迷幾度蘭舟行不得
鷓鴣偏向夕陽啼

歌舞銷沉一夜風繁華自古送英雄可憐七曲江南弄
都入胡笳慘淡中

日斜湖上聽歌還落盡天桃慘客顏回首白門楊柳外
春風一半在寒山

燕子新箋唱未終君臣一笑失江東風吹苑柳花無數
飛向天山與雪同

煙雨春光澹欲無年年愁滿莫愁湖清明莫向江南過
芳草萋萋是故都

榆柳青青萬井煙遊人隔袖揖金鞭桃花不解王孫恨
開遍燕姬酒肆邊

凄凉今古一荒丘欲問滄桑水自流歸去東樵高臥好
青山猶爲野人留

金陵送藍子

秣陵爲客總途窮才技如君恨太工自昔黃金天最愛
艱難不肯與英雄

題吳季六所畫黃山松

三十六峰松盡眠一峰峰有一松纏余枝不比松身短
十丈橫飛渡水烟

熊羆多力不如君

季六少時力舉千鈞

會向沙場作虎賁戰敗不

愁無矢刃奇松拔取掃千軍

吳襄時建義戰敗手拔一松擊敵斃百餘人

松松費盡熊羆力画取黃山萬樹來雙腕可憐如此用

丹青深隱冠軍才

龍顛虎倒在峰峰盡是將軍漢代松鱗甲不妨三寸厚
耐他冰雪過玄冬

寄新安汪扶晨

不愛黃山愛紫霞紫霞中有故人家多情每遣潛溪水

流出相思與落花

扶晨家在潛溪門前有紫霞山去黃山九十里

我愛新安水至清煩勞三十六峰迎無端風雨迴中道

負爾樽前望遠情

扶晨約予入黃山予行至蕪湖以暑熱適返

承君茶味紫霞新遠寄兼貽吳野人歸取越王臺畔水

一杯先奉白頭親

扶晨自製茶名紫霞片海陵吳野人有謝扶晨寄紫霞茶詩

寄答新安黃黃生

黃生洪仲

舟方

吾知己分手維揚已十年黃在黃山洪白

嶽洪今已沒有誰憐

因君更自憶方舟白首風霜苦竹秋

洪有苦竹軒

淚與飛花

吹不盡門前添作一溪流

浮家往金陵作

半船妻子半船書烟水蒼茫恣所如此去金陵四千里

不知何處有田廬

浮家已至蠡湖濱思向匡廬住一春瀑水遠從雙劍落

垂垂天外欲牽人

湖上

落花半落鏡湖春無數鴛鴦戲白蘋吹笛一聲邀海月

月來先照浣沙人

題望京樓

心逐春光萬里流回風吹墮望京樓江南盡是相思樹

和雨和煙繫紫騮

自萬安上十八灘號子

一夜灘魚撥刺聲雨中偏得月華明平鋪瀑布衝舟去
白鷺無心亦自驚

某明府納姬金陵索贈

已有芙蓉並蒂妍紅粧雙倚似非烟更迎桃葉秦淮上

共載梅花大庾邊

君雄州人

太白風流奈爾何金陵小妓楚聲多天生三寸如花筆
只爲佳人画翠蛾

宿乳源道中

馬度橋南石路平黃昏未到乳源城山樓一夜驚寒夢
不辯松聲與水聲

夜上飛雲頂

天雞未喚滄溟日海蜃先銜若木霞獨上羅浮最高頂
一聲長笛月光斜

自秧家至黃窰道中所見

山女春晴采笋多林中雙踏落花過千巘草長無樵徑
猿鳥紛紛下薜蘿

銀釵高髻帽輕紗谷口群栽吉貝花夫在東菑望朝饁
唱歌遙下碧峰斜

寄無可禪師

羅浮采藥失佳期
聞道嵩陽錫杖移
珠海含君千里月
秋光長得慰相思

題畫蘭冊

羅浮夜半欲開時
多謝微風不肯吹
香隔山來歸絹素
祇應騷客夢魂知

平生作畫恨無師
花鳥而今學已遲
欲作道人蘭弟子
瀟湘雨寫一枝枝

秋日對花作

花曆天南最不同
吹噓不必定春風
東君自解行秋令

先遣梅開九月中

九月初殘漸有霜
盆梅移近讀書牀
花開夜半頻驚起
一朵渾如萬朵香

芍藥

千枝萬朵怨春紅
白纈黃樓髻子中
折向尊前君不飲
參差笑殺浣花翁

虞美人草

舞態依依傍藥欄
多情春雨未沾殘
朱顏不與英雄盡
秀作名花萬古看

柳

一絲一縷已風流半拂芳塘半画樓日夕含煙復含雨
不將春色散人愁

已遣飛花作白蘋又教吹絮逐香茵枝間嬌鳥紛無數
第一流鶯最惱人

鷓鴣

不戲新梅嶺上煙對啼偏向酒杯前三春梅作江南客
萬里愁當落日天

天涯

天涯蕭瑟又逢秋不待霜飛已白頭明月何曾知客恨
黃花只是笑人愁

題江丈小影

高柳垂垂拂曉空愁心多半與天風羲皇以上何曾沒
總在先生夢寐中

題葉氏山房

城外青山千萬重城中獨有一芙蓉君家正在芙蓉上
一片樓臺雲氣濃

姑蘇楊柳枝詞

姑蘇臺畔臥經春歌管淒涼憶美人楊柳無情飛絮亂
可憐如雪亦成塵

家家垂柳繫相思况復吳儂唱竹枝未曙啼鳥腸已斷

行人難待月斜時

美人香水尚留谿谿畔桃花亦姓西無限風流與楊柳
千條萬縷任鳥棲

露咽烟啼總不明飛花如送復如迎長條那忍輕攀折
爲爾臨風最有情

四百橋邊茂苑東纖腰舞殺爲春風吳娘一一嬌鶯似
生長遊絲落絮中

金縷垂垂拂水流梧宮花草不曾秋蛾眉飛作天邊月
長爲君王照鳳樓

送客

春草方生瘴氣微子鷗催客不如歸漁舟但向桃花入
莫問仙源是與非

春望

烟雨催春春欲歸荒城最少是芳菲生憎浦口多鴻雁
食盡蘆花未北飛

沙亭漫興

村南村北一溪分咫尺橋梁隔暮雲雞犬無聲人寂寂
羲皇一枕至斜曛

丈人僮僕八旬餘日授諸孫不用書爲愛榕陰風日好
移樽相與贈黃魚

風含落葉易成悲
葉葉秋來亦有思
蕭瑟最愁蟬響外
一聲先與夢魂知

自題易葉軒

一庭梧竹最宜秋
易葉新書雨不流
人是羲皇高枕外
黃花亦爲義熙留

春日仙寒草堂作

一聲黃鳥一深杯
盡日林中戶不開
惟有東風憐寂寞
時時吹得落花來

增城道中作

青青山色每窺人
林外煙含一帶春
昨夜風吹新水長

桃花片片逐游鱗

浮瓊海

島嶼沉浮一點青
雞聲髣髴在空冥
斷虹一片天邊起
亂落風帆向翠屏

夫溪曲

夫溪在仁化縣東北百里
昔有戍婦送其夫
至此哀動行路故以名

夫溪溪水分流
流向東西似御溝
恨絕當年征戍婦
潮痕長與淚痕留

鴛鴦不向此溪游
豈有鴛鴦得白頭
溪水不將濃淚去

淚紅長似落花浮

詠羅浮

一簾飛水掛雲高半落流杯池名與藥槽風捲寒聲入天際時時故作萬松濤

丫髻雙開紫翠新瑤臺石笋鬪嶙峋笑他玉女峰娟妙長伴雲邊一老人峰名

青旗江口所見

微霜生暖雪生寒魚愛新泉上釣竿漁父掛帆三水去白頭人作鷺鷥看

見初月有懷

娟娟初出絳河濱只見蛾眉不見人欲寄清光與卿去風吹不肯落西秦

一半晴光一半陰相看只在碧天心盈盈最恨明河水長爲牽牛織女深

題畫竹卷

誰寫枝枝竹影長墨花飛處卽瀟湘瑯玕不必栽千畝自有清陰滿石牀

杜鵑

生作春鵑只苦啼山山紅染落花泥天教怨鳥催人老一夕星星白髮齊

題王給諫烏絲紅袖圖 王邵陽人

芙蓉無數水中開
化作鴛鴦七十來
爭愛夕郎辭賦好
持箋一一向琴臺
斑駁攜得素馨花
陸賈風流映漢家
一片羅陽歌舞石
看君飛滿筆端霞

東向

東向金陵蕩画橈
愁心不逐暮烟消
多情最似江南柳
盡日依依爲六朝

斷腸

斷腸無計更留歡
鳳去羅帷香未殘
畫下空簾愁脉脉

祇應花作美人看

送麥子之松江

聞道鱸魚三泖多
季鷹秋興在煙波
君行更盡吳淞酒
身後浮名奈爾何

風吹不散落花愁
淚共三江江水流
一代紅顏是知己
爲予多謝月珠樓

宜興有徐氏女宰相徐溥之孫也最賞予詩謂爲天下才子

席上贈葉仙

吹人無那素馨風
更送桃花上臉紅
但得佳人稱太白

不辭沉醉月明中

葉仙三稱予太白先生予喜爲盡三爵

梁烈婦 有序

梁南海人同邑賴萬生之妻丙戌廣州破萬
生被害兵欲犯梁梁墮樓而死

流黃織罷淚雙流笳鼓南來咽暮秋梁氏自來多意氣
爲君還墮綠珠樓

綠珠
姓梁

黃烈女

有序

黃烈女南海九江堡人父名錫球丙戌女年
及笄值賊至將掠以行女曰吾頭可斷持梃
大呼與賊力鬪而死

會從越女學于將電擊星馳巧異常力盡佳人惟一死
血花開作杜鵑香

送林本文還嘉興

野田黃雀及秋肥稻蠟銜霜亦不稀一棹鏡香亭子外

白鷗驚見故人飛

嘉興黃雀特佳
有亭曰鏡香

長思

壓酒長思鎮朔樓鈿箏低按小雲州樽前亂落鷺毛雪
半爲天寒駐紫驕

歇馬長思金粟城索郎甜美月中傾荒雞不解留人客
行到黃河天未明

南粵歸辭

香貂雙覆錦衾齊雨灑船牕夢戍西潮水未曾生夜半

長鳴恨殺九真雞

弄雛軒作

鳥漸多聲到画檐更餘蝴蝶細穿簾晴催稚子開黃卷
暖課閨人寫素練

示女明珠

小本家傳女四書可能箋注若華如平生列女吾多傳
要汝聰明記有餘

春山

春山只在翠眉間休向雲門鏡水攀髻影吹人香不已
羨他蝴蝶逐風還

知道

知道楊花愛作萍故將飛絮攪空冥依依却是無情甚
折盡枝條勿使青

風花欲去向誰邊化作香泥色尚鮮最是東君無力甚
難留一尺画欄前

焚香曲

郎如朱火妾青煙一氣氛氲出玉煎沉腦成灰應不惜
祇圖香在夢魂邊

辟邪鳧藻兩爐輕被底香毬更有情展轉不離君玉體
房風遺製鑄初成

馮小憐有銅足爐曰辟邪手
爐曰鳧藻香毬即被中香爐

越臺新柳

新年柳葉已爭開絕似江南二月來自是炎方天易暖
春光先到越王臺
未作鵝黃綠尚輕垂絲一半拂春城風流絕似靈和殿
不待條長已有情
同心同折一枝迴絲縷因風結復開已苦春愁如雪亂
莫教花絮更飛來

題沈君小影

形影陶公此亦真義皇以上更無人科頭不見三千丈
欲爲君加漉酒巾

李白詩白髮三千丈

舞草

血作杜鵑花已紅魂爲舞草更搖風美人騅馬平生物
一笑天忘起帳中

黃花

黃花十月似丹楓嶺外無霜亦變紅安得醅醪朝夕有
玉顏醜好與君同

乞顧生寫真

蠟泉置我未爲非更寫嬋娟伴少微吳氏當風高士帶
曹家出水美人衣

移人神氣一毫端漢有狂奴在素統異日桐江來物色

羊裘好與故人看

題英上墨竹

疎放枝枝意有餘縱橫下筆似顛書風吹舞
無數簣簣勢不如

將上惠陽舟中望羅浮卽事奉呈王太守

江遶羅浮上惠陽絕勝九面見衡湘
半天空翠如陰雨一路秋光出夕陽

使君詩作萬松濤噴薄羅浮兩勢高
九十九條成瀑布

隨風欲剪一并刀

羅浮有九十九瀑布

題高生畫

故人胸次滿霞煙画出雲林與石田
愛殺橋西扶杖者無人相與踏秋天

戲示墨西

方程古墨欲收齊磨盡松煙苦墨西
有子殷勤將代汝

研池先與洗澄泥

方于魯程君房也

卿如子墨客卿來膠漆相依更不開湯沐
欲封君卽墨五年功在讀書臺

口占送姬人之母

公姥能來就女無無兒休歎白頭孤
殷勤得使甥孫大與婦雙雙作孝烏

送朱竹垞

情同楊柳但依依乍見那堪卽送歸
白首相知誰得似
夢魂從此更交飛

重來此地莫相違各已浮生近古希
二十五年還待汝

白頭未肯嫁斜暉

予與君別二十五年矣

送人入京

桑乾亦是小黃河橋向蘆溝踏雪過
馬上錦裘青海客
嗚嗚吹葉和悲歌

白山水雪黑山雲水落遼河向塞分
更出榆關隨射獵
海青看打駕鵝群

苦雨作

百道飛泉作簷溜絕疑三峽倒龍湫
哀猿爲爾空腸斷
淚逐潺湲日夜流

屢得友朋書札感賦

一謝交遊故國回寒暄不斷素書來
杜陵雖有虛名好

溝壑何曾一救來

少陵詩虛名但蒙寒暄問泛愛不救溝壑辱

最早知音是阮亭青蓮不得擅仙靈
九天咳唾紛珠玉

亂作飛泉下杳冥

王阮亭云翁山先生詩殆如太白所云咳唾落九天隨風生珠玉者

慈谿魏子是鍾期大雅遺音獨爾知
一自彈琴東市後

風流儒雅失吾師

雪竇山人畊也

雷谷同心復同調平湖臯旭亦淵通
王吳競學翁山派
領袖風流得兩公
周雷谷郭臯旭嘉興人最賞予詩以一時吳越相師法者爲翁山一派云
才名四十有餘年老益飢寒萬卷前絕代
文章多妒忌
自來人欲殺青蓮

老豈爭名向少年未焚筆研已歸田
能知白也詩無敵
除是開元一代賢

長兒明洪十八歲生日口占示之

志學已多三歲矣成童又過二年來
文章莫與而翁似
一代聰明要自開

題朱君望雲圖

春鳥催歸處處聞
鄉心画出翠氤氳
江南山色無多少
總向邗溝作白雲

題劉君蘆洲濯足圖

豈意菰蘆尚有人
微茫煙水未迷津
白頭漁父偏知汝
一棹相將出白蘋

新柳

鵝黃淺淡雪初消
拂水拖煙已萬條
小得春風都解舞
憎他絕似阿蠻腰

送聲遠往杭州

西子湖西近照明
南高峰雨北高晴
菴絲采共鱸魚腊

歸作高堂錦帶羹

舟向孤山柳外堤知從處士問幽棲故人亦是林和靖
家有梅花作女妻

西蜀費錫璜數枉書來自稱私淑弟子賦以答
之

詩歌豈敢作人師私淑如君乃不疑風雅只今誰麗則
不才多祖楚騷辭

古詩源向漢京尋十九情同三百深唱歎冷然清廟瑟
朱絃疎越有遺音

開元大曆十餘公總在高才變化中誰復光芒真萬丈

謫仙猶讓浣花翁

九月望後梅已數花先黃菊而發喜賦

霜降初寒卽吐花不教黃菊擅陶家籬邊秋色兼春色
別作幽人一歲華

題畫

老樹橫斜似酒龍扶持須倩木芙蓉憑君更發蘭香墨
多寫含霜三醉容

送王觀察之官蜀中

荆門西溯卽高唐一路風流屈宋鄉更向秭歸尋故宅
無窮騷些在斜陽

十二巫峰似九疑芙蓉朵朵鬪仙姿
離騷弟子荒淫甚神女無端入楚辭

似有朱顏在鏡中香溪清與若耶同
美人心逐天山草萬里青青到漢宮

斷腸花滿峽門香復有相思碧草長
哀怨一從生望帝三巴都作杜鵑鄉

竹郎祠下竹公溪水合三江到峽西
白黑諸蠻春報賽巴渝曲爲使君低


羚羊嶮口滿嘉魚兩穴人言美不如
君到沔陽春盡候相思應遣一銜書

一林

一林秋色在貧家紅葉蕭蕭似落花
無數金錢在黃菊欲持沽酒送年華

屈翁山詩集卷第八

翁山詩外數十卷蓋景道授堂九歌艸堂諸集之全也板藏于家旋復散失海內能詩之士罕購其集子偶獲之古杭書肆與仲弟緡閱再三不無醇疵互見之處因選錄精者若干首質之叔祖華隱公欣賞之次并叙昔年締交始末出贈別諸作見示今附刻于後以見吾弟兄諷咏遺文不若華隱公與之連床上下也鴛水徐肇元掄三跋



附刻

贈別南海屈翁山十首

徐嘉炎

翡翠巢南海翩翩西北飛
口銜明月珠隨風生光輝
琅玕不可遇枳棘非所依
所願凌雲翔飄飄任吾之
躊躇將何極顧望心懷歸
江路永且深烟霜渺以悲

烟霜越萬里萬里長風沙
遊子思舊鄉故人在天涯
窮冬日淒淒落葉相交加
客行歷山水中道浮雲斜
狹路摧車輪駭浪何紛拏
形神同槁木使吾心咨嗟
安得蒙春風顏色成茗華

茗華生有時遊子會有期
奈何忽相逢中道成乖離
人

生非久要不若不相知白頭與傾蓋新故自有宜悠悠
如結心惟此長相思

相思獨何爲纏綿對衰艸明月何迢迢朔風千里道遠
道何修阻白日迴林表猛虎當九關嚴霜空皓皓目送
南歸鴻飛鳴豈自保飛鳴不我聞顧望爲君老

顧望粵東雲飄飄暮南征徘徊九疑山惆悵五羊城千
秋越王臺俯仰餘平生平生徒偃蹇時日嗟晚晚出門
遇窮途慟哭思旋返對酒動離歌三嘆不能飯

三歎成離歌如此別思何君營紫河車言尋碧山阿再
拜奉高堂素髮朱顏龍孝子補白華南陔聲相和遠遊

必有方豈惜經崎嶇念子有母遺吁嗟我獨無高張生
苦調獨往涕霑裾

霑裾重涕零徒御亦以驚人生皆兄弟能無骨肉情比
翼固相隨交柯亦同形矧乃懷本根而忘羣悲鳴信美
樂故都誰將求友聲多君志溫清爲子感精誠凄然送
征人幽懷與君并

幽懷安可忘佇立向穹蒼日月與四時來往各有常春
華不終萎秋葉還再揚越鳥隨北風翩翩自南翔君歸
謁王母總轡登扶桑遐觀南海潮極目徒茫茫

茫茫事遠遊方外更九州重陰蔽兩曜悲風獨悠悠坤

維西北傾天漢東南流子探黃河源細尋崑崙丘崑崙
爲爾家胡爲不久留日暮崦嵫雲徬徨增百憂

百憂亦良難歸路何漫漫鬱鬱青松姿誰當同歲寒人
壽能幾何百年皆憂患相期黃鵠舉六合俱高竊安能
坐辛苦爲此離別嘆揮毫以陳辭攬涕情洸瀾

羅浮山歌送屈翁山歸粵中

有客言羅浮神仙之所會三湘五嶺地脈連高似崑崙
九州外曜真之天真人居奔星垂露扶輪輿青龍前席
白虎侍南斗北斗吹笙竽奇峯三千六百丈羽衣青鳥
闕來往石室長溪七十餘芝田翠幕平千掌言尋丹竈

泥因發紫霞想名山之下多仙真如君亦復超羣倫玉
顏誠戍削金骨何嶙峋三山五岳圖已徧飄然拂袖凌
青旻青旻杳杳雲不開排空獨見金銀臺江頭飛沙起
烟霧崩山觸浪成風雷憶君馳驅秦燕陞黃河天際長
如絲束攀日觀臨蓬瀛海中五色天雞鳴欲尋射的留
山陰更往天台訪赤城將隨鷲鴻去三浙四明峯下言
離別忽焉懷土思舊鄉令人感嘆音塵絕寒風蕭蕭滿
浙河增米千里堅峨峨青衫白足蹙然去相望其如愁
思何飲別酒歌離聲博羅老仙山中迎青童玉女奉顏
色三花拂袖携高雲飛鳴驚白雀來往聲相聞羅浮迤

迢不可即明月梅花夢到君

附詞 一名騷屑

如夢令

纔過鷓鴣啼處又到鸞鴛飛處行盡越天邊總是一江
煙雨歸去歸去芳草幾曾送汝

又

未盡一灣藤竹又入一灣喬木向夕駐漁篷螢火照人
孤宿相逐相逐已與白鷗情熟

醉花陰

煙雨臺城迷古道春色幾時好誰使馬羣多一片江山
生徧萋萋草未過寒食鶯聲老花發應須蚤處處是

邊陰垂柳垂楊不爲南朝掃

鵲踏枝

乍似榆錢飛片片溼盡花煙珠淚無人見江水添將愁
更滿茫茫直與長天遠 已過清明風未轉妾處春寒
郎處春應煖枉作金爐朱火斷水沉多日無香篆

戚氏

徐太傅園戚舊

是青溪一曲流水遠平堤古木過城亂花飄徑使人迷
淒淒問蒿藜東園不見暮烟低當時玉輦曾駐向此垂
釣樂志歸錦鯉三尺中涓爭買重勞御手親提愛張星
墓左南部妖麗全勝雲西 榆柳尚有烏棲清露咽咽

怕向白門啼鍾山好雪餘佳氣掩映斜暉逐花泥忍更
舊院芳畦脫寇往日名齊豔魂不散總作流鶯一半分

與棠梨

太傅風流甚池多画舫洞有飛梯喜得君王

麗曲舉樓臺一一乞留題樂工老頓新翻女真雜調亡

國多淫靡教內人朝暮長流涕將往事思寫悲悽奈禁

林朔馬方嘶又彌望毳帳繞青氍更秦淮畔殘紅片片

只覩香蹄

武廟南幸有樂工頓
仁從 駕自稱老頓

瀟湘神

零陵作

瀟水流湘水流三閩愁接二妃愁瀟碧湘藍雖兩色鴛

鴛總作一天秋

瀟湘二水相合
名鴛鴦水

又

瀟水長湘水長三湘最苦是瀟湘無限淚痕斑竹上幽
蘭更作二妃香

又

瀟水深湘水深雙雙流出逐臣心瀟水不如湘水好將
愁送去洞庭陰

滿庭芳

蒲城惜別

金粟堆邊水蒲水畔紫駟迢遞迎來月中驚見光豔似
雲開桑落霑人半醉將長筵弄向秦臺天明去鞭揮
曲愁殺渡人催徘徊空歎息桃花易嫁鳳子難媒和

香雨氤氳飛作塵埃墜井銀瓶永絕誰復取仙液盈杯
應知爾三春繡閣幽寂委蒼苔

八聲甘州

榆林鎮弔諸忠烈

大黃河萬里捲沙來沙高與城平教紅城明月白城積
雪兩不分明恨絕當年搜套大舉事無成長把秦時塞
付與笳聲最好榆林雄鎮似駱駝橫臥人馬皆驚更
家家飛將生長有威名爲黃巾全膏原野與玉顏三萬
血花腥忠魂在願君爲厲莫逐流螢

榆林鎮流寇號爲駱駝城馬見而畏

長亭怨

與李天生冬夜宿雁門關作

記燒燭雁門高處積雪封城凍雲迷路添盡香媒紫貂

相擁夜深語苦寒如許難和爾淒涼句一片望鄉愁飲
不許爐頭馳乳醉無處問長城舊主但見武靈遺墓沙
飛似箭亂穿向草中狐兔那能使口北關南更重作并
州門戶且莫弔沙場收拾秦弓歸去

蘭陵王

雲州旅次

大同破猶記姜家作禍藩王郎邊草上牆紫兔黃羊嚼
花朵葱香雪併大圍坐雙姬泥我琵琶弄爭唱玉郎道
是西宮內人作 康陵舊經過有五里鵬旗三里龍舸
豹房親上歲鞋鎖愛賈屋妖冶雁門粧束金元雜劇教
婀娜欲迴輦無奈 烽火御樓墮任馬踏含桃人摘蘋

果槐龍陰燬花當臥怕對對悲策叫雲相和淒酸難聽
語客去及蚤箇

意難忘

自宣府將出塞作

山轉雲中問花園上下蕭后遺宮鴛鴦雙澡在木葉四
樓空洋河雪紇干風愁不度居庸恨一春戰雲慘淡直
接遼東 揮鞭且莫匆匆愛笳吹兕勒邊女唇紅駝鞍
眠正煖馬乳飲還濃休出口奮雕弓更奪取胡驄料數
奇徒然猿臂白首難封

滿江紅

山陰道中

咫尺陰山黃水外龍堆相接最愁見邊雲羣起牛羊無

別白草已將青草變平城
城與長城沒倩蘆笳吹出漢
宮春梅休折天斷處沙如雪
天連處沙如月總茫茫
冰凍未秋寒徹柳未成條
風已斷鶯將作語春頻歇
勸行人莫滯紫游韁
效華髮

關河令

題綬清明有見

柳毛爭插正冷節
向野墳相識枉踏新青
靡蕪殊未碧
黃沙遙接塞北
但幾點紅藍顏色
鹵地佳人臙脂嫌太
濕

傳言玉女

紅萸

葉葉抽心卷放總同
菡萏吹開無力笑
春風淡淡紅蕾

太赤莫是榴裙相染
光生雲髻冷侵冰簟
一半含胎乍聞雷吐
復斂露華寒滴喜綠
天半掩銅瓶養取變
作淺黃猶豔教人那
不遍栽窗檻

憶漢月

瓶中瓶花

白碧紅緋相向春在
瓶中嬌養枝枝不必
翠林旁自有雨情煙
狀佳人金屋少空絕
世有誰幽賞一根一
葉已傾城迎爾那辭
蘭漿

暗香

蠟梅

北枝花後又蜜脾
點點成葩如豆想是
綠珠拋向柔條被黏
取分得黃檀色淺吞
還吐微開香口向葉
底朝暮

衝寒攀得帶冰溜 心幼被春逗莫只管半含似他紅
蕊露乾雪皺餘氣箱奩尚穿透愁絕靈娥在遠思寄去
百房能否蜂釀罷芳未淡且浮臘酒

羅敷媚 瓶中紙梅花

郭璞蜜賦靈娥御以艷顏

瑤華先吐嬋娟手白齒生姿不界烏絲細作春光下剪
遲 冰片片片那能似似得霜肥香動南枝兩兩同心
照水時

又

錦江滑膩層層染半寫香奩不用花纖多少春光在玉
纖 枝枝剪出皆檀暈一朵先簪粉印微霑翠羽教他

盡欲銜

浪淘沙 春草

嫩綠似羅裙寸寸銷魂春心抽盡爲王孫不分東風吹
漸老色映黃昏 蝴蝶不留痕飛過煙村紅藏幾點落
花魂雨過苔邊人不見濕欲生雲

憶王孫 草

風吹一夜卽萋萋未到裙腰路已迷腸斷離人日向西
帶香泥狼籍春光任馬蹄

惜分飛

事到傷心無可訴花落從他滿路此恨非風雨東皇自

是難爲主 片片隨波無一語化作浮萍自取應識相
思處莫將香夢東西去

浣溪紗

不折蓮莖不見絲絲長難繫一相思飛過煙樹少人知
心似芭蕉抽未已雨聲偏滴半開時郎邊可有一枝

枝相思
鳥名

又

一片花含一片愁愁隨江水不東流飛飛長傍景陽樓
六代只餘芳草在三園空有乳鶯留白門容易白人
頭

又

不分柳煙花雨暗將春去歌慵笑嬾向花朝恁得似鶯
多語 最恨匆匆神女彩雲無主巫峰十二已迷人更
一片香含霧

荷葉杯

紫燕雙雙飛去何處憑爾寄相思無書只有一紅絲紅
是口邊脂 郎問玉顏消否如舊獨宿繡房深牀間留
得鳳皇琴淚濕不成音

惜分飛 紅豆

開盒愁將紅豆數滋味應知帶苦泥裏休拋取怕他生

作相思樹 珠淚何年頻
化妝顆顆盤中不佳欲付黃
鶯去天涯銜向多情處

玉團兒 白杜鵑花

春心傷盡啼無血化爲花枝枝似雪色已瑤姬魂猶望
帝長含霜月 紅顏一夕成華髮笑冰姿臙脂盡脫暮
雨蠶叢朝煙劍閣誰憐淒絕

一叢花 蜀花

初如金粟一絲懸漸似玉芝鮮風吹忽變芙蓉朵喜心
小不作青煙春色泥人殷勤並蒂膏火莫相煎 難明
不必恨秋天自有夜光妍淚珠滴滴成紅豆欲穿起寄

與嬋娟山遠路長因君報喜泣盡復嫣然

向湖邊 采萼

積雨初消湖波新漲葉葉乍浮還汲素手牽來比銀釵
光滑教越娘輕按蘭橈菱花留取莫與紫莖同擷隔宿
還肥漫寒泉似雪 旋下蠻薑半作香羹噉誰復忍去
去和鱸魚輕別鱸具多攜更吳淞乘月况美菓千頭非
錢買休還恨犀筋玉盤消息絕且逐鴛鴦向夕陽明滅

浣溪紗 杜鵑

血灑春山盡作花花殘人影未還家聲聲只是爲天涯
有限朱樓當鳳闕無窮青冢在龍沙催歸不得恨琵琶

琵琶

阮郎歸

燕

雙雙剪水鏡湖旁，萍開一片光。游魚正繞紫鴛鴦，輕銜
過夕陽。新月上，素琴張。窺人在，画梁巢中，多少落花
芳成泥，更有香。

虞美人影

素馨茉莉休分別，大小總如水雪。朶朶開當明月綵，纈
穿成結。因沾膏沐香逾絕，鬢更教重疊。未曙花田
親撥，要解郎心熱。

又

斷腸何必萋萋草，一片落花堪老。試問郎邊嬌鳥啼得
春多少。垂楊不把愁心掃，攀折画樓難到。欲取相思
燒了紅豆，憐他小。

一落索

杜宇催春從汝莫，催人去人留。卽是好春留，更一任風
和雨。怕見遊絲飛絮，爲伊無主。落花爭似淚花紅，只
滴在分襟處。

鏡中人

本意和吳湖州

暮如霜朝似雪，長與玉顏相接。形影可憐無別處，處同
明月。郎愛箇人那愛妾，妾讓箇人清絕。羅袖爲伊開

笑靨更使能言說

鳳凰臺上憶吹簫

至自榆林迎歸荔浦人看秦地佳人正寶箏調月斑管
吟春忽爾風吹花墜連嬌女共化珠塵曾無語匆匆入
月渺渺行雲紛紛淚飛似雪揮不到黃泉露爾羅巾
恨留仙難得空縹緲裙欲托哀蟬落葉爲傳此魂夢氣
氲光離合非耶是耶髣髴誰親

雨中花

大別山前人大別芳草裏新墳如雪宿蜨休飛啼鶻休
去爲守松間月萬里樓煩來入越又相逐煙波一葉

魂傍湘纍淚沾秦女定作桃花血

錦纏道

示小姬辟寒

不使彈琴爲惜阿姑仙爪但簫聲倚風輕裊又休成子
朱櫻小短短桃花禁得春多少更羅裙許長莫拖煙
草露濃濃濕教人笑好日長描取曹娥帖錦箋千紙點
畫都娟妙

高陽臺

紅草溝寒黃華峪暝頻驚雨雪當秋並騎三雲雙雙正
擁貂裘嬰雛抱向雕鞍上指故鄉萬里炎州念高堂九
子分飛饑鳳啾啾門閭倚盡因新婦喜秦珠秀麗漢

玉溫柔况有銀箏邊聲一一蠲愁人間樂事天頻妬把
恩情忽與東流恨當年月未團圓花未綢繆

摸魚子

寄秀水周青士繆天自

記當年落水門徑峭帆三度來往分襟忽爾經離亂且
喜故人無恙心不忘涼月夜銜書數把朱鷗放鄰姬兩
兩恨嬉戲相違明馳負去留爾在菰蔣鴛湖好咫尺
姑胥在望包山爭列屏障新詞多少漁家子可有雪奴
低唱三白蕩多巨口鱸魚潑刺乘春漲何時見餉與范
蠡香莼越王醉李置我北堂上

點絳脣

愁逐春來那知春蚤愁還蚤一天煙艸只有愁來道
花落無多不用東風掃留階好玉顏誰保一夕枝枝老

如夢令

含淚相看上馬手執絲鞭難下魂作柳綿飛片片粘人
珠靛休嫁休嫁一任櫻桃花謝

謁金門

愁心亂亂似風花千片帶雨含煙看不見正當春欲半
更有淚飛如霰一夕江南都遍垂柳垂楊穿一串游
絲同不斷

夢江南

悲落葉落葉落當春歲歲葉飛還有葉年年人去更無人紅帶淚痕新

又

悲落葉葉落絕歸期縱使歸來花滿樹新枝不是舊時枝且逐水流遲

又

相別久空與夢兒親已恨花房雙燕燕還憎竹簟一人人有淚濕紅巾

又

清淚好點點似珠勻蛺蝶情多元鳳子鴛鴦恩重是花

神恁得不相親

又

愁脈脈最是暮春初有夢花中爲蛺蝶無情月裏作蟾蜍不寄數行書

又

紅茉莉穿作一花梳絲縷抽殘蝴蝶蘭釵頭立盡鳳凰雛肯憶故人姝

賣花聲 題鎮海樓

城上五層高飛出波濤三君俎豆委蓬蒿一片斜陽猶是漢掩映江皋 風葉莫悲號白首方搔蠻屨大長亦

賢豪流盡興亡多少恨珠水滔滔

三君謂任囂趙佗陸賈舊有三君祠在樓

又 舊曲中

桃葉渡東西白鷺飛低裙腰草長與橋齊一代曲中人
已盡剩有香溪 脂水半成泥流入湖堤荷花欲踏紫
騾嘶燕子銜將魂片片可是深閨

滿庭芳

奉答張桐君惠陽幕中見懷

堤接鵝城橋橫漁浦渺茫盡是春煙故人愁斷多爲草
連天誰料才華莫用空趨府蠻語年年懷人句花中葉
外多少淚光妍 情牽教鳳子西從藥市東至香田謾

衙得相思一一紅箋此恨何時解釋垂白矣猶自嬋娟
明妃好胭脂未落青塚已淒然

南歌子

耳墜雙珠重眉拖半月長未笑口生香更簪花一朶斷
人腸

又

額煖裝貂鼠頭高作鳳凰珠翠染花香却嫌人說道是
吳娘

又

屐齒沉香結釵頭小鳳毛鬟濕桂花膏半粧猶未就弄

檀槽

又

雪粉荼蘼製花梳茉莉裝衣更盡情香消魂猶未了向
平康

又

珠淚成紅豆香心作彩雲更好花熏倩誰遙寄去桂
林君

滿宮花

最相思樓上鏡長帶一枝花影嬌鶯定解夢湘東不向
画簾驚醒淚染春箋紅雪瑩錦水桃花相映迴文書

就字斜斜念與東風教聽

攤破浣溪沙

莫怪匆匆是落花春來誰得久繁華蝴蝶不知寒食後
向誰家白髮自教成暮雪紅顏不解作朝霞送盡多
情江上客一琵琶

唐多令

魂夢滿江飛茫茫何處歸和煙雨千里離微芳艸不知
人有怨愁望處只萋萋不用接天低王孫路已迷恨
羅裙色映東西淚共風花相遠近烏柏下覓香闈

桃源憶故人

輕煙漠漠春何處試問水邊風絮不分晚來疎雨只共
芭蕉語 愁將花信頻頻數畢竟春深多許莫遣流鶯
催汝一夕過南浦

柳梢青

點點相思落花排就更有長條半繫江南半牽江北盡
作宮腰 啼鶉只爲前朝幾滴血棠梨共飄惱亂春山
白雲愁暮明月愁朝

又

雙下雕鞍秦王故苑共倚闌干玉豆傳心銀桃引笑不
怕人看 斜陽稍覺微寒回首去宮城上闌無限芙蓉

因卿眉嬾不愛春山

夢江口

春望斷日夕倚粧樓江上春潮無信久春潮只在鏡中
流流作一天秋

離亭燕

漸到鷓鴣多處愁作一天煙雨芳艸可憐千萬里長共
夕陽無主且莫返鄉關已有斷魂飛去 雲際片帆難
駐江上一竿誰許空妬白鷗來復往恁得分他毛羽掩
淚似春山終日濛濛洲渚

調笑令

花片花片化作蝶胥誰見黃黃白白爭飛飛逐春人暮
歸歸暮歸暮月向枝頭半吐

又

芳艸芳艸生向江南太蚤連天一片春愁不啻王孫淚
流流淚流淚點點桃花又墜

又

邊柳邊柳生在雲西不久清明纔見依依八月枝條盡
飛飛盡飛盡未報閨人霜信

又

邊月邊月何用光爭積雪征人見爾生情爲似閨中鏡

明明鏡明明鏡不得長合雙影

漁家傷

五五枝頭還十十前帆已共寒鴉集數點殘陽猶在笠
情悒悒秋虫未夕紛相泣 朶朶漁燈含霧濕風吹忽
似流螢立幾道星光穿水入舟未及沈沈戍影愁呼急

又

清明掃墓配墓

雨過爭開山躑躅餘紅染得春煙足人共啼鴉何處哭
墳新築鴛鴦兩兩黃泉宿 淚似棠梨飛碎玉柳條干
縷情難續每恨生時多怨曲愁盈目蘼蕪忍作羅裙綠

雷天曉角

遺鏡

流塵久入點點殘脂濕鸞影至今猶在憑香霧掩餘泣
獨立花半執月中追不及蟾兔料應相伴桂樹下斂
裙褶

女冠子 人日有憶

正月初七正是謝家生日秣陵時酌酒臨桃葉裁箋寫
柳枝 雙飛空似夢再見更無期化作煙和霧不相知

又 望月

天邊月今夕爲誰圓鏡好不將心事照何如一片盡含
煙光沒海東邊 相思淚露濕素華寒化作蟾蜍棲玉
殿嫦娥人笑汝孤眠寂寂桂枝前

生查子

淚點白紛紛飛去沾花葉一半作棠梨一半爲蝴蝶
腸斷玉樓人綠艸藏嬌靨歲歲未清明已有春魂接

醉落魄

黃鶯弄舌枝頭啼得春光熱離愁不到郎邊說梅子青
青打起穿花葉 棠梨著淚成紅雪爲農銜得胭脂血
天涯報道情難絕願似沉香生熟都成結

望遠行

一朶青山一朶愁飛濕淚爭流夕陽更作一天秋誰忍
上高樓 花已落不須春鏡臺交與流塵玉顏難再是

西秦魂夢且教逐行雲命薄古如此枉用濕羅巾

歸朝歡

姪人欽易琴囊適吳興徐蘋村司業以嘉興錦見賜拜而受之報以雷葛茶香

並申小詞時司業

將還朝補官祭酒

綠綺雕琴囊已舊漢錦蒲桃何處有美人鴛水一端來
豔過茗上穿花縹剪成勞素手珠徽瑤軫長消受謝徐
陵玉臺好序不及此文綺兒女葛絲挑出幼爲報禮
偷頻織就堯中香角復奮珍鳩斑一一兼金購共獻飛
雪候要知締綵能長久待歸朝軟塵拂拭圖取冷風透
山眉不斷與一帶暮煙乍近還遠更有獅洋潮水入湖

桂枝香

題潘氏菴園

迴轉漁帆片片乘新漲愛梅林雪花晴煖柳邊相送三
沙紫蟹圓沙黃蜺及春開窗留半扇任白鷺交穿窺
人書卷驚落雙榕細子飼魚肥嫩須將舊釀離支酒沃
鱸生冰縷霜片蕩舟迎我玉人攜取醉聽鶯囀

湘春夜月

又黃昏夕陽斜映湘陰可惜一片江聲都瀉作愁心欲
抱月光同臥奈月光如雪不煖香衾怕素娥笑客殷勤
玉指起弄鳴琴楓林瑟瑟螢吹鬼火葉助猿吟早掩
船牕休要作楚王迷惑神女荒淫雲朝雨暮斷人魂終
古情深恨宋玉托微辭諷諫風華寂寞誰與知音

歸去來 詠雨中山

生怕春眉人見無物爲執扇煙雨濛濛教遮面天風外
似花顫 十二峰俄變笑神女楚襄空薦風流但使詞
人羨荒淫好諷中勸

一斛珠

柳條休鞦朝朝攀折誰能那翠眉春共青山鎖多事嬌
鶯苦向枝間坐 落絮紛紛時惹我浮游未化萍千朵
嫌他雪點蒼苔破爲語東風吹向池塘墮

殿前歡

鷓鴣雞爲誰啼殺夕陽西一聲聲迸思鄉淚霑灑香泥

茫茫客路迷煙樹千重蔽魂夢三春滯花休豔豔草莫
萋萋

醉鄉春

最好桂林香酒擎出玉杯纖手皎月下醴花間隨意老
人消受 果贏二豪何有天上酒星我友解沈湎卽成
仙醉鄉日月誰能取

錦帳春

凍雪全融寒風半透正長至圍爐時候念故園春早數
枝當牖梅花開否 歲暮離家淒涼素手與金錯無緣
相就向空囊一哭淚滿衫袖祇添消瘦

白苧

又淒涼上端水天寒獨宿家園正吐朶朶紅梅紫菊苦
饑驅向人求食愧麋鹿無祿爲沙田闕白露秋分積穀
秋收又無雲子依稀一斛留作糜芋魁兼煮如肥肉
空腹肝腸地錦咳唾天花不堪平賣持作高堂水菽當
此際蕭條有慚童僕哀蟬咽咽與悲絃不斷怨簫相續
欲返巾車雪霰頻飛催駕黃犢是處窮途老去還多哭

風中柳

趁取花朝與客探梅光福恨橫塘千株未足北船偎玉
南船偎玉恣春情冷香中浴 蜂頭白盡不見髻螺青

綠掃莓苔瓊英萬斛香溼三宿帆溼三宿約笙歌總歸
林屋

一斛珠

鷓鴣催我未十里遲遲放舸愁心不逐風吹過落花誰
那偏向離人墮 欲掩兩牕當晝臥又前灘狂濤聲作
滿江漁子爭回柁白鷗驚破飛繞青山箇

江城梅花引

黃花和我滿頭霜怕重陽又重陽不分早梅還與鬪寒
香老去看花如霧裏被花惱一枝枝總斷腸 斷腸斷
腸苦參商夜已長天已涼一葉一葉落不盡悲似瀟湘

那得羅浮清夢到蘭房
明月笑人眠太早飛去也影徘徊
尚半牀

南樓令

無奈葉蕭蕭未秋含素蕊
染霜深怎得紅消碧樹無端
成錦樹片片血作花飄
寫恨滿空寥斷魂何處招
怎相思難報瓊瑤青女多情能醉汝
休落盡爲南朝

贊成功

莞城香角血格油沉收藏奩內
女兒心買來薰被費盡
麩金雙煙繚繞又到春深
幾夜風雪飄灑梅林偏愁
凍殺綠衣禽一般雙宿
忍使寒暗氤氳兩翅覆爾蘭衾

解佩令

芙蓉不好荼蘼不好是桃花
根葉都好來自秦淮似比
流鶯嬌小怎消他一枝裊裊
吳綾裁了越羅裁了怕
鴛鴦一對顛倒刺繡多閒儘
一十二時調笑寫蘭葩未
嫌太少

金菊對芙蓉

本意

香沁疎籬菊英誰伴芙蓉
千瓣含烟與鵝黃相映弄粉
爭妍朱顏一日能三醉
向白衣笑更嫣然九華佳色玉
杯共泛不覺忘天
折取插鬢翩翩向酒家亂擲
勝似金錢與新辭芳豔
分付嬋娟長紅小白同低唱
更一朵

當錦雙纏拒霜辛苦因公晚景一倍相憐

花犯

恨炎天梅花少雪凝脂未肥白玉寒珠熱似倒挂南枝
么鳳無力故人欲寄春消息脚躡那忍摘怕蛺蝶食殘
黃蕊團香歸粉翼 仙恣亦復苦愁侵憐他消瘦甚神
傷姑射膏沐少天然好免汚顏色飛瓊女月中不辨縞
衣冷相要同片石喚翠羽啾嘈歌罷天明愁寂寂

應天長

黃村探梅作

扶胥冬未半正百里花梅暗香相接生長瑤林兒女一
般如雪瓊英堆不掃任門戶玉茵干叠泥土泥狼籍牛

羊蕊珠誰拾 多半化蝴蝶與翠羽翩翩影迷寒月何
必羅浮方得夢魂清徹師雄隨意宿便此處美人尤絕
休更待成子青黃始來攀折

眉嫵

新月

喜纖纖鉤挂淡淡痕生初試素娥手未作瑤臺鏡娟娟
影新眉隨意描就短長漫闌想玉葱殊未消瘦最堪愛
宛轉画樓前半規映珠斗 仙樣唐宮那有歎玉蟾獨
處金兔無偶不死雖偷藥淒涼甚教人翻恨王母素娥
未久更兩宵弓影全鼓看三兩天狼光墜貫他左肘

過秦樓

入潼關作

五谷三嶠函關天阻大河吞渭同流歎虎狼秦滅但百
二關山四塞空留守險少人謀把西京御氣全收剩虛
無宮闕斜陽千里隱映林丘 喜華陰廟口琵琶女喚
征人繫馬槐麴消愁教兩三鶯燕各銜將紫萼亂作觥
籌看白帝多情有明星玉女綢繆且興亡莫問飛杖明
朝雲外相求

柳梢青 三原春日

南北雙城梨花酒熟一路相迎蔬葉茵陳麩條蝴蝶多
謝歡情 嘶花寶馬驕行白渠上交彈翠箏處處鞦韆
人人蹋鞠消遣春明 三原酒梨
花春最佳

霜天曉角

翠樓明月此夕應如雪三兩玉人相倚香露沁濕雲屨
一疊還一疊瑤琴彈不輟恨與素娥同寡蟾兔外共
寒絕

又

此情良苦况復瀟湘雨長夜苦寒難睡虫唧唧似兒女
歲去窮不去埋憂那有處白首不堪家累無計甚向
誰語

侍香金童

雪瘦冰肥淡淡含春色喜香暗清寒人未識蝶子偷將

新蕊食剩粉殘酥爲留瑤席 怕亂飛片片隨風難自
力更寄語多情休弄笛一朵鬢邊簪亦得未許全枝玉
纖多摘

淡黃柳

端州郡署作署會作行宮

蕭條郡廨會作芙蓉殿誰記池頭蒙賜宴來去茨菰葉
畔長與君王舊鳧雁共腸斷 龍鬢已零亂剩垂柳欲
攀徧御溝西可有殘紅片乳燕窺人但銜春至巢向空
梁莫管

風入松

西湖春日

斷腸人在斷橋邊橋斷幾時連無端橋斷因腸斷令垂

楊千縷還牽愁裏流霞難滿夢中明月難圓 花開花
落總啼鵲淚染六陵煙冬青那爲君王改正清明蒼翠
連天多謝斜陽芳草莫催客鬢年年

聲聲慢

閩城上吹螺

東西雁翅兩作飛樓江間一片沈浮四角鳴螺聲颯
起高秋淒涼尉佗臺上恨邊聲飛滿炎洲風吞吐儘秦
關漢塞處處含愁 絕似金笳催淚與明妃諸曲哀怨
同流未曙頻吹匆匆人馬難留無邊戰魂驚起逐行營
朝暮啾啾那管得一軍中人盡白頭

應天長

江南九熟清明近紅有櫻桃松有粉瑰花調珠葉襯多
謝當墟人不吝下香菰兼細笋食到盤心爭忍消受
自慚過分金錢教莫進

蝶戀花

立春

開歲炎天頻下雪梅蕊遲開凍得南枝徹幾樹天桃先
漏洩春光已被蠻娘奪黃鳥數聲嬌欲絕一夕東風
吹轉綿蠻舌處處壺觴閒可挈嬉遊莫待芳菲月

菩薩蠻

一春融暖無多日愁花怨草都含泣煙雨解欺人貂裘
典莫頻清明看漸盡鶯燕來相問風已幾多番春殘

尚忍寒

月照梨花

天氣初暖簾簾都捲碧草多情隨人近遠黃鸝白蝶依
依逐花飛春歸只有飛花送煙輕雨重片片風相弄
乳鶯銜去休太頻頻使愁人淚霑巾

霜天曉角

鏡中人老鏡外人難好階下紫蘭紅蕙須教變長生草
蝶香多在粉拾來和藥擣多取異花薰炙料得使朱
顏保

又

飛飛榆莢片片連花葉欲買舊愁新恨頻移步風前拾
拾來眉上貼勾引雙雙蝶多少碧桃紅杏不得上臙
脂靨

露華 白牡丹

素粧淡淡喜絕代瓊姿皎皎難染路入庾關能見梅花
無忝一枝不必姚黃已奪越爍光豔炎天熱瑤臺夜深
牖戶休掩 盈盈半壓朱檻正浣出天香珠露微點笑
謝雒陽花佔國色長占向煖稍展矚稔更使玉人勻臉
常影坐銜杯共對不厭

惜秋華 木芙蓉

莫拒秋霜任重臺獨瓣紅衣都染乍得露華新粧更添
嬌豔凌晨已作酡顏醉滴滴天漿未厭堪念念芙蓉製
裳湘纍得占 朶朶暮還斂待明朝醒解把薄脂重點
恨水淺照不徹鏡雲微掩何人見爾關情折數枝寄來
相賺那敢怕鴛鴦露棲葭莢

五綵結同心

答黃位北見餉姑蘇酒浸楊梅

包山初熟玄墓初垂炙得太湖全赤載向闔門去把三
白一一和枝深漬甜酸得酒皆成蜜隨十幅蒲帆爲客
玉顏好盡生紅暈絕勝夏時鮮食 炎洲荔支誰敵且
莫教鬱水織綃人識更有蕭然白湘湖上香共紫萼莖

摘燒春相伴方長命看歲歲丹砂容色愧滿盤火珠滴
滴欲報瓊瑤無力

蕭然山名在蕭山
蕭山產白楊梅

錦帳春

檳榔

花發房中子生房外一顆顆來從瓊海帶花餐連葉嚼
喜顏紅十倍臙脂能代 大把臙分小將乾配儘兒女
長盈繡袋汁須吞渣莫吐添香灰豈再餘甘還愛

長相思

落花

一枝低兩枝低黃鳥飛東蛺蝶西雙雙尚自啼
朝煙迷暮煙迷紫燕銜時已作泥紛紛襯馬蹄

摸魚兒

與友人別

放蘭舟溯江西上渺茫求食何處天涯相見頻相別同
作水邊風絮春欲去恨故苑鶯花總付煙和雨離情罷
訴教夜半啼鴉聲聲向月爲寫此愁苦 思重會當在
吳闌古渡吹簫城下應許英雄失路皆無策慚使浣紗
憐汝君莫取鴻鵠在他時自有凌霄羽功名糞土且滿
酌霜醪仍將漁釣共醉白蘋渚

賣花聲

鷓鴣

兩兩對啼聞聲似人蠻多情喚得玉驄還何處春深行
不得楚水吳山 南翥向梅關苦竹叢間隨陽不似北
禽寒銜葉未教霜露濕日映花斑

如夢令 孔雀

頂上三毛搖曳箇是華山冠製褊體錦文圓妒殺画堂
珠翠無計無計大尾更須三歲

又

尾上金錢如許終日開屏勞汝只爲雨來時欲置珠毛
無處飛去飛去合浦儘多高樹

紅娘子 丁髻娘

戴勝何曾重有髻方爲鳳身是丁娘心如聞客那堪雕
籠喜長來玉鏡小臺邊與釵頭同夢 花朵開黃茸人
作芙蓉弄兩兩穿枝三三食蕊何曾驚恐想纖纖飛燕

掌中輕得似他翻動

丁髻娘頂有黃茸毛開若蓮花

醉花陰 翡翠

雄繚雌青相掩映愛殺銀塘鏡日夕浣清波春羽秋毛
箇是佳人命 珍珠一一皆穿竟無爾粧難靚點綴九
鸞釵葉淡花濃要與春光競

蝶戀花

題唐宮撲蝶圖

鳳子翩翩紛似雪画扇低颺驚入深深葉博得君王開
笑靨聞香忽復穿裙褶 秦女乘鸞顛倒絕捉得黃鬚
膩粉教輕捻收向鏡奩成媚蝶承恩好待華清月

柳含煙 柳

青青眼忍看人人別人離不啻更將煙雨濕殘春與羅
巾紅恨綠愁消欲盡枝上無多風信一相思作一垂
絲斷腸時

醉落魄

飛花如許無多紫燕難銜汝春歸誰作嬋娟主願似游
絲長絆郎風絮韶光誤盡因煙雨并刀已剪愁千縷
情多恐化相思樹人可催歸會逐啼鴉去

漁家傲

白首夫妻雙打漿春來最喜西江漲日月鱖魚爭入網
龍且養香粳欲換須官舫鷗鷺那分三與兩年年共

在沙洲上白小紛紛君不讓飛蕩漾窺人豈爲梨花釀

一叢花

題西寧長春寺

灣頭錦石似天屏斜對寺門青人家盡在芙蓉瓣恨蒼
翠露濕牕櫺花半未名禽多有姓鎮日共松亭天然
生就白雲城萬嶂繞空冥春歸此地無人見儘花氣薰
殺仙靈香雨漸消頻生皓月緩步過前汀

百字令

甲子元日試桃杯杯以魏
爲之是魏里柯寓輓所贈

野亭春暖喜雨聲初歇鶯歌元日滿酌西王宜壽酒正
有千年仙核却是笙匏天邊獨處星宿同無匹椒花盛
取玉杯慚爾多質蚤共五色鉤連甘瓜子母碩大成

秋實葉佐晨羞餐未厭忘却盤無肥炙製就雙卮殷勤
我友持作高堂物小兒方朔自今何用偷得

畫堂春

天青染得一江青煙波雪後逾明片帆衝破白雲屏蕩
漾鷗汀芳草萋萋天際羅裙直接空冥看黃成綠是
愁凝春色難勝

賀聖朝

休憎春色濃如酒縱醉人難久愁心攪亂任鶯聲更絲
絲垂柳歌長歌短總催白髮但瑤琴在手飛花片片
解相依到天涯猶有

探春令

一春春暖似春寒值炎洲多雪喜海棠開出枝枝鐵蠶
催得芳菲節曉風頻遣黃鶯舌向愁人先說說玉杯
滿酌琵琶洲上沈醉娟娟月

漁歌子

開到棠梨不是花鶯啼莫憶舊繁華朝雨急暮風斜春
光催去去誰家

又

夾浦天桃樹樹斜一灣不見一灣花雲帶岼水浸沙白
鷗多處有人家

海棠春

清簫未弄腸先絕正檻外朦朧初月露冷雁聲沉水濕
螢光滅柳枝難作同心結但有絮紛紛似雪莫傍画
裙飛片片成蝴蝶

醉花間

花相識柳相識無限春顏色蕩漾酒船時費盡拋香力
將情交玉筵弄去聲聲通天邊月莫圓留待人圓夕

浣溪沙

欲使緋桃嫁碧桃篔簹中交插兩枝高朝朝對取酌香膠
白髮不須求大藥紅顏自可解離騷并用那有剪愁

刀

又 桃溪

榕葉陰陰又木棉芭蕉黃映一溪烟人家半在峽門邊
蝦菜未殘三月市魚花爭上九春船愁同百丈盡情
牽

點絳脣

分付東風卷愁西向秦天去窈頭香乳舊解貂衣處
那日花開持取歌金縷鞍難駐淚和紅雨半濕關門樹

又

看殺春山翠眉何必長如許黛邊煙雨莫使人描取

掩映高樓花缺偏窺汝斑枝樹令栽無數遮盡芙蓉路

小桃紅

不怨春光去不望春光住只願愁人一年一度與花相
遇縱青霜白雪總盈頭也爲鶯燕主花作誰家絮鶯
作誰家語化蝶韓妻乘鸞秦女總歸塵土且安排紅酒
紫金杯聽玉兒低訴

傷情怨

枝間紅淚漸少喜杜鵑開了收拾春心休從花內老
憐他梅子尚小打乳鶯一一難到入口先酸青黃愁未
蚤

賀聖朝

巫山一望堪愁絕况蒼烟月三聲猿嘯一聲流淚兩
聲流血瞿塘纜上那知白髮已毵毵如雪多因神女
氤氳香雨無端相接

酒泉子

三原元夕

鄭國渠邊寶馬亂嘶秦月滿城燈挂白楊枝上元時
彈箏打碟響參差曲曲口西關外邊聲多半是相思少
人知

又

猶記踏青煙煖三原春正豔喜涇陽人盡至又頻陽

二城南北花相向總是姑蘇樣眼紗不戴香鞦上任端
相

減字木蘭花

梨花未絕朶朶沾泥猶是雪欲嫁東風自有蠶媒送落
紅連朝煙雨一見春光都欲語酌酒庭前忍舍鶯聲
去晝眠

天仙子

雙鬢但將蝴蝶賽露花油好嫌香大吳閭學得牡丹頭
釵不戴珠不愛只有一枝蘭作態

又

自織纖纖嬌女葛霏霏蟬翼同輕滑裁爲夫婿夏時衣
風莫縐汗莫透管取清涼長似舊

搗練子

春欲去去天涯片片殘紅是落霞蝴蝶飛過蝴蝶艸鷓
鴒啼上鷓鴒花

謁金門

望廬山

煙水外染得一天螺黛欲雨山腰先作帶瀑泉添幾派
春色氤氳長在一片雲成雲海點點芙蓉看漸大欲
從天際采

巫山一段雲

片片瑤姬影飛來最有情朝朝暮暮不分明愁與夢魂
凝 雲濕疑行雨蜂開似列屏髻鬟染得一天青一朶
一仙靈

如夢令

一夕恩情似夢臂上猶書嬌鳳忻口再來時天曙更無
人送鶯啼鶯啼費盡春聲何用

江城子

春魂如雨復如煙暗吹斷落天邊無情花片相逐又明
年人笑海棠消瘦盡明鏡好尚相憐 軟同人柳只多
眠怕啼鶯到簾前愁壓青山不使黛雲妍枕簟爲誰寒

欲絕教寶鴨斷沈穠

掃花遊

題蒲衣子深廬

柳塘蕩漾正片片寒鷗亂紅爭浴問誰水曲把秦太洞
穴影藏深竹白大黃雞亦愛漁郎信宿雨新足喜灌溉
稍閒能把書讀 山翠低染屋恁耐得青青十眉春綠
傍簷種菊漸參差逗出數峰麋鹿玉甕霞浮儘爾神仙
厚祿過幽谷聽鶯聲又兼絲肉

念奴嬌

追和龔蘅圃喜予
移家自門之作

昔年浮宅向金陵曾住莫愁湖口最是鍾山黃紫色未
遣蓬牕辜負上峴牽舟傍橋作屋兒女同魚留殷勤公

子笑饋鶯邊春酒 更將画舸相迎秦淮人至新曲歌
紅藕正值燈船簫鼓起廿四航間如晝徹夜邀歡天明
忽隔庾嶺梅花口相思長在汝南無數煙柳白門有汝南灣
清平樂

海棠絲短不牽風吹斷一朶依然紅玉軟留與粧樓寄
遠 揚花未作浮萍枝間交映青青拾絮殷勤作枕郎
歸定愛芬馨

訴衷情

小妓

開唇只唱月兒高未熟小櫻桃雛鶯身似琵琶短短繡
花袍 能勸客白酥醪綠葡萄蛾眉教画鳥爪教搔莫

弄檀槽

阮郎歸

春來莫使杜鵑知杜鵑花已飛海棠更是淚紅時片片
付游絲 琴不弄酒空持愁心盡在眉裙邊蝶怕風
吹房簾深自垂

散天花

浪花

吹作芙蓉上下飛天邊纖手散是江妃風爲根蒂水爲
枝天然冰朶幻出漣漪 舞入雲中不用衣沙鷗驚復
下欲銜時依依不忍別斜暉爲伊春不用自芳菲

一斛珠

題林文木琴画看竹圖

蕭疎翠竹美人手爪時相觸枝枝葉葉如新沐寫向鵝
綾看盡瀟湘綠 水綃細摺成春服針神更使人如玉
絲絲難繡文章腹腹裏流光照映篔簹谷

燕歸梁

幾片春光燕嘴邊紅濕露啼鮮海棠絲短也相牽殘夢
後斷魂前 粉餘飛雪香消沉水無計更留仙東風好
送向花田蘭麝土早成煙

江南春

花已攪柳還牽荷絲紫一縷荷葉疊千錢苦心成藕悲
蓮子蓮子成時郎不憐

柳梢青

綠艸萋萋一春愁望祇在花溪北地香魂南朝碧血總
付鷓啼 征人一騎遠西共誰宿黃駝自抵朝逐風笳
暮歸水害可念深閨

一斛珠

媚兒開袖芙蓉花出櫻桃口多生定念蓮經否欲吐芳
香輒自含辭久 荷葉不離雙玉手朝朝暮暮來擎酒
半酣方肯歌紅豆不信嬌鶯似爾春聲溜 歐陽文忠公
有姬姓盧名
媚兒姿貌端秀口中作芙蓉花香有蜀
僧曰此人前身爲尼誦法華經二十年

又

海棠絲短輸他楊柳絲難斷流鶯繫得枝枝滿莫只貪
眠不耐腰身軟 花絮無情風自亂眉痕一任春深淺
生憎一樹含煙煖每共芭蕉片片心舒卷

山亭宴

襖餘上巳過三日清明棟花堪摘知是幾番風乍寒暖
春醪少力杜鵑啼得杜鵑開淚紅處榴裙無色辛苦汝
流鶯拾不盡儂香魄 曼空半逐遊絲入又吹散蝶黃
蝶白儘意葬芳菲做慘淡煙乾雨濕新時爭似故時憐
此一度倍生悽惻情去在留仙綵履那堪執

垂楊

暮春客鳳城假寓黃氏池亭有作

芳春欲杪漸荔枝吐蕊木棉殘了細雨含煙未成流水
滂沱小甘溪遣送清泉皎主人雅玉釭分到潑茶香寒
坐松間對鳳山娟妙 聞說鱖魚更早已三五蛋郎竹
竿輕嫺喜住灘頭不愁紅頰櫻桃少花醪况是茶蘼造
任酣暢鶯聲四遠流連忘却歸舟情太好

十二時

送蒲衣子入山

送君歸亂山歸去婚嫁參差都了想竟似無情春杳不
使鶯花纏繞玩弄清琴沉酣玉醴怕不成仙道且養壽
影滅嬋娟却笑蔡家猶愛纖纖姑爪 顏未衰心花意
蕊况有十分光皎鏡裏復紅分明大藥不在丹干好引

嘯時有風飛身欲在煙杪 恨此生茅龍未徧五嶽猶
牽懷抱莫學盧耽翩翩毛羽拂盡洲和鳥恐去家未久
歸來但見華表

蝶戀花

春情

似雨如晴春乍暖漠漠輕煙未肯含愁淺悵望不知人
已遠踏紅似向花間轉 亂落杜鵑餘幾片付與遊絲
莫被風吹斷紫燕銜香知有怨怨他情與東君短

天仙子

翡翠蘭開如翡翠朶朶教人長日醉玉壺無酒又春愁
因柳色怕登樓一任年光逐水流

古調笑

蝴蝶蝴蝶片片如花似葉休教亂舞春風攪起苔間墜
紅紅墜紅墜半化胭脂香淚

又

楊柳楊柳日日長條在手流鶯何苦多情啼到枝邊月
明月明月冷浸滿頭冰雪

虞美人

無風亦向朱欄舞情爲君王苦烏江不渡爲紅顏忍使
香魂無主獨東還 春舍古血看猶暖巧作紅深淺花
前休唱楚人歌恐惹英雄又喚奈虞何

燕歸梁

不是棠梨卽杜鵑一路含煙更多蝴蝶化嬋娟春如夢
尚茫然 清明幾度披芳艸餘蘭麝在重泉三聲寄與
峽中猿向冷月任哀酸

離相思

慘淡秋缸花易謝苦風人從窗罅悄難睡無人棋共下
一點雨芭蕉打雨點兩芭蕉打 繞砌寒蟬啼未罷各
自訴斷腸話孤客蘭房長守寡一點淚胭脂灑兩點淚
胭脂灑

七娘子

愁來有路從煙草東風不把塵蕪掃絲短絲長將愁縈
繞萋萋一片先春老 紫騮驕向香泥倒綠乾紅濕多
行潦欲問蘿村無人知道茫茫不覺山花好

明月逐人來

秋夕與內子昭平夫人小酌

梅花開釀芙蓉相向秋蟾照翠樓冰亮夜寒多露休把
深杯讓早識卿卿雅量 難得鴛鴦白首情逾酣暢雙
簫起聲嫌輕颺月斜未睡猶倚簾櫳望隱隱朝雞初唱

琴調相思引

怕見春山不上樓煙舍春恨雨含愁茫茫歸思不共夕
陽收 海燕多情偏易去邊鴻無主總難留淒淒孤館

苦住更何求

茶瓶兒

正悄寒時人獨臥雪吹亂紛紛風簸花細難成采錦衾
空冷一片層冰裏天遣多情真苦我更白髮催人無
那草草青春過酒慵花懶但掩窗兒坐

漁歌子

素馨紅素馨綠素馨紅綠看難足穿茉莉貫芙蓉持作
玲瓏花屋旖旎香宜新浴離支膏滑慚非玉捐麝片
屏籤沉怕亂水肌真馥


春光好

花似笑柳如愁總風流獨有傷春人不好雪盈頭一憎
他乳燕鳴鳩一箇箇雙棲画樓不肯拆開飛教子趁風
柔

明月逐人來 新月

眉痕輕碧纖纖初畫微開鏡素娥無力兔兒何處相顧
無消息待滿雌雄方識誰見娟娟不向蘭闥深憶蛾
長短無人憐惜兩頭青黛應似春山滿祇怕愁烟空積

詞終



University of Washington Libraries U.S.A.

